

ИМОМ БУХОРИЙ НОМИДАГИ
ТОШКЕНТ ИСЛОМ ИНСТИТУТИ

ИЛМ ОЛИШ СИРЛАРИ

Имом Зарнужийнинг “Таълимул мутаъаллими тариқ ат-таъаллуми” (1901 йил Қозон Император университети типолитографиясида чоп этилган), яъни “Шогирднинг илм эгаллаш йўлйўрикларини ўрганиши” китобининг таржимаси ва шарҳи

Таржимон: Зокиржон ШАРИФОВ

Тошкент – 2004

Тошкент ислом институти ўқитувчиси Зокиржон Шарифов имом Зарнужийнинг «Таълимул мутааллим тариқ ат-тааллуми» (1901 йил Қозон Император университетининг типо-литографиясида чоп этилган), яъни «Шогирднинг илм эгаллаш йўл-йўриқларини ўрганиши» китобининг таржима ва шарҳини «Илм олиш сирлари» номида ўзбек тилига ўгирган.

Ушбу китобда илм олишга тааллуқли бўлган барча зарурий масалалар атрофлича кенг ёритиб берилган. Мазкур таржима илм олиш истагида бўлган ҳар бир инсон учун дастурул-амал бўлиб хизмат қилиши мумкин.

Асар кенг китобхонлар оммасига мўлжалланган.

بِسْمِ اللّٰهِ الرَّحْمٰنِ الرَّحِيمِ

Инсон зотини илм билан барчадин ортиқ қилган Аллоҳ таолога ҳамду санолар бўлсин!

Башариятнинг комилроғи, пайғамбаримиз Мұҳаммад алайҳис салом ва аҳли аёлларига, асҳоби киромларига ҳамда уларга эргашган инсонларга Аллоҳнинг саломлари, раҳмату баракотлари ёр бўлсин!

Аммо баъд:

Жаноб пайғамбаримиз ва асҳоби киромлар илму ҳикмат ва одоб ахлоқи ҳамидаларнинг сарчашмаси, туганмас булоқлари дидирлар.

Замонамизning кўплаб ёшларида илм ўрганиш борасида жидди-жаҳдлари, яхшигина ҳаракатлари бўлса-да, илм ҳосил қила олмаётганларини шоҳиди бўлиб, кўп мулоҳазага бордик. Ушбу улуғ мақсадларни ҳосил бўлишида уларга одоб-ахлоқ кўрсатмалари зарурлигини билдик. Мўътабар устозларимиз одобу ахлоқ булоқлари ҳисобланадилар. Ушбу китобни ўқувчиларга илм сарҳадларидан баҳраманд бўлишни тилаб, меҳрибон устозларимиз ва каминани дуюю хайр билан ёд этиб, қиёмат куни –Махшаргоҳда најот топувчилар қаторида бўлишимизни зикр этишларини умид этамиз. Камина кўп истихоралар қилган ҳолда, ёлғиз Аллоҳнинг, қолаверса, азиз устозлар иршоду барокатларидан, файзу футухотларидан имкон қадар насиба олиб, ушбу китоб таснифига бақадри ҳол киришдик. Китобни «Таълимул мутааллиму тариқат тааллуми», яъни «Шогирднинг илм эгаллаш йўл-йўриқларини ўрганиши» деб номладим.

Китобни бир неча фаслларга бўлдим:

1. Илм ва фиқҳнинг моҳияти ва фазилати тўғрисида;
2. Илм олиш вақтида ниятнинг хослиги тўғрисида;
3. Илм, устоз ва шерик танлаш ва бу ишда мустаҳкам бўлиш тўғрисида;
4. Илм ва илм аҳлини улуғлаш ҳақида;
5. Илм олишдаги жидду жаҳд, бардавомлик ва ҳиммату ғайрат тўғрисида;
6. Сабоқни бошлиш, уни миқдори ва тартиби тўғрисида;
7. Таваккул қилиш тўғрисида;
8. Таҳсил олиш вақти тўғрисида;
9. Насиҳат ва меҳру шафқат тўғрисида;
10. Фойда талаб қилиш тўғрисида;
11. Илм ҳосил қилиш ҳолатидаги парҳезкорлик ва тақво тўғрисида;
12. Илм талаб қилишда зеҳнни мустаҳкамлайдиган ва ёддан кўтарили-шини кетказадиган иллатлар тўғрисида;
13. Ризқ ва умрни зиёда қиласиган ва камайтирадиганлар ҳақида фасл.

Аллоҳ таолонинг Ўзи барча яхшиликларга муваффақ этгувчидир. Ёлғиз ўзига таваккул қилиш неъматлар уммонига йўлдир! Нуқсону камчиликлар авғ этилиб, ҳусни қабул ила даргоҳига юзланмоқ беназир баҳтдир!

1 – ФАСЛ
**ИЛМ ВА ФИҚҲНИНГ МОҲИЯТИ
ВА ФАЗИЛАТИ ҲАҚИДА**

Жаноб пайғамбаримиз Мұхаммад алайҳиссалом айтдилар: «Ҳар бир мусулмоннинг илм талаб қилиши фарздир».

Маълумки, ҳар бир ишнинг илмини билиш, уни охирига етказиш ва мукаммал адo этишга асосий омил бўлади. Мўътабар манбаларда машойихларимиз: «Илмнинг афзали ҳол илмини билмоқдир», – деб таъкидлаганлар. Бундан ҳамма илмларни ўрганиш фарз бўлмаслигини тушуниш мумкин. Балки, ҳозир бажарилиши лозим бўлган амалнинг илмини билмоғи инсонга буюрилади. Шунда қиласиган иши нуқсон ва камчиликлардан ҳолий ва илм билан бўлгани сабабидан мукаммал бўлади.

Амалнинг афзали эса, хато ва нуқсонлардан муҳофазаланганидир. Бу муҳофазани илм билан ҳосил бўлиши ақли расо кишига сир эмас. Демак, бир киши намоз ўқимоқни ихтиёр қилса, унга намозга оид бўлган барча илмларни (намознинг адo

этилиш тартибларини) билмоғи зарур бўлади. Шундагина унинг намози хатою камчиликлардан ҳолий ва мукаммал бўлади.

Бошқа амаллар ҳам худди шундай фарзи, вожиби, суннати ва макруҳ-у муфсид, яъни уни бузадиган омилларини билишни бажарувчига бевосита шарт қилиб қўйилади. Фарз ёки вожиб амаллардан бири бажариладиган бўлса, уни қилишлик учун керак бўлган баъзи амаллар – ўртада восита бўлганлари ҳам фарз ёки вожиб ҳисобланади. Бу илмларни барчасига амал қилиш шарт эмас, балки иш тўлиқ ва нуқсонсиз қоим бўлишига имкон берадиган миқдорда илм эгалламоғи фарз бўлади. Бундан ортиғи шарт эмас, лекин уни ўрганса зарап қилмайди. Зоро, Аллоҳ таоло илмни заарали қилмагандир.

Юқорида айтиб ўтганимиздек, рўза, ҳаж ва закот, ҳаттоқи тижорат ишларида ҳам фарзу вожиблари, макруҳларини билмоғимиз, улар ўртасида восита бўлиб турган амалларни қай даражада эканлигини билишлигимиз шарт қилинади.

Ҳазрати Имом Мұхаммад ибн Ҳасандан замондошлари:

–Зоҳидлик, тақво ва парҳезкорлик тўғрисида бир китоб ёзиб берсангиз, кўп фойдалиқ бўлар эди,— деб сўраганлар. Ул зот:

–Савдо–сотиқ, тижорат ишлари тўғрисида китоб ёздим,— деб жавоб бердилар.

Демак, зоҳидлик, тақвою парҳезкорлик жами ишларда – хоҳ дунёвий, хоҳ у охират иши бўлсин ҳаром, макруҳ ва шубҳалардан сақланмоқ билан бўлади.

Мазкур илмлар қаторида мусулмон кишига яна қалб ҳолатининг илмларини ҳам билмоқлиги керак. Қалб ҳолининг илми жуда нозик ва мураккаб, ўз навбатида жуда муҳим илмдир.

Таваккул қилиш – бутун ишлари, ички дунёси кечинмаларини ва қилаётган ишини охири хайрли бўлишини умид қилиб, уни ҳолис Аллоҳ таолога топшириши, тафвиз этишидир.

Инобат эса, қила олмаган ишларига нисбатан қайғуриш, афсусланиш, хато–нуқсонларини эътироф этиб тавба қилиш, Аллоҳнинг амрларига бўйсуниш ва ўзини камтарона, шикаста ҳолда тутишдир.

Хошя – қўрқув, хушуъ ва тазарруъда бўлиш, қалбан доимо Яратганинг ғазабидан, қиёматда қаттиқ азобидан қўрқиш, раҳмату фазлидан умидвор бўлиб, хавфу рижода турмоқликдир.

Қалб илмларидан бири – ризодир. Ризо эса барча ишларга рози бўлишликдир. Аммо бунда огоҳ ва зийрак бўлиш керак. Гуноҳу маъсиятга, куфр ва ширкка зинҳор рози бўлмасликка буюрилади. Дарҳақиқат, маънан етукликка интилган киши юқорида санаб

үтилган қалбий ҳолатларни ҳар вақт ва ҳар жойда амал қилиши керакдир.

Илмнинг шарафи, улуғлилигига шубҳа йўқ. Чунки у инсонийликка хос хусусиятдир. Инсон кўп жиҳатларда бошқа мавжудотлар билан шериkdir, лекин илмда шерик эмас. Шижаот, журъатлик, куч-қувват, сахийлик, меҳр, шафқатда ўхшаш тамонлари бор, аммо илмда эмас. Ваҳоланки, Аллоҳ таоло Одам алайҳиссаломнинг фазлини илм билан кўрсатди. Шунинг учун ҳам, фаришталарга ҳазрати Одамга сажда қилишни буюрди.

Чиндан ҳам илмнинг шарафи, олиймақом экани, у абадий саодатга – Аллоҳ таолонинг даргоҳида иззату ҳурматга ҳақдор этадиган тақвога восита эканидир. Бу ҳақда Мухаммад ибн Ҳасан ибн Абдуллоҳ шундай деганлар, байт:

Илм ўрган ҳар он,
Илм аҳлига зийнату фазилат
Ҳам олий унвон.
ҳар он талабгори фойда бўл,
Фойда денгизларида ғаввос бўл.
Илм, илмдан илм унар,
Соҳибини зийнатлар.
Манфаатлик денгизларда
Ғаввос бўлмоққа чоғлар.

Фиқҳ илми – яхшиликка етакловчи, тақвога бошловчи мукаммал омилдир. У мақсадларнинг энг олийси ва одилроғи бўлиб, ҳидоят йўлига бошлайди. Фиқҳ мashaққату қийинчиликлардан нажот берувчи бир қўргондир.

Битта парҳезкор, тақволи олим мингта ибодат қиласиган бандадан афзалдир. Яна шуни қайд этиш мумкинки, олимнинг бир ўзи мингта шайтоннинг душманларини ашаддийроғи ва даҳшатлироғидир. Бир куни Жаноб Расулуллоҳ саллаллоҳу алайҳи васаллам масjidга борсалар, масжиднинг эшиги олдида ташвишли ва ноумид ҳолдаги Шайтон алайҳиллаънани кўрдилар. Расулуллоҳ саллаллоҳу алайҳи васаллам келишининг сабабини сўраганларида, у:

–Ё, Расулуллоҳ! Масжиднинг ичидаги бир омий (уқувсиз, илмсиз) киши зўр бериб намоз ўқимоқда. Мен уни чалғитишни хоҳладим, лекин унинг ёнида «Илм шаҳрининг дарвозаси» ҳазрат Али (каррамаллоҳу важҳаҳ) ухлаб ётибди. Агар мен шу омийни адаштирсам, у Алини уйғотиб, ундан сўраб, бу тўғрида илм ҳосил қиласиди. Бу менга кўпроқ зарар ва ёқимсиздир. Чунки бир зарарим ўзимга бир неча баробар қайтади. Шундан бу ерда ноумид бўлиб турибман, – деб айтди.

Расулуллоҳ саллаллоҳу алайҳи васаллам шундан сўнг: «Бир олим минг обиддан афзалроқдир!» – дедилар.

Илм ва фиқҳ инсонларга дунё ва охиратда энг тӯғри йўл кўрсатувчидир. Унинг соҳиби эса барча ахлоқи ҳамидаларга эришади. У сахий, жувонмард, камтарин, журъатли, шикастадил, иффатли – ҳар маънода покиза ва бошқа хислатларнинг файзу-баракотларидан баҳраманд бўлиш баҳтига эришади. Баҳиллик – қизғанчиқ, қўрқоқ ва журъатсизлик, манманлик, исрофгарлик ва ўта иқтисодчи – зиқна бўлиш каби ахлоқи замималардан ўзини сақлаб, кишилар кўрганларида суҳбатига ошиқадиган гўзал хулқ әгаси бўлиб камол топади. Илм инсонга нима фойда–ю, нима зарар эканини билдиради. Инсон орзу-мақсадларига илм орқали етишади.

Инсоннинг кибр–ҳавога берилиши, манманлик қилиши, баҳиллик ва мол–дунёга ҳирс қўйиши, қаноатсиз ёки исрофгар бўлиши Исломда ҳаром қилингани маълумдир. Булардан сақланиш эса, илм чўққиларини забт этиш орқали бўлади. Аксинча, бунга зид бўлса, инсон аста–секин тубанлашиб боради. Шунинг учун ҳам инсоннинг илм ўрганиши фарздир.

Одоб–ахлоқ тўғрисида саййид, жалолатлик имом, шаҳиди аъло, муҳтарам устоз Носируддин Абул Қосим ҳазратлари ажойиб бир китоб ёзганлар. Баъзи уламоларимиз ушбу китобни жуда долзарблиги учун ёдлашни тавсия қилибдилар. Ҳеч бўлмаса фарзи кифояликка кўра ёдласинлар деб буюрганлар. Фарзи кифоя – шаҳар ва бирор ўринда бу амални бир киши бажарса, бошқалардан соқит қиласи. Агар ҳеч ким ижро этмаса, ҳамма гуноҳда шерик бўладилар.

Ақлли кишилар ўз манфаатларини кўзламоқлари учун бир–бирларини зарурӣ илм ва ҳунарни қоим эттиришга буюришлик юклатилган. Лозим топилса, бунга харакат қилмоқлари, сарф–харажатларини кўтармоқлари керакдир.

Ҳаётимизда ҳар бир соҳада инсонлар эҳтиёжи тушадиган илм–ҳунарларни ўрганишимиз шартдир. Масалан, инсоннинг таом соҳасидаги эҳтиёжи, нима халол, нима ҳаром ва зарарли эканини билмоққа ёки касал бўлиб қолса, дори–дармоннинг қайси бири унинг дардига малҳам бўлмоғини билмоққа эҳтиёжи тушади. Шу билан бу илмни ҳам билишга зарурият чиқади.

Илми нужум (юлдузлар ҳақидаги илм) – юлдузларга қараб фол очиш ва гайб илмини билишни тақозо этади, бу Ислом шариатида ҳаром (ношаръий) амалдир. Инсоннинг эътиқодига зарар беради.

Аллоҳ таолонинг қазои қадаридан қутулиб бўлмайди. Бу асло мумкин эмас. Демак, ҳар бир мусулмон ҳамма ишларини ёлғиз

Аллоҳга топшириши, Ўзигагина таваккал қилмоғи керак. Бу доимо Яратганни зикр қилиш билан, Унга дуюю илтижолар қилиб, ўзи ва халқи учун тазарруъ, шикасталик изҳор қилмоғи билан амалга ошади. Камтарин бўлиш ахлоқи ҳамидадир. Қуръони карим ўқиш, уни тааммул этиш ҳамда эзгу амаллар қилиш, хайру саховат билан машғул бўлиш бу мақсадга ёрдам беради. Шунингдек, Аллоҳдан қилган хатолари учун афв сўраш, нуқсонлари учун гуноҳларидан мағфират талаб қилиш, саломатлик ва тинчлик–хотиржамлик сўраши ҳам керакдир. Зоро, дуоларнинг самараси ўлароқ, киши турли балою офат, мусибатлардан халос бўлиш баҳтига мұяссар бўлади. (Иншааллоҳ).

Аллоҳ таало бандасига дуодан насиба берган бўлса, албатта бу дуонинг ижобатини Ўзи ато этади. Дуосининг натижасидан бандасини зинҳор маҳрум этмайди.

Дарёнинг остида бўлса жойинг,

Баҳона бирла еткузур Худойинг.

Мабодо, бу бало ёки имтиҳон тақдири азалийда бўлса ҳам, яъни иложсиз рўй берадиган бўлса–да, Аллоҳ уни енгилроқ, унга қуввати кифоя бўладиган қилиб юборади ва сабр билан ризқлантиради. Бу фақат дуюю илтижолар мевасидир. Илоҳо Парвардигоро, бизларга ҳам мана шундай бўлишни насиб этсин!

Агар илми нужумдан қиблани аниқлаш, намоз вақтларини билиш ёки бошқа шаръий заруратлар учун таълим олса, меъёрида ўрганиши жоиздир. Чунки бу, сабаблардан бир сабабдир.

Тиб илмини ҳам ўрганмоғи жоиздир, балки керак ҳамдир. Беморнинг тузалишига, шифо топишига боис бўлиш ҳам сабаблардан бир сабабдир. Жаноб Расулуллоҳ саллаллоҳу алайҳи васалламнинг даволанғанлари тарихдан маълум.

Ҳазрат Имом Шофиъий (раҳматуллоҳи алайҳ):

–Илм икки хилдир. Биринчиси илми фиқҳ –бу диний муомалотларга риоя қилиш учундир. Бунда аввало Аллоҳ таолонинг ҳаққи, бандаларнинг Аллоҳ ва бандалардаги ҳақ ва мажбуриятлари, дунёвий ва ухровий муомалаларни низомга солиш каби илмлар таълим берилади.

Иккинчиси эса – илми тибдир. У инсон жасади тузилишига оид илм бўлиб, унда турли касаллик ва тибга алоқадор ҳолатларнинг иллатини таҳлил қилиб, уни бартараф этиш усусларини ўрганишдир. Бу икки илмдан бошқа илмлар эса «Булҳатул мажлис», яъни «Мажлиснинг етуклиги»га хизмат қиласидиган, уни сермаҳсул ва сермазмун бўлишига омил ҳисобланади.

Илм амал қилган кишига нур баҳш этади.

Фиқҳ – илмнинг нозик нукталарини билиш, ўрганишдир. Демак фиқҳ, илмга нисбатан чуқурроқ маънога эга экан. Фиқҳ кенг қамровли, кўп тармоқли, серқирра экан. Имом Аъзам Абу Ҳанифа (р.ҳ.) фиқҳга таъриф бериб шундай деганлар:

Фиқҳ – киши нима фойдали ва нима заарали эканини билмоғи ва ўрганмоғидир. Илм унга амал қилиши учундир. Аслида, илмга амал қилиш нақдни насияга қолдиришдир. Яъни, амалининг мукофотини дарҳол талаб қилмайди, балки уни охиратга олиб қўяди.

Инсон дунё ва охиратига нима заарар ва нима фойда эканини билишдан ғафлатда қолмаслиги лозимдир. Бу билан фойдаларини ўзига жалб этади ва Аллоҳ таолонинг раҳмати ва баракотларига ноил бўлади. Зарар ва зиён амаллардан ўзини сақлаб, улардан узоқлашади. Ақли ва илми ўзининг заарига ҳужжат бўлмаслиги учун ҳаракат қиласи. Зоро, мана шулар қиёмат кунида азобу укубатни зиёда бўлишига олиб келади. Аллоҳ барчаларимизни беамал бўлишдан ва Ўзининг ғазабидан паноҳига олсин!

Бу ҳақда «Илм ва унинг фазилати маноқиблари» номли китобда кўп оят ва хабарлар келтирилгани сабабли китобимиз узайиб кетмаслиги учун, уларни биз зикр этмадик.

2-ФАСЛ *ИЛМ ОЛИШДА НИЯТ ҚИЛИШ ТЎҒРИСИДА*

Ҳар бир амалнинг рўёбга чиқмоғида ниятнинг аҳамияти катта. Жаноб Расулуллоҳ саллаллоҳу алайҳи васалламнинг: «Иннамал аъмолу биннияти», яъни, амалларнинг ажру савоби ниятга қараб бўлади,— деган муборак ҳадисларида, ният жами ҳолатларимизга асос эканига ишора бордир. Мазкур ҳадис сахих (ишончли) ҳадислардан бўлиб, уни Имом Бухорий ривоят қилганлар. Яна Жаноб пайғамбаримиз саллаллоҳу алайҳи васалламдан ривоят қилинган ҳадиси шарифда:

—Қанча дунё амали суратида бўлган амаллар бор, улар ниятнинг яхшилиги, тўғрилигидан охират амалига айланади. Яъни, инсон ниятининг яхшилигидан дунё амали учун ҳам савоб ва мукофот олади. Қанча охират амаллари бор, ниятнинг ёмон ва нотўғрилигидан дунё амалига айланади. Яъни, нодуруст ният инсонни ибодатлари савобидан маҳрум ҳамда бенасиб этади» — деб, ниятга қатъий аҳамият бериш кераклигини билдириллар. Демак, амалимиз қандай бўлса ҳам, у дунёвий ёки ухровий бўлсин, ниятимизга боғлиқ экан.

Истаган киши ҳам биринчи навбатда ниятини яхши қилмоғи керак. Аввало, илм ҳосил қилиш билан инсон Аллоҳ таолонинг

розилиги, охират саодатини мақсад қилиши лозим. Шу билан ўзининг ва бошқаларнинг жоҳиллигини ва илмсизлигини кетказишни, динга ҳаёт бахш этишни, шариат аҳкомларини қоим мақом этиб, Исломни боқий қолишига хизмат этишни ният қилмоғи лозимдир. Чунки, Исломнинг боқий қолиши – илм биландир.

Маълумки, зоҳидлик, ибодат ва тақво илмсиз дуруст бўлмайди. Бунга мисол этиб, «Ҳидоя» китобининг муаллифи шайхул ислом жалолатлик имом Бурҳониддин Марғиноний ҳазратларининг талабаларга ушбу шеърларини насиҳат тариқасида айтганларини келтириш мумкин:

Илмни ким воситаи жоҳ этар,
Ўзинию халқни гумроҳ этар.
Олим агар жоҳ учун ўлса залил,
Илми аниңг жаҳлиға бўлғай далил.

Гар билсанг болам, олими беамал
Эрур зарар олам учун, жону-жоҳ
Талабида қилур дину-дунёни фасод.
Будир оғир ҳалокат, кўр ушлаганин
Махкам тутар деб, беilmни борлиги.
Илмсиз обид-у, беамал олим икков
Боамал-у, диёнатлик инсонга эгов.

–Бузғунчи, беамал олим ва билганига беамал киши катта фасод, бузуқлик эса ҳалокатдир. Аммо жоҳил, илмсиз обид – намозхону-рўзадор, зоҳиду парҳезкор ундан катта фасод, балою офатдир. Ҳар иккови икки дунёда ўз дину имонини мустаҳкам тутган кишига улуғ фитнадирлар.

Булардан сақланиш инсонни илм чўққиларини забт этиши орқали бўлади. Агар ишни бунга зид олиб борса, аста тубанлашиб боришига сабаб бўлади. Шунинг учун илм ўрганмоқ фарз ва шарт қилингандар.

Одоб ахлоқ ҳақида устоз, буюк имом ва шаҳиди аъло Саййид Носируддин Абул Қосим ҳазратлари мукаммал китоб ёзганлар. Бу китобни талабалар ва дин ишига хизмат қилгувчилар ўқиб ўргансалар, катта фойдани ихтиёр қилган бўлардилар. Баъзи устозлар ёд олсинлар деб ҳам тавсия қилган эканлар.

Ҳаётимизда эҳтиёж тушадиган ҳар бир илм ва касбни ўрганиш, уни татбиқ этиш шарт бўлгани каби бу китобдагиларни ҳам билмоқ жуда зарур. Буни кунлик муҳтоҷ бўлганимиз таомга ўхшатиш мумкин. Таом ҳаётимизни тиклаб берувчи асосий омилдир. Бемор кишининг дори дармонларга эҳтиёжи тушади. Бу бошқа илмларга бўлган ҳожатга ўхшайди.

Илм олиш билан инсон Аллоҳ таолонинг неъматларига шукр этишни ният қилади. Чунки, шокир бандаларига неъматларини зиёда ва баракотлик қилишга Ҳақ таолонинг ваъдаси бор.

Илмга жонфидолик қилиш ҳақида Имом Мұхаммад ибн Ҳасан розияллоҳу анҳу шундай деганлар:

–Агар одамлар менга қул бўлганда эди, уларни ҳар бирини қулликдан озод этардим ва уларни хўжайинлари, қулдор эгаларидан халос этардим. Бундан ёлғиз мақсадим, улар фақат илм ўргансинлар ва билимларини камолга етказсингилар.

Улуғ донишмандлардан бири:

–Ким илм лаззатини, унинг ҳаловатини изласа ва амал қилиш мазасию роҳатини топса, инсонлардаги нарсаларга кам рағбат қилади, қизиқмайди. Таъма қилишга ўзини йўлатмайди.

Имом Аъзам Абу Ҳанифа розияллоҳу анҳу устозлари шайхул ислом, Ҳаммод ибн Иброҳим ибн Исмоил ас-Сигорий ал-Ансорий ҳазратларидан қуйидаги байтни келтирадилар:

Охиратни дедим, файзу-зафар топдим,

Дунёни дедим, хавфу-хатар топдим.

Охиратни дедим, топдим фазлу камолот,

Дунёни дедим, топдим хорлик ва маломат.

Охиратни дедим, келди ризвону жаннат,

Дунёни дедим, келди хасрату надомат.

–Ким охират куни – ваъда қилингган кун учун илм талаб қилса, дарҳақиқат бу банда Аллоҳдан, ҳақ йўлга иршод этувчи Зотдан файзу фазилат топиб, кўп жиҳатларда ғолиб бўлиб, зафар қучибди. Аммо, одамлар хурмат, эътиборини топиш учун илм талаб этувчига хасрату надоматлар бўлсин!

Сен албатта бундай ёмон ниятдан сақлан ва қалбинги кечинмаларига эҳтиёт бўл! Парвардигоро! Ҳар қандай ёмон ниятлардан ўзинг паноҳ ва нажот бергин!

Аммо, амри маъруф ва наҳий мункар қилиш учун, ҳақни, шариати исломийя аҳкомларини танфизи, яъни жорий қилиш, амалга ошириш учун, динни қувватлаш, улуғлаш ва эъзозу икром қилдириш учун бойлик, обрў, нуфузни ҳам илм олиш билан бирга талаб қилиш жоиздир. Шунда ҳам ҳаддан зиёда эмас, балки амри маъруф ва наҳий мункар қоим бўладиган миқдорда хурмат-эътибор, давлат талаб қилиши керак бўлади. Бу масалани ҳар бир талаба яхшилаб ўйлаб олиши зарур. Чунки, илм ҳосил қилишда инсон кўп машаққат чекади. Шунга мувофиқ, уни керак ўринда обрў ва мол-дунёси билан ҳимоя қила олиши шарт.

Машойихларимиз бу ҳақда:

—Илм ҳосил қилиш гүё игна билан қудуқ қазиб, сув чиқарганчалик мөхнатга ўхшаса, ҳол илмига етишиш гүё киприк билан қудуқ қазиб, сув чиқарганчалик чекилган машаққатга ўхшайди,— деганлар.

Маълумки, игна ҳам, киприк ҳам қазиш қуроллари эмас. Бу ҳикматлик сўзлар илм эгаллаш жуда қийин, машаққатли иш эканига ишорадир. Шунинг учун, уни хор ва хақир, арзимас ва фоний – йўқликка юз тутувчи дунёга, давлатга сарфламайди, уни алмаштиrmайди. Шеър:

Дунё ноқиснинг ноқисроғи эрур,
Ошиғу–шайдоси хорнинг хорроғи эрур.
Сехру–жодуси ила кару–кўр айлар,
Қилмишига ўзини ҳайрону–лол айлар.

—Бу дунё — ноқисроқдан–да, камдан–камроқ, жуда ноқисдир. Дунёга ошиқу–шайдо эса ундан хорроқ, бечорадан бечорароқдир. Дунё ўз сехри билан кишини кар ва кўзини кўр қилур. Шунинг учун ҳам улар ўз илмларидан далилу исботсиз ҳайрон қолувчи, хасрат чекувчидир.

Демак, аҳли илмлар ўзларини таъмагирлик, яъни умидворлик иллатидан сақлашлари керак экан. Акс ҳолда, илмининг самарасига нисбатан дунё матоларини умид қилиш билан, илмни ва ўзларини хор ва ҳурматсиз этган бўладилар. Шунингдек, илм ва илм аҳлини хор ва беобру қиласиган ўринлардан ўзларини эҳтиёт қилмоқликлари керак бўлади.

Аҳли илмлар хусусан, толиби илмлар камтарин, камсуқум бўлишлари керак. Тавозуликни ўзларига касб қилсинлар, у эса мутакаббирлик билан хорликни ўртасидир.

Иффатли бўлмоқ юксак инсоний фазилатлардан саналади. Иффат – поклик, гуноҳ ва маъсиятдан фориглик, ҳар жиҳатдан покизалик демакдир. Кенгроқ қилиб буларни одоб–ахлоқ китобларидан билиб олинади. Адибул Мухтор номи билан машҳур, шайхул ислом, рукнул ислом, ҳазрати устоз бир шеър айтганлар:

Ҳусни хулқда тақво бор,
Тақводорга шикастлик ёр.
Камтаринлик, ширинсўзлик
Комиллик карвонин тортар.
Султони комилнинг шайхлар
Мактубига жавобин ўқи:
«Сиз яхшисиз, биз ёмон,
Сиз буғдойсиз, биз самон!»

—Шубҳасиз, тавозулик муттақийларнинг хислатидир. У билан инсон ўз мақсадларига ҳамда улуғликларига ноил бўлади. Ўз илми

ва ҳунарини қолаверса, обрў эътиборини юксалтиради. Жоҳил, илмсиз кишини ўз ҳолини кўриб ажабланиши, ўзига ўзи бино қўйиши аслида жуда хунук ишдир. Ўзини саъид, баҳтлик инсонлардан ҳисоблади. Ваҳоланки, оқибатда ким бўлади, умри қандай хотима топади, шақий-бадбаҳтлардан бўладими? — буни ўйлаб кўрмайди.

Камтарга камол, ман-манга завол,— деганлариdek, камтар, хоксор инсон ўзининг гўзал ҳулқу-одоби билан доим иши ривож ва мартаба топади. Чунки, ўзининг ҳаддини сақлай олиши билан, ўзини мумтоз тутмаслиги билан кишилар кўнглида ҳурмат ва эътибор қозонади. Ман-ман, кеккайган киши эса, кўзи кўр, қулоги кар, қалби қулф бўлади. Ишларига ажабланиб, ўзидан узоқлашиб, ўз-ўзига ишониб аста ҳалокатга яқинлашади. Мансабига суюниб, бошқаларни менсимай қўяди. Натижада, ўзига ҳаваси келиб, мағрурланиб қолади. Ўзини улуғлардан ҳисоблади. Кибриё — улуғлик, катталик — яратган Парвардигоримиз Аллоҳ Зул Жалолга хос сифатдир.

Имом Аъзам Абу Ҳанифа (а.р.) шогирд ва асҳобларига шундай дер эканлар:

—Саллаларингизни улуғланг! Енгларингизни кенг бўлсин ва салобатлик кийининглар!

Ушбу сўзлар фақат илм ва илм аҳлини улуғлаш ва бошқалар хор ва паст назар билан кўрмасликлари учун айтилган.

Салла — Ислом шиори ва улуғлигининг белгиси. Уни ҳақ маънода таслим бўлганлар баҳтлик бошларига киядилар. Салла кишини охиратга имони борлигини, умри тугашини ва бунга ишонишини — ўлимни тан олишининг аломатидир. Комил имонлик киши Расууллоҳ саллаллоҳу алайҳи васалламнинг муборак суннати санияларини амалга оширувчироқ бўлиб қолади.

Талаба кийимларини пок ва саранжом тутиши, салласини оппоқ қилиб кийиб юриши керак. Бундай кийимлик киши бошқалар кўнглида динга нисбатан хайрли тасаввур туғдириши керак. Толибнинг одоби, камтарлиги ва бошқа фазилатлари кўнгилдаги фикрни қувватлаши зарурдир.

Имом Аъзам ҳазратларининг шогирдлари имом Абу Юсуфга берган кенг қамровли васиятлари бор бўлиб, уни ўқиш, ўрганиш ҳам жуда фойдалидир. Уни ҳазрат шогирдлари юртларига қайтиб кетаётгандарида берганлар.

Имом Абу Юсуфнинг шогирдлари шайхул ислом, имом, ҳужжати аимма Али ибн Абу Бакр ҳазратлари:

—Мен шаҳримга қайтаётганимда устозим бу васиятни ёзиб олишимни буюрдилар,— деб эслайдилар.

3- ФАСЛ

ИЛМ, УСТОЗ ВА ШЕРИК ТАНЛАШ ВА БУ ИШДА МУСТАҲКАМ БҮЛИШ ҲАҚИДА

Талаба илм ва касбни дунё ва охиратга фойдаси кўпрогини танлаши керак. Илмда тавҳид илми ва ақидани биринчи навбатда ўрганади.

Тавҳид илми имон ва эътиқод масалаларини илмий, асосли далиллар билан талаба ўрганиши шарт. Зоро, муқаллид, яъни ота-аждодларига эргашувчининг имони дуруст бўлса ҳам, далил ва ҳужжатни тарқ этгани учун қаттиқ гуноҳкор бўлади.

Аллоҳнинг ваҳдонаиятини Қуръони карим ва аҳодиси набавияга асосланиб билиб олмоқлиги ҳамда уни зарур ўринда келтира олишга тиришиши керак.

Ақида масаларини қадимгиларини, яъни жаноб пайғамбаримиз ва саҳобаи киромлар даври саодатидагиларини танлаши лозим. Янги пайдо бўлганларини танламайди, чунки кейин чиққан нарсалар Қуръону-ҳадисга хилоф бўлади. Сўфий Аллоҳёр (р.ҳ.):

Маҳкам тутгин жамоат эътиқодин,
Нари солгин муҳолиф ижтиҳодин!—
деб кейинги пайдо бўлган ақидавий масалалар, сулуклар залолатга бошлайдиган йўл эканини билдирадилар. Салаф уламолар ҳам:

—Ўзингизга атиқ, эски яъни, аслга яқин вақтда мавжуд бўлган илмларни олинг. Айниқса, ақида илмини софини танлаб олинг. Янги пайдо бўлганларидан сақланинглар,— деганлар.

Сен ҳам кейин пайдо бўлган ихтилоф ва жанжалга сабаб бўладиган ақида масалаларидан узоқ бўл ва бу иш билан шуғулланишдан тийилгин!

Чунки, бу низоларнинг ҳаммаси буюк зотларнинг инқироз ва ҳалокатларидан сўнг зоҳир бўлган. Бу талабани илм ҳосил қилиш, фиқҳ асосларини ўзлаштиришдан чалғитади, умрини зое ўтишига сабаб бўлади. Қалбда душманлик туғдиради. Ваҳоланки, бу каби ишлар қиёмат куни яқин қолганининг аломатларидан бўлиб, илм кўтарилигани, фиқҳнинг қадрсизланганини билдиради. Ушбу маъноларнинг ҳаммаси ҳадиси шарифда ворид бўлган.

Аммо устоз танлашда асосан қўйидагиларга аҳамият қилиш керак:

- Олимроқ бўлган;
- Парҳезкор ва тақводорроқ бўлган;
- Ёши улуғроқ ва кўп тажрибали аҳли илмни устозликка ихтиёр қилмоғи керак.

Шу шартлар асосида имом Абу Ҳанифа (р.ҳ.) ҳазратлари ўз устозлари Ҳаммод ибн Сулаймон жанобларини кўп фикр ва тааммул юритганларидан кейин танлаган эканлар. Бу ҳақда Имом Аъзамнинг ўзлари:

—Мен у кишини улуғ, мўйсафид, салобату виқорлик, юмшоқ кўнгил, ҳушмуомала, сабру матонатли кўрдим,— деб эслайдилар,— шунинг учун ул зотнинг ҳузурларида қолдим, мустаҳкам ва собит турдим. Натижада устозимнинг файзу барокотлари билан ўсдим, етуклик пиллапояларида илдам қадам ташладим.

Ҳақиқатан ҳам, бу зот етук, комил ва улуғ инсон әдилар.

Самарқандлик донишманд:

—Менга бир йигит илм олиш ҳақида машварат солди. Бухорои шарифда илм олишни азим қилганини, бошқаларнинг ҳам фикрларини билиш нияти борлигини изҳор қилди.

Худди шундай ҳар бир ишда маслаҳат солиши, фикр алмашиш шартдир. Аллоҳ таало Каломи мажидида жаноб пайғамбаримиз саллаллоҳу алайҳи васалламни машварат ва маслаҳат билан ўзаро кенгашиб иш юритишга буюради. «Шўро» сурасининг оятларида мўминларнинг ахлоқи ҳамидаларини васф этиб: **«Уларнинг ишлари ўзаро кенгашибдир»**,— деган.

Шунинг учун, жаноб Расулуллоҳ саллаллоҳу алайҳи васаллам хатто уй юмушларини ҳам асҳоби киромлар билан маслаҳатлашиб ҳал қиласи әдилар. ҳазрат Али розияллоҳу анху:

—Киши маслаҳат сўраб ҳалок бўлган эмас,— деганлар. Доно ҳалқимиз: «Кенгашиб тўй тарқамас»,— деб бежиз айтмаган.

Кенгашиб, ўзаро маслаҳат билан қилинган иш пухта ва пишиқ бўлади. Оқибати назардан ўтказилиб, зиён ва заарардан сақланиш ҳамда имкон қадар фойдали ва сермаҳсул бўлиб рўёбга чиқиши таъминланади.

Донишмандлар кишиларни уч тоифага тақсимлаганлар: бири бутун ва тўлиқ киши, яна бири ярим киши ва охиргиси эса ҳеч нарса бўлмаган киши.

Биринчиси, қадри бутун кишининг тўғри фикри, ўз мулоҳазаси бор. Шундай бўлса ҳам, албатта маслаҳатлашиб иш қиласи.

Аммо, иккинчи тоифалар юқоридаги фойдали сифатларнинг биридан маҳрум кишилардир. Фикри бўлса, маслаҳатлашмайди ёки аксинча, бошқаларнинг мулоҳазалари билан қизиқмайди. Фикри ҳам тез ва осон ўзгарадиган бўлади. Ҳар кимнинг маслаҳати маъқул келаверади. Яъни қай ишда унга фойда борлигини ўзи яхши билмайди. Ёки фойдасини заарга айлантириб қўяди, ўзбошимчалик қиласи ва ҳакозо.

Аммо учинчи тоифа, қадрсиз кишиларда ўз фикри, мулоҳазаси бўлмайди. Шу билан бирга маслаҳатлашмайди, бошқаларнинг фикрларига қўшилмайди, райъини ҳурмат ҳам қилмайди.

Демак, инсон комил, иззат-икромли, жамият ва оиласида ўз мавқенини топиши учун фикру мулоҳазасига ҳар жабҳада эга бўлиш керак. Шу билан баробар, уни тўғри ва фойдали бўлиши алоҳида аҳамиятлидир.

Ҳазрати Жаъфари Содиқ ҳазрати Суфён Саврий (а.р.)га:

–Эй, Суфён! Дунё ва охират ишларингда, албатта, имонли ва тақволи кишиларга маслаҳат сол. Улар билан кенгашиб юр! – деганлар.

Бу ҳикматда ушбу нозик нукталар аҳамиятлидир:

- биринчидан, киши ўз фикрига эга бўлиши керак;
- иккинчидан, Фикрининг тўғри бўлишига ҳаракат қилиши керак;
- учинчидан, ҳар бир ишда – катта ёки кичик, дунё ёки охират ишларига алоқадор бўлсин маслаҳатлашмоғи керак. Бошқаларнинг ҳам фикр ва мулоҳазаларини ўрганиши, эътибор қилиши фақат ўзининг фойдасидир;
- тўртинчидан, маслаҳатгўйлар тақволи, айтганига ўзи ҳам амал қиладиган инсонлар бўлиши мақсадга тўғри йўналтиради.

Илм ўрганиш энг олий мартабадаги ишлардан ҳисобланади. Нақл қилинадики, илм талабида бўлмоқ нафл ибодатлар қилишдан кўп марта афзалдир. Шунинг учун, илм талаб қилишда маслаҳат, кенгашга солиш зарур ва вожиброкдир. Улуғ донишманд:

–Агар Бухорои шарифга илм ҳосил қилиш ва ҳақиқий устозни топиш мақсадида борсанг, ихтилоғли масалалар ва турли саволлар топиб, у жойдаги аҳли илм ва улуғ устозлар билан баҳс, мунозара қилишга шошилма! Улуғ имомлар ўртасидаги ихтилоғли масалаларда музокарага ошиқма! Балки икки ой сабр қил, то бир устозни ўзингга танлаб, у ҳақда яхшилаб ўйлаб Фикр юритгайсан. Устоз тўғрисида дарҳол хулоса чиқаришга шошилма!

Агар Бухорои шарифга келиб, синамай бирон устоздан сабоқ олишни бошласанг, уни билмаганинг учун кейинроқ дарс ўтиш услуги сени қизиқтирмай қўйиши мумкин. Натижада ўша дарсга ҳам, илмга ҳам қизиқишинг қолмайди, хатто уйғонмайди ҳам. Бу дарсни тарқ этиш ва устоздан узилиш билан тугайди. Мақсадинг ҳосил бўлиши учун яна бошқа устозни излайсан, унда ҳам дарс бошлаб, аввалги ишларингни тақрорлайсан.

Шунинг учун Аллоҳ илмингга барака бермайди. Илмда даражага эга бўлсанг ҳам на ўзинг, на бошқага наф бера оласан.

Бунинг замарида яна бир кўз илҳамас сир бор. Тарқ этган устозларнинг кўнглини ранжитганингдир. Зеро, бир ҳарф ўргатган

устознинг розилигини олиш, қандай устоз бўлса-да, уни хурмат қилиш ва бу тўғрида ваъда қилинган лутфу иноятни топиш шогирднинг ҳаётий мазмунига айланган вазифаси бўлмоғи шарт.

Шунинг учун ҳам бу ишда яхшилаб тафаккур қил! Илм олиш муҳим ва нозик масала бўлиши билан бирга, унга устоз танлаш ҳам ўта муҳим ва зарур масаладир. Кўп маслаҳат ва катталарнинг кўрсатмаларини олиб, мазкур шарт-шароитларнинг кўпини ўзида мужассамлаган бир устозни топ! То уни тарк этиш ва дарсларидан қолишга эҳтиёж сезмагин! Мана шунда таълиминг баракотли ва хайрли бўлади. Илминг фойда берувчи ва ўзинг манфаатли илм соҳиби бўлиш учун устоз ҳузурида событ ва мустаҳкам турасан.

Билгилки, ҳар бир ишда сабру чидамлик, қаноатли ҳамда саботли каби юксак фазилат эгаси бўлиш, ўша ишни комил эгаллашда асл ва асос ҳисобланади. Афсуски ушбу фазилат инсонларда топилмайди, кам учрайдиган ноёб хислатдир. Шеър:

Олийликка интилганга даркор ҳаракот, аммо

Кишиларда кам учрайдур сиботу-матонат.

Бир донишманд: «Бир соат сабр қилмоқ шижоаттур», деганлар. Шунинг учун ҳам, талаба устоз олдида сабот, сабр ва юксак қаноат билан қоим бўлиши керак. Уни меҳру шафқатини ва хайрли дуосини қозонсин.

Бир китобни охиригача ўқиб тугатмасдан, бошқа китобга ўтмасин. Шунингдек, бир фанни камолга етказмасдан, бошқасини ихтиёр қилиш ёки зарурат бўлмаса, бошқа шаҳарга кўчишга жазм этмаслиги керак. Аслида бу илм оғатларидандир. Чунки, имлдан чалгитади ва бошқа нарсага мажбур қиласди. Қалбни бефойда нарса билан ўрайди. Вақтини зое кеткизади. Энг заарлиси, муаллим кўнглига азият келтиради. Муҳаббатини сўндириб, ўзи ҳам кўп озор чекмоғига сабаб бўлади.

Талаба нафсу ҳавоси чақираётган нарсаларга қаршилик қилиши ва шафқатсиз бўлиши ҳамда оғир, сабрли бўлишдек юксак ахлоқий фазилатлар билан сифатланиши керак. Шеър:

Нафсу ҳавойим мени йўлдан урди

Шармандалар анҳорига тубан сурди.

Юзим қаро қилди, илгимда шай йўқ,

Ҳай ҳузурида дилимда ҳаё, саъи йўқ.

Дўстим айтди, бунинг давоси бордир,

Нафсу ҳаво кушандай ғавғоси дордир.

Осиб бергин ором дардмандаларга,

Ибрат бўлсин учун шармандаларга.

Ҳавои нафсга қарши кураш эмас осон,

Матонату бардошни маҳкам тутсин инсон.

Ҳақиқат шуки, нафсу ҳаво йўли хорлик ва шармандалик йўлидир.

Агар билсанг, нафсу ҳавони дорга осадиган амал, уни хор ва шарманда яна ҳам шарманда қиласиган жойи амалдир.

Бу осон эмас, ким нафсига қарши курашар экан, унга кўп мусибат ва имтиҳонлар ёғила бошлади.

Албатта сабр ва қаноатни касб қилсин.

Донишмандлар: Орзу умидларга эришиш қоп-қоп меҳнат ва имтиҳонлар устидадир.

Қуйидаги ҳикматни ҳазрат Али (р.а) айтганлар:

Огоҳ бўлким, илм ва унинг файзу равнақи олти нарсага риоя қилингандан ҳосил бўлади. Уларнинг барчасини баён этай:

Заковат – зийраклик, илмга чанқоқлик, сабру-қаноатла етуклиқ – кифоятлик, устоз иршоди – йўлланмаси, ҳамда узоқ вақт даркор.

Шерик, ҳамхона танлашда тиришқоқ, жиддий, парҳезлик, тақводор ҳамда мустаҳкам иродали, хулқи мустақим – ўзгармайдиган ва фаҳм-фаросатли, тушунадиган ва тушунтира оладиган кишини ихтиёр қилиш лозим. Табиийки, дангаса, эътиқоди суст, сергап, бузғунчи ва фитначилик хислати бор кишидан узоқлашиши керак.

Ҳикматларда: Кишининг ким ва қандай эканини ўзидан сўрама! Балки унинг яқинларига, дўстларига қара! Ақл билан назар қил! Чунки инсон дўстларига эргашади.

Кимки, тиласанг билай, мақолин англа,

Аслин десанг англайн, фиолин англа.

Кирдикорига боқиб асл ҳолин англа,

Аслиға далил анинг ҳисолин англа.

Улар ёмон ва ношоиста феълу хулқлик бўлсалар, зудлик билан улардан узоқлаш. Агар яхши ва ижобий феъллик бўлсалар, улар билан дўстлаш. Самимий муносабатлар ўрнат. Шунда тўғри йўл топасан, ҳидоятга эришасан. Шеър:

Яхши либос танга оройиш,

Яхши қўлдош жонга оройиш.

Киши айбинг деса, дам урмағилким, ул эрур кўзгу,

Чу кўзгу тийра бўлди, ўзга айбинг зоҳир айларму?!

Ҳар қандай ҳолда бўлсангда, дангаса билан дўстлашма, ҳамсұхбат бўлма! Қанча солиҳ, яхши инсонлар бор эдики, улар шерикларининг бузғунчилиги, ёмонлиги билан бузилдилар, ёмон отлиққа айландилар. Ўзини қаттиққўл қилиб кўрсатадиган ва безбет киши душманимдир. У кул ичига қўйилган чўғ кабидир, кул эса чўғнинг ўчиб қолишига сабаб бўлади. Яъни, сен ҳам бир чўғ мисоли бўлсанг, чўғни алангалатмай, мақсадга етказмай уни ўчиради.

Хулоса шуки, қозонга яқин юрсанг қароси юқар деб, танланган шерик қанчалик изланувчан, тиришқоқ ва одобу ахлоқи ҳуш бўлса ҳамда тақвою парҳезда йўлбошчи бўлиши айни муддаодир. Шубҳасиз, бу каби фазилатли сифатларни шерик ва яқинида юрганларга ҳам юқтириши, хулқлантириши мумкин. Шундай қилиб, ўзига ҳам, ўзгага ҳам наф берадиган илм ҳосил қилишига асосий омил бўлади.

Кимники айлай дер эсанг маҳраминг,
Кўп синамай айламагил ҳамдаминг.

Жаноб пайғамбаримиз саллаллоҳу алайҳи васаллам:

–Ҳар бир гўдак ислом фитратида таваллуд топади. Бироқ уни яҳудий қиласидиган ҳам, насроний қиласидиган ҳам, мажусий қиласидиган ҳам ота-онасиdir, – деб тарбиянинг нозик тамонларига ишора қиляптилар.

Ушбу пурҳикмат сўзларни зоҳирий маъносига қараб, яҳудий фарзандларини яҳудий қилиб, насроний насроний-христиан қилиб, мажус –оташпараст болаларини ўтга талпинувчи қилиб тарбия қилар эканлар, дейиш мумкин.

Аммо уни бошқа томондан таҳлил қилсак, мусулмонга Тангри таало фазли билан неъмат ва омонат қилиб фарзанд беради. Ношукрлик ва бепарволик кўчасига кириб, боланинг тарбиясига қарамаса, уни илмли, ҳунарли қилмаса, динини, шариатини ўргатмаса, ахлоқ-одоб бермаса, келажакда бу фарзанд яхшилик, ёмонлик, тўғри-эгрининг, ҳақ ва ноҳақнинг фарқига бормасликда яҳудий ва насроний хатто мажусийдан ҳам фарқ қилмай қолади, деб жаноб Расулуллоҳ саллаллоҳу алайҳи васаллам танбеҳ берадилар.

Муаллиф р.ҳ.нинг таъбири билан айтганда, ота-она болага қанчалик яқин бўлиб, ижобий таъсирларини ўтказганлари каби, шериклар ҳам, бир-бирларига таъсирларини ўтказа биладилар. Форс тилидаги қуйидаги ҳикмат ҳам бу фикрларни тасдиқлайди:

Ёри бад бадтар бувад аз мори бад,

Баҳаққи зоти пок Аллоҳус сомад.

Ёри бад орад ту ро сивое жаҳим!

Ёри неку гир, то ёби наъим!

Ҳаёву адаб бирла тузгил маош,

Яна айла таъзиму ҳурматни фош!

Не эл ёри бўлсанг, алар ранги бўл,

Нечук бор эсанг, тутқил ул сари йўл!

Ёмон дўст, хулқу мақсадлари ғаразлик ҳамроҳ заҳри қаттол илондан ҳам ёмонроқдир.

Бениёз, беҳожатлик Аллоҳнинг пок зотига қасам ичаманки,

Ёмон дўст сени жаҳаннамдан бошқа жойга олиб бормас.
Ҳақиқий яхши дўст иҳтиёр қилгилки,
То у бирла неъматларга, жаннати наъимга етгайсан!

Ерда қанча бордур каромат,
Билмогингга керак фаросат.
Якто улуғлигин айла назорат,
Камтар камолига топгил ибрат.

Илм ва илм аҳлларига ҳам, шундай назар қил. Улар билан дўстлашганларнинг ҳолини кўр. Оқибатлари қандай гўзал ва ҳар жиҳатдан муваффақиятлик эканини ўйла. Сен ҳам дўстингдан ибрат ол, уни мумтоз эт. Чунки, дўст дўстнинг кўзгусидир.

Ким бу чаман ичра хиромон эрур,
Барчаси бир-бирига меҳмон эрур.

Ҳар кишиким, бор эса ёре анга,
Ҳар кишиким, ёр эса боре анга.

Ёр улдурки, ҳар неким ўзига
Истамас, ёриға ҳам истамагай.
Ўзи истарки, ёр учун ўлгай,
Ани мундоқ шарик айламагай.

4- ФАСЛ **ИЛМНИ ВА ИЛМ АҲЛИНИ УЛУГЛАШ ҲАҚИДА**

Билгилки, толиби илм ҳам, толиби касб-ҳунар ҳам фақатгина илм ва илм аҳлини ҳурматини ўз ўрнига келтира олиши – уни ҳурматлаб, таъзимини адо эта олиши билангина илмга, касбга эришиб, улардан муваффақият ила манфаат топади. Устозни ҳурматига эътибор ва уни қатъиян улуғлаш, салобатли тутиш эса алоҳида аҳамият касб этади. Донишмандларимиз:

Ҳурмат сақлаш тоат-ибодатдан кўра афзалроқдир, – деганлар. Яна бир улуғ зотдан:

–Илм афзалми ёки одоб? – деб сўраганларида, ул зот:
–Одоб афзал, – деб жавоб берганлар.

Ҳақиқатда ҳам, гўзал хулқ, одоб ҳар қандай олиму-ҳунар эгасининг беназир зийнатидир. Яна шундай мўътабар инсонлардан:

–Ким нимага эришган, фазилат ва даража топган бўлса фақат ҳурмат, одоб сақлаш билан эришибди. Кимки ўз обрў-эътиборидан, эришган фазилатидан айрилган бўлса, билсинки, у фақатгина бу айрилиқни одоб сақлашни лойик кўрмагани, ҳурмат ва эъзозни тарк қилгани сабабидандир, – деб огоҳ қиласидилар. Яна:

—Огоҳлик, зийрак фаҳм билан бир оз фикр қилгин, инсон гуноҳу маъсият билан имондан ажралмайди. Балки иззат-икромни ва одобни тарк этгани учун коғир бўлади.

Фаришталарга дарс ўтаган Иблисни ёдингга ол! У беодоблик ва тарки эҳтиром-ла Аллоҳ таолонинг раҳмат даргоҳидан қувилди, Унга осий бўлди.

Вахҳобийларни кўр! Катталарга ҳурматлари, кичикка иззатлари юзакиликка, ёхуд йўқлилка юз тутгани сабаб устознинг улуғлигини эътироф этмадилар. Барча устозларининг норизолик дасторларини бошларига қўйиб, устларига дуоибаддан иборат либослар кийдилар. «Илму тақволари» билан муборак, пок динимизга қанча зарар келтирдилар. Ушбу ҳаракатлари натижасида тўғри йўлдан чиқдилар, Аллоҳнинг розилигига мұяссар бўладиган йўлдан адашиб, дунёга, шайтон ризолиги томонига ўтдилар.

Мусанниф (а.р.) ҳазратлари, муаллим ва таълим-тарбия берувчи инсонни ҳурматини қоим қилиш, улар хузурида одобу аҳлоқ сулукотларига риоя қилиш бевосита илмни ҳурмати, таъзимидан саналади, – деб қайд этадилар. Ҳазрати Али розияллоҳу анхунинг ушбу сўзларини гапимизнинг тасдиги десак, муболаға қилмаган бўламиз. Ҳазрати Али айтдилар:

–Менга бир дона ҳарф ўргатган кишининг қулиман. Хоҳласа сотсин, хоҳласа қулликдан озод қилсин, хоҳласа қул қилиб ишлатсин.

Ақли расо инсонга бундан эҳтиром қилинишга энг ҳақдор ва лойиқ зот муаллим, устоз экани маълум бўлади. Киши иймонининг белгиси шубҳасиз, устознинг ҳурматига ва дуои хайрига сазовор бўлишидир.

Устозни иззат-икромини ўз ўрнига қўйиш мақсадида ҳадя ва хайру эҳсонлар қилиш афзал ишлардан ҳисобланади. Масалан, бир ҳарф ўргатса, устозга минг дирҳам ҳадя қилмоқ ниҳоятда хайрли амалдир. Борди-ю, динингда, имон-эътиқодингда муҳтож бўлган масалада бир ҳарф таълим берса, у инсон сенинг диндаги отанг, падари бузрукворингдир.

Шайхул Ислом буюк имом, муҳтарам устозимиз Садидуддин Шерозий ҳазратлари:

–Бир киши ўғлини олим, фозил бўлишини орзу қилса, олиму фақиҳларнинг, илм йўлида юрганларнинг ҳақларини, яъни ҳурматларини риоя қилмоғи лозимдир. Бу таъзимларини ўрнига келтириш ва ҳадялар бериш ила бўлади. Агар ўғли олим бўлиб етишмаса, унда албатта невараси олим бўлади,— деганлар.

Устознинг меҳру муҳаббатига, эътиборига лойиқ бўлишни истаган шогирд аввало қуйидагиларга амал қилмоғи лозим:

- п Устознинг олдига тушиб юрмаслик;
- п Устознинг ўрнига ўтирамаслик;
- п Ҳузурларида рухсатсиз гапирмаслик;
- п Малол келадиган бўлса, дарс вақтида кўп савол бермаслик;
- п Дарсдан ташқари саволни вақтида сўраш қоидаларига риоя қилиш;
- п Дарсга кеч ёки барвакт келиш;
- п Устозни безовта қилмаслик;
- п Устознинг эшикларини тақиллатмаслик, балки ўзлари келишларини ёки чиқишлиарини сабр қилиб кутиш.

Мазкур амалларнинг самараси – устознинг розилигини топиш, кўнглида муҳаббат пайдо қилишдан иборат. Шунингдек, норози қилиб қўйишдан, ғазабидан сақланиш ҳам ҳосил бўлади.

Устоз гуноҳ ва маъсиятга буюрмаса, барча фармонларига итоат қилмоқ, сўзсиз бажармоқ шартдир. Шогирд устозига ўзини доим бўйсунган ҳолда кўриши илм ҳосил этишининг омилидир. Жаноб пайғамбаримиз саллаллоҳу алайҳи васаллам:

–Холиққа, яъни Аллоҳ таолога осий ва гуноҳкор бўладиган ишда маҳлуққа, яъни бирор кимсага итоат йўқ, – деб огоҳлантирадилар. Демак, бундан бошқа барча буйруқ ва кўрсатмаларини сидқидил билан адо этиш билан устозининг ризолигини топади.

Зеро, илм Аллоҳнинг мулки ва улуғ неъмати бўлиб, ўзи саралаб олган бандаларига инъом қиласди. Шундай экан, Жаноб пайғамбаримиз Муҳаммад саллаллоҳу алайҳи васалламнинг муборак ҳадислари маъносига кўра, толибга уч турли кишиларнинг дуолари билан илм ҳосил бўлади: устози, ота-онаси ва ўзининг кечалари шикасталик билан қилган ибодатлари, дуолари натижасида унга илм ҳосил бўлади.

Китоб ўқиш, дарс тайёрлаш, сабоқ олиш, муколама қилиш кабилар билан ҳам, илм ҳосил қилиш мумкин, лекин у ёдда қолмайдиган, ёки зарур вақтда фойда бермайдиган илм бўлади.

Огоҳ бўл! Устознинг розилиги, дуоси сенга сув ва ҳаводек зарур, шунингдек, келажагингда асосий саодат пойдеворидир.

Устозни ҳурматини ўзида касб этган амаллардан яна бири устознинг фарзандларини, яқин бўлганларини ҳурмат қилиш, одоб сақлаш ҳисобланади. Шайхул ислом «Ҳидоя» китобининг соҳиблари, устоз Бурҳониддин Марғиноний ҳазратлари ҳикоя қиласидилар:

–Бухорои шарифнинг катта алломаи киромларидан бири дарс ҳалқасида эдилар. Дарс асносида гоҳо ўринларидан туриб қўярдилар. Зийрак толиблари бунинг сабабини сўрадилар. У зот камоли эҳтиром билан:

– Мөхрибон устозимнинг фарзандлари кўчада болалар билан ўйнаб юрибдилар. Гоҳ ўйнаб эшик олдига келсалар, дарҳол устозимни ҳурматлари учун ўрнимдан туряпман, – деб жавоб бердилар.

Яна ҳикоя қиласидиларки, Имом Бухорий ҳазратлари (р.ҳ.) бир муддат Маккаи Мукаррамада дарс ўтаганлар. Бир зиёратчи Бухорои шарифдаги устозларидан салом ва мактуб олиб келадилар. Шунда, устозларининг ютидан келганларини билиб, қучоқ очиб кўришиб, ҳурмат изҳор қилганлар. Сўнг, салом хабарини әшитганларида, Бухорои шариф томонига юзланиб, саломга алик олиб ҳурмат бажо келтирганлар. Кейин мактубни икки қўллаб олиб, табаррук қилиб, эҳтиром билан хатни ўқиганлари айтилади.

Қаранг, қандай ибратли воқеа бўлган экан, устоз ҳазратлари узокда, гойиб бўлсаларда, ҳузурларида тургандек ҳурмат бажо келтирдилар. Балки улуғ алломаи замонларнинг ўз даврида етишган баланд илмий даражаларининг омиллардан бири шу бўлган бўлса, ажаб эмас.

Ҳозирги толиби илмларимиз ҳам шундай омиллардан баҳра олиб, яна диёримиз шуҳратини илму тараққиёт соҳасида кўкларга сарафroz этадиган уламои замонлар бўлиб етишсалар эди, Жанобимиз саллаллоҳу алайҳи васалламнинг:

«Дунёга таълим берувчилар бу томондан чиқади», – деган башоратлари яна исботини топган бўлур эди.

Ҳазрат қози Имом Фахриддин ал-Арсобандий Марв вилоятида барча имомларнинг раиси эдилар. Марвнинг султони бу зотни фоятда ҳурматлар эдилар ва:

–Фақатгина устозимнинг дуолари шарофати билан бу мансабга эришдим. Ҳурматларини ўринлатишга ҳаракат қилдим. Ҳазрат устозим қози Имом Абу Язид ад-Даббусий (а.р.)нинг хизматларида қуш мисоли учар эдим. Кийимларини ювиб, пойабзалларини тозалаб, таомларини ҳозирлар, устозим овқатланиб бўлгунларича, ўзим тановул қилмас эдим, – деб ёд этадилар.

Яна бир улуғ зот ушбу воқеани айтиб берганлар. Шайхул Ислом буюк имом, шамсул аимма ҳазрати Халвоний маълум бир сабаб туфайли, Бухорои шариф атрофидаги қишлоқларнинг бирида бир неча кун яшаганлар. Шогирдларидан Шайхул Ислом, Қози Абу Бакр аз-Заранжий ҳазратларидан бошқа барчалари келиб, устозларини зиёрат этдилар. Кунларнинг бирида устоз бу шогирдни учратиб қолиб:

–Нега мени зиёратимга келмадинг? – деб, маломат билан кўнгилларидаги муҳаббатнинг дарз кетганига ишора қилдилар.

—Мен мунис онажонимнинг хизматлари билан машғул бўлиб, зиёратингизга кела олмадим, — деб узр сўрадилар.

—Умрингизнинг узоқ бўлишига насиба олибсиз, аммо илмингиз равнақи, дарсингиз ривожини ризқлантира олмабсиз, бу насибадан бебаҳра қолибсиз,— деган эканлар. Худди мана шу сўзларнинг исботи юз бераб, бу зот кўп вақтларини қишлоқларни кезиш, шу ерларда яшаб, дарс бериш ва дарс олиш имкониятларидан маҳрум бўлган эканлар.

Қиссадан ҳисса, ким устозини норози қилса, унга озор берса, илм баракотларидан маҳрум бўлади ва илмдан фойда топмайди. Агар топса ҳам, йўқ ҳисобида фойдаланиши мумкин.

Иzzатталаб бўлмас муаллим, табиб,
Шу ишдан элда бўлдилар ҳабиб.

Иzzату хурматинг қайтар бўлиб саодат,
Андишасиз қадаминг ўзингга қабохат.

Огоҳ бўлки, муаллим ва табиб,
Ҳеч қилмаслар талаби иззат,
Қилмаслар буни панду насиҳат,
Қадринг билгил, эҳтиромлар кўрсатиб,
Устоздан ноил бўл икки олам саодатин,
Табибдан ол дардинг давосин.

Гар жоҳиллик ва кибр ила жафолар берсанг, эй, азизим
Бахтинг қаролигига ва дардинг аламига сабр косасин ол.

—Эй, шогирд! Эй, bemor! Мени ҳурмат қил, одоб-аҳлоқингни тузат,— деб насиҳат қилмайдилар.

—Эй инсон, ахир ҳаётинг, дунё ишларинг, охиратинг, келажагинг менинг қўлимда, унга мен туфайли эришасан, ишларингни оқибатини ўйлаб қилгин,— деб ва шу каби кўрсатмаларни бермайдилар. Беодоблик қилиб, уларни ранжитдингми, қўполлигинг билан уларга азият етказдингми, ўз дардингга, касалингга сабр қил, оғриқларига чида! Ёки, ўзингни жоҳиллигингга қаноат қил!

Ҳикоя қилибдурларки, ҳазрати Ҳорун ар-Рашид ўғилларини имом Асмоъий (а.р.) ҳузурларига илм ва одоб ўрганмоғи учун юбордилар. Бир куни устоз ҳазратларининг таҳорат олаётганларини кўриб қоладилар. Ўғиллари эса оёқларига сув қуяр эди. Шунда халифа ҳазратлари имом Асмоъийни итоб (уришиб) ва маломат қилдилар.

— Мен сизнинг ҳузурингизга ўғлимни илм ва одоб ўргансин деб жўнатган эдим, шундай экан нима учун бир қўли билан сув қуйиб, бошқаси билан оёғингизни ювишни буюрмайсиз?! — дедилар.

Демак, устоз ҳурматига риоя қилмоқ, хизматларига қоим бўлмоқ, унинг кўнглида муҳаббат ва ризолигини топиш ҳар бир талабанинг ҳаётий вазифасига айланмоғи керак экан. Бу эса, илмидан ўзи ҳам,

бошқалар ҳам манфаат топишига асосий омиллардан биридир. Толиб бу юксак бурчни ихлос ва самимият билан ёндошгандагина, самарасидан баҳра олишга эришади.

Энди илмни эъзозлаш, уни улуғлаш ҳақида фикр юритсак. Илмнинг булоги ҳисобланган устоз, муаллим ҳазратларини ва уларнинг мақомларида бўлган ҳар бир кишини ҳурмат қилиш ҳам илмнинг таъзими бўлади. Албатта, илм булоги ва манбаи китобдир. Демак, китобга аҳамият бериш, уни озода ва кўркам тутиш, фахр билан кўтариб юриш, покиза ва баланд жойларга қўйиш нафақат унинг ҳурмати, балки илмни улуғлаш ҳисобланади.

Шунингдек, китобни аста варақлаш, имкон қадар бир очишда керакли саҳифани очиш ва зарур бўлганда китобни варақлаш ҳам илмни улуғлаш жумласига киради.

Китобни варақлашда китоб варақларини ғижимлаб, буклаб, бармоғига туфлаб варақлаш ношоиста ишдир. Китоб ва дафтар устига жилд ва ғилоф тутиш мўътабар амалдир. Зоро, китобни улуғлаш илмни улуғлаш экан, талаба китобни ҳар вақт таҳорат билан ушламоги керак бўлади. Бу ишга одатланиши ўзига фойдадир.

Шайхул Ислом, имом Халвоний ҳазратларидан ҳикоя қиласидиларки, ул зот:

–Мен бу илмга фақат уни ҳурмат қилиб эришганман! Қоғозни доим таҳорат билан олар, бетаҳорат китобга яқин келмас эдим», – деганлар.

Шайхул Ислом, Шамсул аимма, имом Сарахсий ҳазратлари кунларнинг бирида қорин оғриги касаллиги билан оғридилар. Ўша кечаси таҳоратларини такрор–такрор янгилаганлар. Хуллас, ўн етти бора таҳорат олган эканлар. Чунки, бу зот илмларини фақат таҳоратда қайтарар эдилар. Зоро, илм нурдир, таҳорат эса поклик ва нурдир. Икки нур бир–бирига қўшилиб, нурлар янада зиёда бўлади. Таҳоратнинг нури илм нурининг зиёсини кўпайтиради.

Риоя этилмоги ниҳоят зарур бўлган амаллардан:

–узрсиз қиблага ва китобларга оёқ узатмаслик;
–тафсирга оид китобларни барча китобларнинг устига қўйиш ва уларнинг устига бошқа китоб ва бирон нарса қўймаслик ҳисобланади.

Шайхул ислом, устоз Бурҳониддин Маргиноний ҳазратлари ҳикоя қиласидилар:

–Бир фақиҳ, олим киши сиёҳдонини китоб устига қўяр эдилар. Шунда ул зотга форс тилида «Бар на ёбий, яъни ўсмайсан, камол топмайсан», – деган эканлар.

Мазкур масалада Фахри ислом, Қозихон номи билан машхур, устоз Алийюл қори ҳазратлари шундай деганлар:

–Агар бу иш билан китобни хорлашни, менсимасликни ирода қилмаган бўлса, унда зарари йўқ. Лекин бу ишдан ҳам сақланмоқ яхшироқдир.

Илмнинг улуғланишига юз тутадиган амаллардан яна бири – ёзувини озода, кўркам ва ҳусни хат билан ёзиши саналади. Бундан мақсад, ёзган ёзувларидан келажакда ўзи ҳам, бошқалар ҳам ўқиб фойдаланишларини таъминлайди.

Шунингдек, майда ёзмаслик, қисқартмаслик, фақат ўзига маълум бўлган белги ва ишоралар қўлламаслиги ҳам илмни ҳурматлаш ҳисобланади. Ёзганда эса, баъзи ишора ва аниқликларни киритиш учун ва майда ёзувлар қилиш учун ҳошия қолдиради.

Имом Аъзам Абу Ҳанифа розияллоҳу анҳу ҳазратлари майда ҳарф билан ёзаётган бир котиби кўриб, насиҳат қилган эканлар:

– Эй котиб! Майда хат билан ёзма! Ўзинггина биладиган қисқартмаларни киритма! Агар узоқ яшаб, ўз хатингни қўлингга олсанг, надомат чекасан! Агар вафот этсанг, сендан норози бўладилар, қарғайдилар.

Бу сўзнинг маъноси, агар улуғ ёшга етишни Аллоҳ насиб этса, қарилик неъмати ўз ҳикмати билан кўзингнинг нурини заифлаштиради ва ўзинг билган қисқартмаларингни ҳам ёдингдан кўтаради. Шунда ёзганларингни ўқий олмай, ўзингни маломат ва мазаммат қиласан. Бу ишингга надомат чекасан. Вафотингдан кейин, хатингни ўқий олмаган кишилар сени сўқадилар ва мазаммат қиладилар.

Шайхул ислом, Мажидиддин, имом Сарахсий (а.р.) ҳазратлари:

–Нимани майда ва қисқартириб ёзган бўлсақ, келажакда унга надомат ва хасрат чекдик. Нимани ўзимизга танлаб олган бўлсақ, унга ҳам хасрат ва надомат чекдик. Ниманинг қадрига етмаган бўлсақ, шунингдек, нимани яхши–ёмонлигини фикрламаган бўлсақ, шуларга ҳам кўп надомат чекдик, – деган эканлар.

Демак, илм толиби ўз ҳусни хати устида ишламоги, хатига ҳамма вақт бошқалар ҳам тушуна оладиган бўлишига эришиши керак. Ниҳоят ёзишда турли қисқартмалардан сақланмоғи, илм ва аҳли илмни ҳурматлаши ва улуғлаши ҳисобланади.

Китобнинг кесими тўртбурчак бўлмоғи керак, чунки тўртбурчак кесим ҳазрат Имом Аъзам Абу Ҳанифа (а.р.)нинг кесимларидир. Тўртбурчак кесимли китоб кўтаришга, қўйишга, мутолаа қилишга енгил ва қулайдир.

Илм толиб шерикларини ва бошқа талабаларни ҳам ҳурмат қилмоғи, уларга раҳм-шафқат, иззат-икром ва ёрдамини

кўрсатиши керак бўлади. Зоро, мазкур ишлар ҳам аслида илмни ва илм аҳлини ҳурматлашга киради.

Шерикларининг қатъийликлари билан қилинган дарс ва муколамаларнинг самараси ўлароқ, илм пишийди, уни пухта эгаллайди.

Китобни бекордан–бекорга варақлаш мазмум (ёмон қўрилган) ва макруҳ амалдир. Аммо китобини устозига ёки шерикларига очиб бермоғи, фойдаланиш учун бўлса керак ва лозим бўлади.

Талаба олаётган илмини ва ҳикматларини чуқур эҳтиром билан эшитмоғи лозим. Агар бир масалани минг маротаба эшитишга тўғри келса, ҳар вақт бутун вужудини қулоқ қилиб, жони билан эшитмоғи керак бўлади. Бу ҳақда донишманлар нақл қиласидилар:

–Агар толиб бир масалани минг марта эшитганда ҳам уни биринчи эшитгандек, таъзим билан эшитмаса, у аҳли илм бўла олмайди.

Чунки, илм такрор билан пишиқ ва пухта бўлади. Араб мақолларида: «Ҳамма нарса сарфлаш билан завол топади, фақат илм қанча сарфланса шунча зиёда бўлади», – дейилади.

Толиби илмни бирор илм турини ўзи ихтиёр қиласидилар дуруст эмас. Масалан, устоз ҳузурларига келиб: «Менга мана бу китобдан таълим беринг», – дейиши тўғри эмас. Балки, қайси илмни таълим олишини устознинг ўзларига топширмоғи энг афзал йўл бўлади. Чунки, устоз бу соҳада анча тажрибали бўлиб, талабага қандай илм, қандай китобни ўқиши лойиқлигини яхши билади. Шунинг учун ҳам толибнинг мақсадлари рўёбга чиқишида фойдаси аниқроқ таълимни амалга ошира билади.

Шайхул ислом, ҳақ таолонинг ва диннинг ҳужжати, устоз Бурҳониддин Марғиноний ҳазратлари (а.р.):

–Аввалги замон толиби илмлари мазкур ишларни устозга топширас әдилар. Шул сабаб ўз мақсаду муродларига эришар, устозларининг илму урфонларидан ўзлари ҳам, ўзгалар ҳам баҳраманд бўлар әдилар. Ҳозир эса, талабалар қайси илмни ўқишини ўзлари ихтиёр қиласидилар. Худди танлаган илму китоблари уларга кўпроқ фойда ва наф беришини ўзлари яхшироқ биладигандек, бу соҳани ўргатинг, деб илм навини танлайдилар. Шунинг учун ҳам илм ва Фиқҳ соҳасидаги мақсадлари ҳосил бўлмайди. Илмлари фойда берувчи, манфаатли бўлмайди.

Ҳикоя қилишларича, барча муҳаддис олимлар пешвоси, буюк ватандошимиз имом Муҳаммад ибн Исмоил ал–Бухорий ҳазратлари машҳур Фиқҳ олими имом Муҳаммад ибн ал–Ҳасан ҳазратларида Фиқҳ илмидан таълим олганлар. Намоз аҳкомлари баён қилинган китобга келганларида, устозлари:

–Сиз ҳадис илмини ўқинг, ҳадисга оид илмларни ўрганинг! – деган эканлар.

Тажрибали, шогирднинг келажагига ёрқин назар сола оладиган устоз сифатида унинг табиатига мос ва иқтидорига лойиқ келадиган илм ҳосил қилишни тавсия қилдилар. Ҳазрат имом Бухорий (а.р.) шундан сўнг ҳадис илмини талаб қилдилар ва келажакда ҳадис илми олимларининг пешвоси ва амири даражасига етдилар.

Дарс олиш, сабоқ вақтида шогирднинг устозига жуда яқин ўтириши яхши эмас. Балки, устоз ва шогирд ўртасидаги масофа бир камоннинг узунлиги миқдорича бўлиши керак. Бу улуғлашга лойиқроқдир.

Барча аҳлоқи замималардан, ёмон хулқу ҳаракатлардан толиби илм сақланмоғи керак. Безбетлик, бадфеъллик, фаросатсизлик, дангасалик, кибр, ман-манлик, қўпол муомала, нопоклик ва бошқа барча ношоисталиклар, киши кўнглида нафрат, ёмон таассурот қолдирадиган хислатлардир. Чунки, бундай кишиларда Фаришта, юзида нури бўлмайди. Ваҳоланки, жаноб Расууллоҳ саллаллоҳу алайҳи васаллам ҳазратлари:

–Аллоҳнинг раҳмат фаришталари сурат ва ити бор хонадонга кирмаслар,— деб огоҳлантирадилар. Ит ва сурат туфайли уйга фаришта кирмаса, аҳлоқсиз кишиларни маънавий қашшоқ, ички дунёси тубанлашган, ўзлигини билмаган итларга ўхшатишлари бежиз эмас экан.

Айтишларича, илм ҳам, касбу ҳунар ҳам толибига фариштанинг воситасида ҳосил бўлар экан. Бу нуроний зотлар эса, инсон ҳар жиҳатдан – моддий ва маънавий покиза бўлсагина, унга қўнадилар. Инсоннинг муродига етказишда ўз файзу футухлари билан ривож берадилар.

Аҳлоқи замималарни аҳлоқ-одобга оид китобларидан билиб олиш мумкин. Улардан сўз очсак, китобимиз чўзилиб кетади. Аммо, кибру ҳавога, ман-манлик, гердайиш-кеқкайиш тўғрисида тўхталамиз.

Маълум бўлсинки, кибр билан илм зинҳор ҳосил бўлмайди. Донишмандлар бу ҳикматни шундай баён қилганлар:

–Илм олийликка интилевчи учун гўё жанг қуролидир. Жанггоҳда эса, қуролни моҳирона ишлата олмасанг, ҳалок бўласан. Яъни мақсадинг ҳам ҳосил бўлмайди.

Сел баланд жойларни хароб қилиб, текислаб юборганига ўхшайди. Илм ҳам инсондаги кибрни сел баландликни бўйсундириб, текислаб юборгани каби йўқотиб юбориши керак.

Ҳар шону-шараф, шавкатга жидду-жаҳд, меҳнат билан эришилади. Унга ота-боболарнинг хизмати билан ҳеч қачон

эришиб бўлмайди. Шон-шарафга, улуғликка жиддийлик-ла эътибор бермаса баҳт бўлурми?! Қанча баҳт-саодат топган қуллар борки, улар ҳур инсонлар даражасида, яна қанча баҳтини топмаган, омади чопмаган озод кишилар борки, ўзларини қулдек тутадилар ва улар қулнинг даражасидадирлар.

Талаба илму ҳунарга ноил бўлишида турли кишиларнинг муносабатини аҳамияти бор. Аввало ота, сўнг онанинг ризолиги, дуолари ва албатта, фарзандини қўллаб, қизиқтириб боришлари билан, учинчидан устознинг меҳри-муҳаббати, самимий таълими ва ўзининг шогирдан ҳам, берган билимидан ҳам рози бўлишида келажак учун зарур асос бор. Қолаверса, шогирд ҳаққига қилган хайрли дуоси шарофати билан мақсад-муродлари ҳосил бўлади. Тўртинчи, толибнинг ўзидан бўладиган жидди-жаҳд, астойдил ҳаракати, юксак савиядаги одоби билан ният қилган манзилига бардам қадам ташлайди.

Ҳаёт тажрибалари кўрсатадики, ҳар бир илму ҳунар изловчи мана шу фойдали кўрсатмаларга амал қилиб, орзу ва умидларига етиши шубҳага қолмайди. Шунинг учун уларни ўз аҳамияти, мақоми бор ва буларга жиддийлик изҳор қилиш қиймати беназирдир. Кейинги фаслда бу ҳақда кенгроқ сўз юритамиз, иншааллоҳ!

5- ФАСЛ

ЖИДДУ-ЖАҲД ЭТИШ, ТАЪЛИМУ-РИЁЗАТГА БАРДАВОМ БЎЛМОҚ ВА ҲИММАТУ ФАЙРАТ ҲАҚИДА

Бир мاشаққатга икки енгиллик бераман, – деган маънода Қуръони каримда Аллоҳнинг ваъдаси бор.

Шубҳасиз, талаба илмга жиддийлик билан ёндошиши ва таълим олиш ҳамда риёзатга берилиши, унда бардавом бўлиши, ҳиммат-файратлик, чаққон ва ҳаракатчан бўлиши керак. Ушбу сифатларни эгаллаш кераклигига мана бу ояти карима ишора қиласи:

«–Бизнинг кўрсатмаларни амалга оширишда биз учун (Аллоҳ розилиги йўлида) жидди-жаҳд қилганларни, самимий ҳаракат қилганларни ҳақ йўлларимизга ҳидоят қилиб қўямиз». Яъни, Аллоҳ бу оятида ўзининг розилигини ният қилган ҳолда саъй-ҳаракат қилганларни мақсадларига эришираман, – деб ваъда қиласи.

Фақат шайтон ноумид, инсон эса саъй-ҳаракатларининг натижасига албатта эришади. Машойихларимиз бу ҳақда шундай деганлар:

–Ким бирон нарсани талаб қилса, унга эришиш йўл-йўриқларини изласа ва бу ишида жиддий киришса, талаб қилган ниятига эришади. Ким эшикни тақиллатса ва қатъиятлик кўрсатса, шу

эшикдан киради. Яъни, охири жавоб олади. Чунки, ҳар ишга жиддий киришилса, унинг самараасига эришилади.

Яна дебдиларки, орзу-умидларга чеккан мاشаққатларнинг миқдорича етасан. Доно халқимизнинг:

«Жон куйдирмасанг, жонона қайда,

Тоққа чиқмасанг, дўлона қайда?!» – деган пурҳикмат сўзлари ҳам бу фикрни қўллаб-қувватлайди. Инсон орзулари сари интилмоғи, йўлидаги тўғаноқ, азият ва қийинчиликларни енгиш учун енг шимариб, саъй-ҳаракатга киришмоғи керак бўлар экан.

Баъзи манбаларда, ҳар қандай мақсад сари қадам босишда ва комил сифат эгаси бўлиб етишишда уч тоифа кишиларни саъю ҳаракати, сабру матонати ва қизиқиши, интилиши зарур бўлади, – дейилган. Биринчиси мутааллим – ўрганувчи, яъни шогирдга ва иккинчи устозга ҳамда учинчиси ота-онасига боғлиқдир. Модомики, улар ҳаёт бўлсалар, ҳаммаларининг эҳтимомлари билан киши ўзининг мақсадларига эришиши мумкин. Зеро, илму-ҳунар ўрганмоқча завқ, интилиш борлиги, муносиб устозни топа билиши, ота-онанинг ҳаёт бўлишлари Аллоҳнинг бандага берган жуда улуғ неъматларидандир.

Шайхул Ислом, буюк имом, устоз Садидуддин Шерозий аш-Шофейй ҳазратлари:

Қимирлаган қир ошар, дерлар

Ҳам тинмаган тинар, дерлар.

Мушкилотни жиддийлик кеткизар,

Ҳар узоқларни узогин кеткизар.

Ҳақ, – дедилар: интилганга толеъ ёр,

Ҳар маконда очиқ эшик бор.

Жиддийлик, қатъийятлик ҳар қандай ва ҳар бир узоқ, мушкил ишни амалга оширади, уни яқинлаштиради, ёпиқ эшикларни очади.

Дарвоқеъ, ҳаёти торлик, қийинчиликлар билан синаалаётган киши, Аллоҳ таолонинг бандалари ичida ҳиммат ва ҳайрат соҳиби бўлишга ҳақлироқдир. Ақлли, олиму фозил инсонлар noctor, камбағал бўлиб, камтарона ҳаётлари ва шу билан нодон кишиларнинг майшатларининг бекаму кўстлиги, Аллоҳ таолонинг ҳикмат билан хоҳлаган ишини бажаришига далил ҳисобланади. Ким илму фаҳм неъмати билан ризқланган бўлса, баҳоси йўқ неъмат эгаси бўлибди. Ҳикмати илоҳийга кўра, бундай бебаҳо неъмат соҳиби кўпинча, моддий бойлик, мол-дунё кенгчиликларидан маҳрум бўлади. Демак, ақл билан нодонлик, бойлик билан камбағаллик ҳеч жамланмайдилар. Бири бошқасини албатта суриб чиқаради. Шеър:

Меҳнат ила мاشаққат жонга ҳузур,
Адною олий мақсадларга еткүзур.
Меҳнат қилмай мақсадга интилмоқ,
Йўл аввалида орқада кўп қолмоқ.
Умидсизлик даштида ўзин топар
Ҳар ўткинчи ит ҳам уни қопар.

Бемашаққат, меҳнат қилмай, қийинчилик кўрмай чуқур билим эгаси, мунозара ўтказа оладиган етук олим бўлишни истайсанми?! Билгилки, жинниликтин турлари ҳам жуда кўп. Яъни, бундай йўл билан илм талаб қилиш ақлсизлик ва жиннилиқдан далолатдир. Ҳатто дунё матосига эга бўлиш учун ҳам қанча қийинчиликни, фамташвишларни бошдан ўтказиш керак. Илм қийматсиз бойлик бўлса, қандай bemashaqkat bular ekani?! Зоро, машойихларимиз:

Бемашаққат топилса ҳар нимарса,

Анинг қадрин билмас ҳеч кимарса, – деб, мол-дунё ва айниқса, илмнинг қадрига етмоқ учун, албатта мешаққатини, қийинчилигини бошдан ўтказиш зарурлигини билдирияптилар. Акс ҳолда, ношукрлик либосига ўраниб, хорлик кўчаларида изғиб юради.

Абу Тоййибнинг шеъри:

Мункар ишдан қайтар, деб иймон айтади,
Ўз ишингдан нари кетма, деб шайтон айтади.
Билгил, бу ишлар мисли олов,
Бепоён тор йўл, юрарсан vale яёв.
Иғвогар, чақимчи ва аҳли гийбат
Дигар йўл тополмай, қолур абад.
Шаштидан бур, иккиланмай, било шак,
Қайтармасанг йўлу гуноҳга сен шерик.

Фийбатчи, чақимчи, иғвогар кишини босиб қўйишга, унинг бузук, фосиқона ҳаракатлардан қайтариб қўйишга қодир бўла туриб бепарво, ҳамиятсизлик ила қарашлариdek кишининг ўзидағи айни кўрмадим.

Шоир байтлари билан инсоннинг улуғ айби ўз камчилигини кўрмаслигидир, – дейдилар. Киши доим ўзига огоҳ бўлиб, гийбат, чақимчилик каби ёмон иллатлардан сақланиши керак. Бу уни гўзал ахлоқ соҳиби ва илм эгаси бўлишига эриштиради.

Кечаларини бедор ўтказиш – толибнинг мақсадларини рўёбга чиқаришда ўз аҳамиятига молик бир омилдир. Шеър:

Қанча мешаққат тортсанг
Шунчалик мартаба топарсан.

Бир бирига чамбарчас боғлиқ,
Бепарвонинг тонгла юзи доғлик.
Кечалари бедорликни одат қил,
Хулус ният ила тоат–ибодат қил.
Кечаларда такрор қил илмингни,
Кунлари ошири кишига ҳилмингни.
Зехн қайроғи тиловатдир ҳам муколама
Вақтни берма бой, эртага оҳ–войлама.
Эй, ғофил! Бу орзуларинг кўп дуруст,
Лек қай холингга уйқуни айладинг дўст.
Кўп уйқуни зўр душман бил,
Ухламай кечалар бағрин тил.
Дурру гавҳар кони денгиз эрур,
Ғаввос унга етишишда тенгсиз эрур.
Унинг амалидан сен ҳам ўrnак ол,
Ҳумо қушинг маконига қадам сол.

Шубҳасиз, олий мартабаларга қилган меҳнатинг миқдорига қараб эгаллайсан. Бас, ким олийликни талаб қилса, кечаларни бедор ўтказсин. Бедорлиги илм ўқиш, такрор билан, ибодатлар билан, тиловату муколама қилиш билан бўлсин.

Эй ғофил! Эй, ҳаёлпараст! Иззату обрўлик бўлишни орзу қилиб, кечаси уйқуга кетасанми? Огоҳ бўлким, дурру гавҳар излаган денгизга шўнгийди, ғаввослик қиласди. Яъни, кеча–кундуз меҳнат ва риёзатни ўзига ёр қилмоқ керак.

Кишининг шуҳрати, мартаба топиши қобилияти, олий ҳимматлиги, ғайрати билан бўлади. Ваҳоланки, киши Аллоҳ ҳузурида ҳақиқий ҳурматга кечаларни бедор ўтказиш билан эришади.

Ким машаққат чекмасдан олий мартабани талаб қилган бўлса ҳаётини, амри муҳол иш талабида бекорга ўтказибди. Парвардигоро! Илм, касбу ҳунар олмоғимга ўзинг тавфиқ бер! Олий мартабаларнинг улуғ нуқтасига мени етказ!

Донишмандлардан нақл қиласидилар:

–Муродингни ҳосил қилиш учун, кечаларни ўзингга тужарони қилиб ол! Шеър:

Амалга ошсин десанг барча умидлар
Мақсад сари етакловчи карвонга мин,
Гўё оқшомлар карвондирлар,
Уларни минмоқ оқшомни бедор кутмоқ.

Ким барча орзуларини бирданига рўёбга чиқишини хоҳласа, уларга эришиш йўлида кечаларини манзилига етказадиган тужарони қилсин!

Кечаси бедор бўлиш ва ухлаб қолмаслик учун таомингни камайтиргин. Эй азизим! Агар камолот истасанг, бедорликдан қолмагин!

Ким кечаларни ўқиган ва билганларини такори билан ўтказса, тонгла кундузлари қалби шодликка тўлади. Чунки, келажакда бу ишлари фойда келтириб, кечаларини бекор ўтказмагани учун афсусланмайди. Демак, Аллоҳ неъматлари ичидан кечанинг ўз ўрни бўлиб, талаба уни ганимат билмоғи жуда зарур. Зеро, кечалари қилинган дуо ва риёзатларнинг аҳамияти бениҳоядир. Улуғларимиз бу ҳақда ўз манзумаларида қимматлик кўрсатмалар берганлар:

Егил кам кеча турмоқдин есанг ғам,
Бўлур иш кам агар кўп тўйса ишкам!
Эгам аҳд этса «Фатлубни тажидни¹ »
Қўюрми бандалар бу жаҳду жидни.

– дея Сўфий Аллоҳёр (а.р.) ҳазратлари таомни озайтириб, қатъий ҳаракатни кўпайтиришни таъкидлайтилар. ҳазрати Бобораҳим Машраб (а.р.) ҳам жиддийликни ҳамма ҳолатларда мўътабар эканини айтадилар:

Чин ошиқ эрсанг, берма кўнгил нафси ҳавога,
Кўп ётма саҳар, уйғона кўр зикри Худога,
Гофил юрма, бўлма гирифтори балога,
Машраб ўзингни солма неча жавру жафога.
Тўғри юрусанг эл сўзидан санга на ғамдир?!

Илм талаб қилишга тарғиб қилинган ҳадиси шарифларда айтилишича, илмнинг ҳар сонияси ибодат, ҳар сонияси истиғфор бўлиб, фазилати улуғ неъматлар эшикларини кенг очилишига боисдир. Ибодат, тавбаю истиғфорнинг сultonи саҳар вақтида эканига Қуръони карим оятлари далолат қилади. Чунончи, Аллоҳ солиҳ бандаларининг феълларини, уларнинг хулқларини баён этиб:

Тонгу саҳарларда тавба ва истиғфор айтувчи ҳамда ибодатлар билан парвардигорларига ёлворадиган банданинг камчилик ва гуноҳларини авфу иноятимизга олиб, мағфират дарёсида гарқ этиб, уларни бахт–саодатга ноил қилурмиз! – дейди. Шеър:

Кечаси уйқуни юз тутқазсанг барбодга,
Келажакда албатта етарсан муродга!

Толиби илм кечанинг аввалида ҳамда охирида дарсларини такор қилишга одатланмоги керак. Ушбу икки вақт – шом ва хуфтон ҳамда саҳар вақтлари баракотлик, файзлидир.

Ҳаким зотлардан бири дейдилар:

Эй, толиби илм! Парҳезкор ва тақволик бўл, яъни ишларингни тақво ва парҳез риштаси ила боғлаб бошқаргин. Кўп ухлашдан

узоқлаш, чунки кўп уйқу кони зиёндир. Таомни тўйиб–тўйиб ейишдан сақлан! Қорин тўқ бўлса, киши ишёқмас, дангаса ва бошқа салбий сифатлар соҳиби бўлиб қолади. Юқоридаги мазкур бир байтда:

Бўлур иш кам агар, кўп тўйса ишкам, – деб кейинги келтирилаётган «ишкам»дан мурод «қорин» бўлиб, байтнинг маъноси: «Агар киши қорнини тўйдириб юборса, ўзи учун фойдали ишларни кам қилади ёки ҳеч қила олмайди», – демакдир.

Дарс ўқимоқча ва уни такрорлашга бардавом бўл ва зинҳор бу ишларингдан ажралма, ташлаб қўйма! Чунки, илм дарс ўқиш ва такрор билан қоим бўлади, ривож топади. Умрининг «ёшлик» деган бекатидаги ҳар бир кунларини талаба ғанимат билмоғи керак, келажаги учун мустаҳкам замин тайёрламоғи керак. Ёшликка хос бўлган беғубор тонгни, уни қизиқувчанлигини–ю, қизишувларигини ҳам ғанимат билмоғи зарур.

Белингни қуввати борда олиб бел,
Кўнгил богин сугор кетмай туриб сел!

Бу байтдаги «сел»дан мурод бирон нарсанинг етилган вақти, айнан ишлов берадиган даври, инсоннинг куч–қувватга тўлган, фаҳму–фаросати, ақл–идроқи камол топган вақти демакдир. Байтнинг маъносини:

Эй инсон! Жисминг саломат, белинг қувватлик, қайси бир ишни қилмоқни хоҳласанг унга қўлинг етадиган, ўзинг бажара оладиган вақтингда, ҳар нарсани идрок этадиган кунларингни ғанимат бил! Қўлингга ҳиммат ва гайрат белини олиб, кўнгил богингни обод қил! Бу ишнинг охири роҳат келтиради. Мехнатингга қараб мақсадларинг ҳосил бўлади.

Ким олий фазилат соҳиби бўлишни хоҳласа кечаларини қоим қилмоғи керак бўлади. Илм ўқиш, такрор билан, дуо–ю истиғфорлар билан кечаларни бедор ўтказади. Ёшлик – беғуборлик онларингни шундай ғанимат бил!

Зеро, ёшлик давринг узоқ давом этмайди, кўз очиб–юмгунча катта бўлиб, бошингга турли хизмат, ғам–ташвиш ва рўзгор каби дунё юмушлари тушиб, умринг қандай ўтиб қолганини сезмай қоласан.

Араб ҳикматларида: «Ёшликда ўрганилган илм, гўё тошга ўйилган нақш кабидир», – дейилган. Бу ҳам ёшликни бир улуғ неъмат эканини таъкидляяпти.

Ёшлигингда тоат қилсанг, қаригунча кўникасан.

Қарилікда тоат қылсанг, күніккунча күміласан, – дейиш билан нафақат ибодат, балки бошқа хайрлик ишларга үрганиб боришининг фазилати баён қилинмоқда.

Толиби илм тоқати келмайдиган даражада ўзини қийнаши, машаққатта солиши дуруст әмас. Чunksи, соғлиғи кетади, иродаси ва интилиши сустлашиб қолади. Балки жидди-жаҳдини аста, оз-оздан юмшоқлик билан, тоқатига мос истеъфода қилиши керак бўлади. Буни «рифқ» дейилади. Рифқ ҳамма нарсанинг асоси саналади. Жафокаш халқимиз ҳам «Мусулмончилик аста-аста», – деганларида мазкур рифқни назарда тутадилар. Бу тўғрида жаноб пайғамбаримизнинг муборак хадислари бор:

–Огоҳ бўлингларким, бу дин жуда мустаҳкам диндир. Шунинг учун юмшоқлик билан, аста-секин муносабат ва муомала ўрнатинглар!

Яъни, динга юмшоқлик ва кенглик билан киришинглар. Ўз жонингизга ибодатларни мешақатлик қилманглар! Динда мўттадил ўрин топингларки, агар тоатга чақирилсангиз ғазаб келмасин.

Зеро, барча нарсанинг ўз ўрни, услуби ва моҳияти бор. Шу ўрни, услуби ва моҳиятидан ажратиб, бошқа мақсадда ишлатиш жоиз әмас.

Яна жанобимиз саллаллоҳу алайҳи васаллам марҳамат қилдилар:

–Билки, бу нафс ва жасад ўзингни маркабингдир, яъни узоқ ва яқин манзилларга элтувчи аравангдир. Шундай экан, унга юмшоқлик билан, мулојимлик билан, қуввати ва имкониятлари доирасида муомалада бўл!

Мазкур ҳикматли маъноларни халқ мақоли ҳам чиройли ифодалаган: «Аз зури бехуда миёна мешиканад». Яъни, кучи етмайдиган, ақлу-идроки ҳазм қилмайдиган ишга зўр бериб чиранишлик белни синдиради, кишини майиб-мажруҳ қилади.

Олийҳимматли, серғайрат, иродали, қатъий хулқ соҳиби бўлмоқ илм талаб қилишда зарур бўлган инсоний фазилат ҳисобланади. Киши ўз ҳиммату ғайрат қаноти остида қушдек учади. Яъни, озод қуш ўз маконига тўсиқсиз етиб олганига ўхшаш, инсон ҳам ўз ғайрат-шижоати билан ўйлаган орзу-умидига эришади.

Шоир Абу Тойийиб Фикрларини шундай ифодалабдилар:

Ҳаёт ишлари мисоли бир тарозу,

Ният қарорича бўлур умиду орзу.

Мумтоз бўлсанг муруввату саховатда,

Эгам устун қиласар иззату кароматда.

Донолик улуғ неъмат, ет қадрига ҳар соат,

Ношуқрлик чақирир шаноату маломат.

Қутлик бил ёшлардаги беғубор ёшлиқни

Шу билан ёши улуғлар улуғлигин бил буюк.

Ёшларда бор қобилият, қуввату зёр интилиш
Бошқасида чуқур тажриба огоҳлик.

Инсонга орзулари азму-қарори, қатъиятлигига қараб берилади. Аллоҳ таоло инсоннинг саховат ва мурувватига қараб фазилат, иззат-икром ва бошқа яхшиликларни беради. Сен ёшлардаги ёшликтин улуғ бил ва катталарнинг улуғлигини ёшлар олдида арзимас бил! Ёшликтаги имконият, зеҳн, куч-қувват ва сиҳат-саломатлик бебаҳо бойлик сифатида инсонга улуғлигини намоён қиласи.

Ҳар қандай мақсадга эришиш учун инсонга жидди-жаҳд қилиш, ҳимматли ва серғайрат бўлмиш асосий омилдир. Агар бирон киши Имом Муҳаммад ибн ал-Ҳасаннинг китобларини ҳаммасини ёд олишни ирова қилиб, бунга киришса, яъни ҳиммат ва ғайрат кўрсатиши керак. Ҳиммат, ғайратига мувозабат – бардавом ва изчил шугулланишни ҳам қўшсин. Мана шунда мақсадига эришади. Аммо бу хислатларни жамламасдан ҳаракат қилса, мақсадларига деярли эришмайди ёки орзулари комил амалга ошмайди.

«Макоримул аҳлоқ» китобида шайхул ислом, устоз Ризоуддин ан-Нишопурий а.р. ёд этурларки, ҳазрат Зулқарнайн бутун дунёни, мағрибу машриқ мулкини тасарруфига олишни ирова этганлар. Шунда атрофидаги олиму донишмандларга машварат қилган. Улардан:

–Бунчалик мулкка эга бўлиш учун қандай сафар қилсан экан? Дунё фоний ва бевафо, боқий эмас. Бунинг устига дунё ортидан кетиш, эгалик қилишга интилиш хорликнинг ўзи бўлса, шу нарсаларни билиб туриб, унга эга бўлишга интилиш олийҳимматлик ва ақлдан эмасдир. Қандай сафар тадориги менга муносиб бўлади? – деб сўраган. Донишмандлар кенгаш ўтказиб, жавоб беридилар:

–Сен икки дунё, яъни бу дунё ва ҳам охират мулки ҳосил бўладиган сафар қилгин. Мана шу ният ва ҳаракат сени фоний дунё мулкига эга қилиш билан бирга боқий охират мулкига, абадий саодатига эга қиласи.

Зулқарнайн:

–Бу яхши, бебаҳо маслаҳат бўлди, – деган экан.

Демак, жидди-жаҳд ва ғайратимизга солоҳиятлик ниятни: охират, Аллоҳнинг розилигини қўшмоғимиз керак бўлади. Жаноб Расууллоҳ бу ҳақда шундай огоҳлантирадилар:

–Аллоҳ Субҳанаҳу ва таоло олий амалларни ва улуғ мақсадларни яхши кўради. Уларни амалга оширувчиларни ва рўёбга чиқаришга ҳаракат қилувчиларни дўст тутади. Сафсата, оғизда бажариладиган

ишларни гапирилишини ёқтирмайди. Аҳмоқона ва бекорчи ишларни макруҳ кўур.

Донишманд аҳлидан бўлган киши бир одамга шундай маслаҳат берган экан:

—Ўз ишингни ижро этишга шошилма! Ҳовлиқма! Балки секин ва бардавомлик билан бажар! Қўлингдаги асога яхши бир назар солсанг, ундан бардавом бўлиш ҳақидаги ибратни илғайсан. Асадек Аллоҳга тасбехни тинмай айтадиган, ўз ишига давомли нарса йўқ экан. Яъни, сен ҳам ҳамиша ўз устингда ишла ҳамда орзуларинг рўёбга чиқадиган йўлларда сайъ-ҳаракатда бўлгин.

Ҳазрати Имом Аъзам Абу Ҳанифа шогирди Абу Юсуф (а.р.) ҳазратларига насиҳат қилганлар:

—Дангаса, ишёқмас, бир ландовур эдинг. Дарсларингга давомли бўлганинг, ўз устингда ҳамиша ишлаганинг сени дангасалик ва ландовурлик ботқоғидан чиқарди. Энди дангасалик, эринчоқлик ва ишёқмасликдан сақлангин! Чунки, мазкур касалликларнинг барчаси илмнинг энг катта оғатидир.

Бу ҳақда яна шайхул ислом, имом Абу Наср ас-Сифорий ал-Анзорий (а.р.) ҳазратларидан шундай шеър бор:

Эй, нафсим! Айтай сенга насиҳат

Қабул айла било шак!

Эзгуликдан қолма бир нафас,

Халойиқ қилсин сенга ҳавас!

Хайрли ишларга бел боғла,

Душманинг кўнглини доғла!

Халқ аро номинг қолса яхшиликда абад,

Ҳикмати Ризои Ҳақни соҳибидир то абад.

Эй нафс! Бирон сония ҳам адолат, яхшилик ҳосил қилишдан қолмагин! Зеро, ҳар бир эзгулик омили Аллоҳнинг раҳмати, ҳақнинг ва халқнинг ризоси билан ўралган бўлади. Аммо дангаса, боқимандалар оғат ва гумон ичидан бўлади.

Шеър:

Эй, нафс! Гар бўлсанг дангаса ва ишёқмас,

Ҳам такасалтанг ва заифу камҳаракат,

Қўй мени ўз ҳолимга, этгин мени тарк!

Магар эй, нафсим! Барча ишларда бўл собит!

Иродамни қил метину мустаҳкам!

Умидларим очилсин шул заҳот!

Эй нафс! Барча ишларда собит ва мустаҳкам бўл! Метин иродада тур!

Дангасанинг насибаси эса фақат надомат чекиш ҳамда эзгу умидларидан маҳрум бўлишдан бошқа нарса эмас.

Улуғ зотлардан нақл қилинишича, дангасалик инсонга ҳаёсизлик, ожизлик, айбу-нуқсон келтиради. Қанча ҳасрат ва надомат ёғилади. Шунинг учун ҳам сен, гумонли нарсалар ҳақида баҳс юритишда дангасалик, эринишга йўл қўйма!

Тадқиқотлар кўрсатдики, дангасалик, эринчоқлик каби иллатлар, асосан илм ва илм фазилати тўғрисида Фикр юритмаслик ёки буларни йигишириб қўйиш туфайли ҳосил бўлар экан. Демак, талаба илм ҳосил қилишда вазифаларига жиддий ёндошиши ва бардавомликни маҳкам ушламоги ҳамда илмнинг файзу футуҳларини, баракотларини тафаккур қилиб бормоги зарур экан.

Бунинг учун, албатта нафсини «қийнамоги» керак. Зеро, илм мана шундай машаққат, қийинчиликлар билан ҳосил бўлгани учун ҳам боқий, у бебаҳодир. У ҳеч ким ўғирлаб ололмайдиган, ҳиёнат қила олмайдиган туганмас бойлиқдир. Мол-дунё эса қанча машаққат билан қўлга киритилса ҳам, у фоний, ишлатилган сайин камайиб бораверади.

Ҳазрати Али ибн Абу Толиб (карамаллоҳу важҳаҳул карим) айтадилар:

—Қудрат ва ҳикмат эгаси Аллоҳ таолонинг фойдамизга қилган тақсимига розимиз, шукр қиласиз, миннатдордирмиз! Ҳақ таоло бизга илмни, душманларимизга мол-дунёни тақсимлаб берди. Мол-дунё тез фурсатларда йўқ ва ном-нишонсиз бўлур. Илм эса боқий қолади. Чунки, илмни Аллоҳ таоло берса, уни ҳамишалик қилиб беради. Фойдалик илм туфайли инсонга хайрли ёднома, яхшилиқда боқий ном қолади. Зеро, илм барча фазилатлари билан абадий бир ҳаётдир.

Имомлар раҳнамоси, улуғ шайхул ислом Заҳириддин, муфтий ва Маргиноний номи билан машҳур, ҳазрат Ҳасан бин Али (а.р.) бир байт айтганлар:

Илм олимни ҳар оламда ҳаёт айлар,
Илмсизлик бу оламда—ёқ ўлик айлар.

Жоҳилу нодонлар ўлмасларидан илгари ўлгандирлар. Улар тирикликларида ўлиқдирлар, Олимлар ҳаётдан ўтсалар ҳам ҳаётдирлар. Улар илм каромати ила барҳаёт бўлдилар.

Шайхул ислом, устоз Бурҳониддин Маргиноний (а.р.) ҳазратларидан бир байт:

Ўлмай туриб мурдадир, жоҳилу нодон,
Чун илмни қалбга шифо деюрлар ҳамон.

Шунинг учун ҳам, жасадлари қабрга кирмасдан илгари қоронгу қабрдир. Уларни ичлари зулматдир. Зеро, инсон илму билан тирилмаган экан, у маййит, тирик бўлсада, мурдадир.

Илм соҳиби эса тирикдир, вафотидан сўнг ҳам ҳаётдир. Жасади тупроқ остида чириб кетса ҳам, илми билан боқийдир. Турли жоҳиллар ўзларини тириклардан санаб, ер юзида юрибдилар. Афсуски, улар илмсизлик билан мурда эканларини билмайдилар.

Устоз Бурҳониддин Маргиноний шеъри:

Билки, Отангга малоиклар,
Илми чун сажда қилдилар.
Илм неъматнинг олий мақоми,
Сажда бўлди бунга аломат.
Чун сажда амаллар маҳбуби
Илм энди унинг сардори.
Тангрим этса бандасин азиз,
Ҳар маконида ул азиз.
Илмнинг азизлигига шак йўқ,
Илсмиз ҳар ерида хўрликка тўқ.

Илм –олий мартабаларни олийроғидир. Агар ўхшатиш жоиз бўлса, гўё олий мартаба жаноза кўтариб кетаётган жамоатдаги тобутнинг мартабаси кабидир. Тобутни авайлаб, елкалари узра кўтариб баланд тутадилар. Соҳиби илмнинг ҳурмати орта-орта, боқий қолур. Жоҳилу нодон эса туфроқлар орасида қолур.

Ҳайҳот! Илмнинг файзу фазилатини чегараси қандай ҳам бепоён экан! Ким илм билан ривожу тараққий топса, мулку давлат ҳам унга келади. Тарих сахифаларида номи боқий қолади.

Мен шу улуғ мартабалар ҳосил бўладиган йўлларни бир–бир айтиб берай, қулоқ солинг! Менда бу улуғ манзиллар тадоригини қисқа ифодаси бор. Илм нур, соҳибини маънавий кўрликдан тўғри ва ҳақ йўлга ҳидоят қилур. Кўр кўзларини қўрадиган қилади. Жоҳил умрини зулмату қоронгулик ичида ўтказади. Яъни, бефойда умри ҳаётини маънан зулмат ичида яширади.

Нур эса соҳибига паноҳ берадиган улуғ чўққи каби бўлиб, илтижо қилганни ўз ҳимоясига олади. Мусибат ва ҳаёт сўқмоқларида унга қараб юрган, ўзини омон ва саломатликда сезади. Бу нур билан кишилар нажот топарлар, аммо одамлар ундан ғафлатдадирлар. Бу нур Аллоҳ фазлини умид қилишга ҳақлик қилади. Агар руҳинг, яъни жасадинг тупроқ остида қолса ҳам, бу нур фазлидан ноумид бўлишга йўл қўйма. Бу нур гуноҳкор кишиларга тўғри йўлни кўрсатиш билан шафоат қилади. Шунингдек, бу нур Парвардигор итоатига қайтариш, ибодатига мойил қилиш билан ҳам дунёда шафоат қилади.

Бу қүёш нуридек равшандир, шунинг учун бу нур соҳиби рўзи маҳшарда шафоат қилишига шак йўқдир. Осийларни олим қуллар шафоат қилиши ҳақдир. Ҳатто олим қуллар энг қаттиқ азобга мустаҳиқ бўлганларни ҳам шафоат қилишга эришадилар.

Демак, ким бу нурни, яъни илмни эгаллашни қасд қилган экан, барча мақсадларни ният қилибди. Ким уни эгалласа ҳар бир истакларини қўлига киритибди.

Эй ақл соҳиби! Эй зийрак зот! Билсанг бу энг олий мансабдир! Агар сен унинг ҳақиқий соҳиби бўла олсанг, илм қалбингга кирган бўлса, дунёвий обрўю мансаблардан воз кечишинг осонроқ ўтади. Дунё учун ғам емай, ташвишга ботмайсан. Ўз иззатинг билан жамоат орасида яхши мавқеъ эгаси бўласан. Зеро, ривоят қилишларича, аҳли илмларнинг ризқу насибалари доим оқиб туриши учун Аллоҳ таоло ўнта насиба эшикларини жорий қилган экан. Агар битта эшик ёпилса, дарҳол бошқаси, гоҳ бир нечаси баробар очилади.

Мабодо, қўлингдан мол-дунё кетса хасрат дастурхонини ёзма! Дунё неъматлари ёқимли бўлиб ўзига ром этса, ундан кўзингни юм! Зеро, илм Аллоҳ таолонинг бандаларига берган неъматларининг энг хайрлироғи ва афзалидир. Шеър:

Ва фавқа кулли зи илмин алим!²
Аҳли илм ҳурматин этди маълум.
Фиқҳ илми илмлар узра ифтихор,
Соҳиблари ҳеч бўлмаслар хору-зор.

Ҳар қандай илм соҳиби иззат топмоққа лойиқдир. Ҳар қанча фахрланишга муносибдир. Аммо фиқҳ илми ва унинг соҳиби ифтихорга ҳамда иззат икромга кўпроқ лойиқдир.

Ҳақиқатда фиқҳ илми фазилати билан бошқаларидан кўра аълороқдир. Бу худди атторнинг растасида ранго-ранг хушбўй атиrlар бўлса ҳам, мушку анбар олдида уялиб қолгани кабидир. Қанча қушлар ҳам лочин каби баланд учолмаганидек, фиқҳ илми ҳам, лочин ёки мушк каби илмлар ичида ўз салмоғи ва мавқеига эгадир.

Зеро, фиқҳ илми илмларни нафиси ва нозигидир. Сен уни ўрганувчи ва тўпловчиси бўлгин! Илм ўрганиш жараёнида инсон илм ифтихор ва ҳурмати тамойилларини ҳам ўрганади. Шунинг учун сен, билмаганларингни ўрганишга ҳаракат қил!

Билгилки, илмнинг аввали ҳам, охири ҳам унга иқбол қилиш, унга юзланиш биландир.

Баъзи нусхаларда: «Ким илм олса, албатта, илм туфайли ҳосил бўладиган обрў-ҳурматдан маҳрум бўлмайди,— дейилган. Ақлли

киши учун илм ва фикънинг лаззати талаби илмда доимо бўлишига тўлиқ кифоя қиласди.

Дангасалик ва боқимандалик гоҳо оғиз ва тамоқда намни кўплигидан туғилади. Туфук ва балғамнинг меъёридан зиёдалиги киши ички дунёсига салбий таъсир қиласди. Буни камайтириш йўли таомни камроқ тановул қилиш билан бўлади. Бу билан оз бўлсада дангасалик шифоси ҳосил бўлади.

Улуғ донишманлардан ривоят қиласдилар, пайғамбарлар ёки буюк донишмандлардан етмиштаси ёддан кўтарилиш, зеҳнни сустлиги фақат балғамнинг кўплигидан пайдо бўлади,— деб иттифоқ қилганлар.

Кўп балғам кўп сув ичишдан пайдо бўлади, сув ичишга талаб кўп таом ейишдан бўлади. Қотган нон ҳамда майизни ўз сўлаги билан ейиш балғамни кесади ва йўқ қиласди. Аммо майизни кўп ейиш ҳам тўғри эмас. Чунки, сув ичишга эҳтиёж сездиради. Бу яна балғамни кўпайишига сабабдир.

Шунингдек, мисвок балғамни камайтирадиган омиллардан биридир. Мисвок балғамни камайтиради ва ёдда саклаш қобилиятини зиёдалаштиради. Нутқни фасоҳатлик, равон бўлишига ёрдам беради. Зеро, мисвок тутиш муборак суннати саниядир. Шунинг учун, ибодатнинг савобларини зиёда қиласди.

Балғам ва оғиздаги намнинг чораларидан бири қайт қилиб ташлаш ҳисобланади. Яна бир муолажа — тааммул, яъни оз ейишнинг фойда ҳамда ҳикматлари ҳақида ўйлаш бўлади. Зеро, оз тановул қилиш саломатлик ва иффатдир. Покиза ҳам гўзал бўлишдир.

Кўп тановул ўзини ўз қўли билан касалликларга арз қилиш ва иззатидан айрилишдир. Ўз соғлигини, фойда ва иззатини афзал кўриш эса оз емоқда экани аниқ. Шеър:

Ҳар иш меъёрида бўлса, хўб маҳбуб
Тановулнинг меъёри сенга дўсти хуб.
Овқат деб иззатингдан айрилма,
Мақоми жаннатингдан юз қайрилма.
Имон, эътиқод ва солиҳларга бўл оч,
Ўзгалардан шерни кўргандек қоч.
Таом деб ор-номусдан қолгунча,
Азиз ва беҳдир ўлганинг оч.

Кишининг таом деб бадбаҳт бўлиши қандай ору номус, қандай шармандалик экан. Қорин ташвиши, очофатлик билан киши бу дунёда беобрў, охиратда эса бадбаҳт бўлиши қандай ҳам аянчлик, қандай ҳам ёмон экан.

Жаноб пайғамбаримиз саллаллоҳу алайҳи васаллам:

–Уч тоифа бор, Аллоҳ таоло гуноҳи бўлмаса ҳам уларга ғазаб қиласди, раҳматидан бенасиб қиласди,— деб марҳамат этадилар,— Кўп ейдиган, очофат, иккинчи баҳил, хасисни ва учинчи мутакаббирни Аллоҳ муруватидан маҳрум этади.

Демак, бу тоифаларни гуноҳлари бўлмаса ҳам Аллоҳ азоблар экан. Чунки, қорин тўқ бўлса, ибодатга ҳам, яхши амалларга ҳам киши дангаса бўлади. Бу таомнинг шукрини адо этмаслик бўлиб, ғазабни чақиради.

Кўп ейишликни зарарини ҳам ўйлаш зеҳнга ижобий таъсир қиласди. Турли касалликларни олдини олиш, жисмини зўриқтириш, тоқатидан ортиқ ишлатиб чарчатиш, шунингдек, бошқа зиёнларни ўйлаш ҳам зеҳнга фойда берувчи омиллардан ҳисобланади.

Донишмандлар айтадилар:

—Қориннинг доим тўқ бўлиши, овқатга ўч, сертановул бўлиш зийракликни, зеҳнни ва мулоҳаза юритиш қобилиятини кетказади.

Улуғ файласуф Жолинус шундай дейди:

Инсонга анорнинг ҳаммаси фойда, аммо балиқни ҳаммаси заардир. Лекин, озгина балиқ кўп анордан яхшироқдир.

Билгилки, кўп таом ейиш мол-мулкни ўринсиз сарфлаш саналади. Тўқ қоринга яна эҳтиёжсиз ейиш айнан заарнинг ўзиdir. Бу иш кишини охират ҳовлисида уқубатга лойиқ қиласди. Ҳаётда ҳам бундай кишилар инсонлар кўнглида нафрат ва ғазаб ўйғотади.

Кучли, ёғли, фойдали серқувват таомлардан истеъмол қилиш, маълум бир миқдорни белгилаб олиш ва тановул вақтини таъйин қилиб қўйиш таом ейишни камайтирадиган омиллардан саналади. Тановул вақтида аввал иштаҳа очадиган, енгил ҳазм бўладиган таомлардан бошлаш керак.

Зинҳор очлар билан бирга овқатланмаслик керак, чунки шерикни тановули таъсирлик ҳисобланади.

Аммо рўза тутиш, оғир меҳнат, ибодатлар қилиш учун қўпроқ таом ейиши жоиз. Шунингдек, ўзининг қувватини мустаҳкамлаш, соғлигини тиклаш учун ҳам кўп таом ейиши дурустdir.

6- ФАСЛ **ДАРСНИ БОШЛАШ, МИҚДОРИ ВА ТАРТИБЛАРИ ҲАҚИДА**

Устоз, шайхул ислом Бурҳониддин Марғиноний (а.р.) сабоқ бошлашни ҳар вақт чоршанба кунига мувофиқ келтирадар эдилар. Бу тўғрида жаноб Расулуллоҳ саллаллоҳу алайҳи васалламдан бир ҳадиси шарифни ривоят қиласдилар:

—Қай бир амал чоршанба куни бошланган бўлса, у камол топибди.

Бу муборак ҳадисда, ҳафтанинг учинчи куни бошланган амаллар охирига етказилиши билан хосиятли эканини билдирилар. Улуғ устоз, ҳазрати Имом Аъзам Абу Ҳанифа (а.р.) ҳам оммавий равишда шундай қилар, ва бу ҳадиси шарифни жалолатлик устозлари, шайхул ислом Қаввомуддин, ҳазрати Аҳмад ибн Абдурашиддан ривоят қилар эдилар.

Ишончли манбаларга қараганда, шайхул машойих, ҳазрати Юсуф Ҳамадоний а.р. яхши амалларнинг ҳар бирини, албатта чорсанба куни қилар эдилар. Бунинг сабаби шуки, бу нур яратилган кундир. Бу кун кофиirlар шаънига нахс босган кун ҳисобланади. Мўъминларга эса, фазилатлик ва баракотлик кун ҳисобланади.

Имом Аъзам Абу Ҳанифа (а.р.) ҳазратлари сабоқнинг миқдори тўғрисида устозлари, шайхул ислом, буюк имом Умар ибн Абу Бакр аз-Замахшарий (а.р.) ҳазратларидан ҳикоя қиласидилар:

–Сабоқни ёд олишга имкон берадиган, икки мартаба такрор қилиб олиши мумкин бўладиган миқдорда ола бошласа, уни пухта ўзлаштиришга эришади. Демак, сабоқни миқдори ёд олишига етарли, такрорлаб олишига кифояли бўлмоғи керак. Сўнг енгиллик ва юмшоқлик билан даражама–даража зиёда қилиб боради. Ҳатто дарси қанчалик кўп бўлса ҳам, уни ёд олиши ва икки мартаба такрор қилиши мумкин бўлсин,— деб мен ўтган машойихлардан эшигтан эдим», – дейдилар.

Аммо сабоқ кўп дарс олиш билан бошланса, ҳар дарсни ўн мартаба такрорлашга имкон бўлиши керак. Ҳар вақт дарс тайёрлаш аввалида ҳам охирида ҳам ўн мартадан такрорлашга одат қилса, кейинроқ бу яхши одатни катта бир машаққат билан тарк этиши мумкин.

Баъзи машойихлар айтадилар:

–Бир ҳарф сабоқ оласан,
Уни минг такрор қиласан.

Толибнинг фаҳми етадиган, англаб олишига яқин, енгилроқ бўлган сабоқдан бошлаш керак бўлади.

–Агар ўтган машойихларнинг услубларини қўллаб дарс берилса, менимча, энг тўғри йўл ва фойдалироқ бўлур эди,— деган эканлар шайхул ислом, буюк имом, Шарафуддин, аллома, устоз ал-Үқайлий (а.р.) ҳазратлари,— чунки, улар таълимни бошловчига кичик–кичик, кенг ёритилган манбаларни ихтиёр қилганлар. Зоро, бу ёд олишга, тушуниб олишга ҳам енгил ва қулай бўлиб, малол ва оғир келишдан узоқдир.

Дарс ўзлаштириб, пишиқ такрорлагандан кейин, янги сабоқни улаб кетмоғи шартдир. Дарсни узиб қўйишдан сақланиши зарур.

Талаба дафтариға ўзи тушунмайдиган нарсани зинҳор ёзмасин! Чунки, бу толиқиши, кейинроқ эса, эринчоқликтин келтиради. Зеҳнни кетказади ва вақтни зое ўтмоғига сабаб бўлади.

Толиб сабоқ ва такрорлаш вақтида ҳар бир нарсани яхши тушуниб олишга жиддий ҳаракат қилиши керак. Айниқса, устоздан таълим олаётгандан, чуқур ўй билан фикр юритиб, мулоҳаза қилиб билиб олишга тиришиши керак бўлади. Зоро, сабоқ оз бўлиб, уни такрори, тафаккури ва фаҳми кўпайса, у идрок қилинади.

Улуғ донишмандлар айтдилар:

–Икки ҳарфни ёд олиш икки оғир масалани тинглашдан хайрлироқ, икки ҳарфни тушуниб олиш иккита идрок қилишга вазмин келадиган нарсани ёдлашдан кўра хайрлироқдир.

Агар талаба ўз вақтида тушуниб олишга ҳаракат қилмай, сусткашликка йўл қўйса бунга ўрганиб қолади. Натижада оддий ва осон сўзни ҳам тушуна олмайдиган бўлиб қолади. Демак, талаба сабоқни олаётганида уни илғаб олишга, чуқур англаб олишга бепарволик қилмаслиги керак экан. Балки, жидди-жаҳд қилсин.

Аллоҳ таолога дуо қилсин, тазарру-шикасталик билан ялинсин! Зоро, Ҳақ таоло дуо қилганнинг дуосини, сўраганнинг сўраганини ижобат қиласди. Умид қилганни ноумид қўймайди.

Устоз, шайхул ислом, буюк имом, Қаввомуддин ҳазрат Ҳаммод ибн Иброҳим ибн Исмоил ас-Сифорий ал-Ансорий шогирдлари, жалолатли қози Ҳалил ибн Аҳмад Сарахсий (а.р.) ҳазратларига шундай васият қилганлар:

–Илмга хизматинг кўп фойда берувчи хизмат бўлсин! Дарсларга тиришқоқлик, жиддий ёндашиш билан бардавом бўл! Агар бирор фойдани ёдласанг, уни такрор қилгин! Сўнг уни аниқлаб, қайд қилиб қўйгин! Шунда хоҳлаган вақтингда ёдингга олишга имкон яратасан. Қайд қилиб қўйиш билан ҳар қачон бу сабоқга қайта олурсан ва йўқотишдан омон бўласан.

Одат қилгин бирон янги нарсани ўрганмоқни,
Ҳам одат қилгин ўтган дарсни такрорламоқни
Мана шунда илминг бўлур зиёда,
Инсонларга илм билан музокара қил,
Бу йўл билан ҳаёт баҳш этмоқни одат қил,
Мана шунда илминг бўлур зиёда.
Бўлгин орифу-оқил ва лек
Зинҳор бўлма инсонларга ёт!

Яъни, одамлардан узоқ, уларга фойда бермайдиган илмли киши бўлишдан йироқ бўлгин!

Билгинки, илмни яширсанг, сўралган вақтда билганингни билдирамасанг, уни унитасан. Кейин ўзингни илмсиз ва дангаса

ҳолда кўрасан. Қиёмат куни эса, яширган илмингни оғзингга ўтдан юган қилиб солинади. Яна қаттиқ аламли, қизиган олов билан азобланасан.

Толиби илм учун, ўзлаштирган дарсларини пишиқ ва пухта бўлиши учун музокара, мунозара ва илмий баҳслар, яъни муколаманинг аҳамияти каттадир. Инсоф билан, англамаганини билиб учун бўлмоғи муколама қилиши керак. Уни чуқур мулоҳаза билан баҳсларни шошилмасдан олиб бориши талаб қилинади. Шунда жанжал, носоғлом муҳитдан ҳамда бир-бирини ёмон кўриш, ғазабланиш, ўзаро душманликдан сақланилади.

Зеро, баҳсу-мунозара ва музокара машварат, маслаҳатдир. Машваратни эса, фақат тўғри жавобни топиш учун, муаммоларни ҳаққоний, рост йўлда ҳал қилиш учун ўтказилади. Бу инсоф билан, чуқур мулоҳаза юритиш билан ҳосил бўлади, жанжал, адованту-хусумат қилиш билан, бир-бирига ғазаб қилиш, инсофсизлик ва такаббурлик билан асло ҳосил бўлмайди.

Шунинг учун, баҳсу-мунозара ўтказишдан мақсади, бирон кишини мулзам, ҳижолат қилиш, ўч олиш ва шу кабилар бўлса, уни ўтказиш дуруст ҳам, ҳалол ҳам бўлмайди.

Зеро, Умари Одил розияллоҳу анҳудан ривоят қилинишича, саволлар мазмунига кўра уч хил бўлиб, шундан иккитаси соҳибига нажот беради, бошқаси қаттиқ маломатга қолдиради. Нажот берадиган саволларни аввали, бу илмга, билмаганни билишга ташна бўлиб сўраш ва иккинчиси ўзи билади, аммо бошқалар ҳам билишлари учун, билғанларини мустаҳкамлаш учун сўраш соҳибига илм талаб қилишдаги барча фазилатлардан баҳраманд бўлишни насиб этади. Аммо, учинчиси бирорни мулзам қилиш, уялтириш, беобрў қилиш учун, илми баландроқ эканини билдириш ва бошқа шу каби гаразлар билан сўраш соҳибини уқубатга мубтало этар экан.

Аммо ҳақиқатни исботлаш, ёлғон ва қалбаки нарсани фош қилиш бўлса, музокара ўтказиш тўғри ва ҳалол бўлади. Умуман баҳсда, айниқса, илмий мунозараларда ҳийла-найранг қилиш, ёлғон билан ҳақдан чалғитиш зинҳор мумкин эмас. Лекин, баҳс юритаётган киши саркашлик қилиб, ҳақиқатни тан олмаса, ҳақни талаб қилувчи бўлмаса, шундагина жоиз, балки зарур ҳам бўлади.

Муҳаммад ибн Яҳё (а.р.) ҳазратлари бирор мушкил ишга ёки муаммога юзлансалар ва унинг ечимини топа олмасалар, дарҳол машварат ўтказар эдилар.

–Бу масала юзасидан дарҳол мунозара, музокара қилишни ўзимга маъқул кўтар әдим, – дейдилар, – зеро, **ҳар бир илм**

соҳибидан кўра билувчироқ бор, – деб Аллоҳ таоло ўз Каломи мажидида огоҳлантиради.

Ваҳоланки, музокаранинг ва ўзаро фикр алмашишнинг фойдаси ёлғиз такрорлашдан кўра кўп ва афзалроқдир. Чунки, фикр алмашиш, мунозара юритишда сабоқни такрорлаб олиш, баъзи нозик томонларига эътибор бериш, аҳамият қилинмаган ўринлари кўриниб уни эгаллаб олиш мумкин бўлади. Бу билан илм зиёда ва пишиқ бўлади. Шунингдек, билганини тили билан изҳор қилиш, кейинчалик илмий сұхбат ўtkазиш истеъдодини ривожлантириш каби хислатлари ҳам камол топади.

Донишмандларимиз айтибдилар:

–Бир соат фикр алмашиб, музокара ўтказиш бир ой такрордан хайрлироқдир.

Музокаранинг шарти шерикни инсофли, яхши ниятли, хулқу табиати мустақим, тўғри ва соғлом бўлишидир.

Сен қайсар, ҳақни қабул қилмайдиган, иродасиз, хулқи мустақим бўлмаган, мулоҳазаси тез ўзгарадиган, ҳужжатсиз ўз фикрини ғолиб қилиш, тан олдиришга ҳаракат қиласиган кишилар билан баҳс боғламагин! Бундай кишилардан узоқ бўл!

Қозонга яқин юрсанг қораси юқар! – деганларидек, бу ношоиста хислатлар сенга ҳам ўтиши мумкин. Инсон табиати заиф, шикаста ва ўзгарувчан, ҳар томонга мойил бўлувчи бир табиатдир. Шунинг учун ҳам, уни бундайларнинг таъсиридан эҳтиёт қилиш керак.

Ҳазрат Ҳалил бин Аҳмад (а.р.)нинг юқорида зикр этилган сўzlарида ҳам жуда кўп фойдали ўгитлар бор. Илм ўзи улуғ ва гоят мўътабардир. Машойихларимиз айтдилар:

–Ким илмга хизмат қилса, илм унга барчани хизматчи қилиб қўяди.

Ҳақиқатда эса, бу илм шартларидан биридир.

Толиби илмнинг яна бир зарурий вазифаларидан бири, илмнинг нозик, аҳамият талаб ўринларини доим ўйлаб, фикр юритишни одатланишидир. Зоро, мана шунда унга эришиш мумкин бўлади. Шунинг учун ҳам, ўйла эришасан, идрок қиласан! – деганлар.

Аввал ўйла, кейин сўйла, – деганларидек, ҳар вақт гапиришдан олдин унинг оқибатини яхшилаб мулоҳаза қилиш керак бўлади. Токи, гап тўғри ва маъноли бўлсин, гап ўринсиз, бекор ва ҳижолат қиласиган бўлмасин. Жаноб пайғамбаримиз саллаллоҳу алайхи васаллам:

–Узр айтиб, ҳижолат бўлишингга сабаб бўладиган сўзни гапирма! – деб, ҳар бир сўзни эътибор билан гапиришга буюрадилар.

Айтилган сўз эса отилган ўқ, бошқа нарсалар каби қайтариб бўлмайди. Шунинг учун бу хикматларга фақат амал қилинса кифоядир. Фиқҳ олимлари усул китобларида бу қоидани асос ва энг катта аслдир, – дебдилар. У ҳам бўлса, олим сўзини мунозара ва музокаралар ҳамда бошқа вақтларда яхшилаб ўйлаб, ўлчаб-тортиб гапиришлигини зарурлигиdir.

Улуғ донишмандлар: «Ақлнинг асоси ва манбаси гапни событлиги ҳамда уни тафаккур билан айтилмоғидир», – деганлар. «Агар маслаҳат қилувчини ўз туғишиган акангдек қабул қилсанг ва сўзларини жон деб қабул қилиб, унга амал қилсанг, менинг бу сўзларимга ҳам эътибор бер! – деб бир улуғ донишманд кўрсатма берган эканлар:

- Аввало, қаломнинг айтилган вақтига аҳамият бер;
- иккинчидан гапнинг сабабига назар сол;
- учинчи, гапнинг кайфиятига – қай ҳол билан, овознинг баланд-пастлигига, қандай гапирилаётганига;
- тўртинчи, гапнинг узун-қисқалиги, қанчалик маънолар билдираётганига эътибор қилгин;
- бешинчидан гапнинг айтилаётган жойига аҳамият бер! Эй, азиз инсон! Мана шу беш тамойилдан зинҳор ғафлатда қолмагин!»

Араблар ҳам, «ҳар сўзни ўз жойи ва ҳар жойнинг ўз сўзи бор», – деган нақлга кўп эътибор берадилар. Зоро, бу нақлнинг мазмунига яхшилаб қарасангиз, мазкур беш тамойилга қатъий амал қилишга даъват қилинади. Шунда доимо ва ҳамма ҳолатларда фойдаланувчи ва фойда берувчи бўласан.

Жаноб Расулуллоҳ .саллаллоҳу алайҳи вассаллам айтибдурлар:

- Ҳикмат мўъминнинг йўқотган керакли нарсасидир. Уни қаерда топса дарҳол олади, қабул қилади.

Юқоридаги тавсияга асос ўлароқ, бу ҳадиси шариф ўз ҳукми билан имонлик кишини доно сўзларни ахтаришга, пурмаъно мақолларни ишораларига аҳамият изҳор қилмоққа буюриб, бу ишни вазифа қилишга кўрсатма беради.

Машойихлар:

- Неки покиза ва мусаффо бўлса, уни қабул қил! Неки нопок, лойқа, шубҳали экан, уни тарқ эт! – деганлар.

Шайхул ислом, жалолатли имом, устоз Фахриддин Кошоний (а.р.) ҳазратлари ҳикоя қиладилар:

- Ҳазрати Абу Юсуфнинг бир чўриси бор эди. Тақдир тақозоси билан ҳазрат имом Муҳаммаднинг ҳузурларига омонат қилиб топширадилар. Кунларнинг бирида имом Муҳаммад чўридан:

– Сен имом Абу Юсуфдан бирон нарса ёд олганмисан? – деб сўрадилар. Чўри:

- Йўқ, у кишидан ҳеч нарса ёдламадим, лекин ҳазрат:
- Ўлчайдиган асбобнинг оғирлиги соқитдир,— деб, кўп такрор қиласдилар,— деб жавоб берди.

Қарангки, худди шу масала имом Муҳаммадга ечими мушкул масалалардан эди. Бир оғиз сўз билан унинг ечимига эришдилар. Мушкулликлари кўтарилидни.

Бу воқеа шунга далолат қиласдикни, ҳар кимдан илм ҳосил қилишда фойдаланиш мумкин ва ўз ўрнида зарур ҳам экан. Ҳазрати Абу Юсуф (а.р.)дан:

– Бундай имлга қандай ва нима билан етдингиз?— деб сўраганларида, ул зот:

– Истеъфода (фойда талаб этиш)дан ва фойда беришдан зинҳор тўхтамадим, баҳиллик қиласдим,— деб жавоб бердилар.

Ҳазрати ибн Аббос розияллоҳу анху:

– Илмни қандай топдингиз, нима билан эришдингиз?— деб сўраганларида, ҳазрат:

– Чарчамайдиган саволли тил ҳамда эшитганини сақловчи қалб билан,— деб жавоб берганлар.

Мазкур ажиб хислатлар зеҳн, фаҳму фаросатни камол топтиради. Аввалги талабалар:

– Мана бу масала тўғрисида нима дейсиз? Бунга фикрингиз қандай?— каби саволларни кўплаб берганлари учун ҳам толиби илм, яъни илмни талаб қиласувчи деб исмланганлар.

Имом Аъзам Абу Ҳанифа (а.р.) ҳазратлари ҳам баззозлик қиласдиди дўконда кўп мутолаа ва музокара ўтказганлар. Натижада, фикҳ илмининг чўққисига эришдилар. Зеро, бундан илму фикҳнинг таҳсили ва камолга этиши касб-ҳунарни жамлаш билан экани маълум бўлади. Ҳазрати Абу Ҳафс Кабир (а.р.) ҳам косибчилик қиласдилар. Шу билан илмларини такрор ҳам қиласдилар.

Демак, нафақаи аҳли аёл ва бошқалар учун касб қиласи керак бўлса, албатта касб-ҳунар қиласин ва илмини такрорини биргалиқда олиб борсин. Бунда дангасаликка йўл қўймаслиги ҳамда масъулият билан қараб, панжа орасидан қарашдан эҳтиёт бўлиши шартдир. Ваҳоланки, ақли расо киши ҳеч бўлмагандан ўзини нафақа билан таъминлашга ҳамда илмни тарқ этишига узр йўқдир. Чунки, ҳазрати Абу Юсуф (а.р.)дан ҳам кўра фақир ва муҳтожроқ бўлолмаса керак.

Шундай қийинчилик ва эҳтиёжлар кўп бўлса—да, улар ҳазрат Абу Юсуфнинг фикҳу илм таҳсилларига монеълик кўрсата олмади. Аммо кимнинг мол—дунёси бўлса, қимматли вақтини ғанимат билсин ва албатта, илм билан шуғуллансан, унинг йўлида молу мулкини сарф қиласин! Сарвари Коинот саллаллоҳу алайҳи васаллам:

—Солиҳ кишига қандай ҳам яхши салоҳиятлик мол-дунё берилди (Молу мулкни ўз жойига етказувчи киши қандай солиҳ, моли ҳам қандай ҳалол экан),— деб, молу дунёсини хайрли ўринларга харажат қиласидиган кишига улуғ фазилатлар борлигини ишора қиласидилар. Бир улуғ аҳли илмдан:

—Сиз илмга қандай, нима билан эришдингиз?— деб сўраганларида, олим:

—Бой отанинг моли билан,— деган эканлар. Чунки, ҳар доим сахийлар —оталар, онахон ва акалар илтифотларидан аҳли илмлар, аҳли фазллар фойдаланадилар. Мол-давлат ҳам илмни зиёда, баракали бўлишига ҳамда заволга кетмаслигига сабаб бўлади.

Бу беназир ақл ва улуғ илм неъматларининг шукронаси, ҳаққининг риояси ҳисобланади. Шукrona барча нарсанинг баракали ва зиёда бўлмоғининг асоси экани сир эмас. Улуғлар ҳазрати имом Аъзам Абу Ҳанифа розияллоҳу анҳудан нақл қиласидилар, ҳазрат:

—Фақатгина ҳамду сано ва шукр билан илму фазилатга эришдим. ҳар вақт бирон фикҳий масалани фаҳмласам, бирон ҳикматни билсам, «Алҳамду лиллаҳ» деб, Аллоҳга шукр қиласар эдим. Шу сабаб Аллоҳ илмимни зиёда ва пишиқ қилди,— деб айтганлар.

Талаба тили, дили ва аъзолари билан миннатдорлик ва шукр изҳорини касб қиласидилар. Бунда мол-дунё билан шукр қиласидилар. Бунда мол-дунё билан шукр қиласидилар. Бунда мол-дунё билан шукр қиласидилар. Ҳақ таоло ваъдасига биноан уларни ҳидоятга бошлаб, залолат ва хатога кетишдан ҳифзу ҳимоятига олди. Адашганлар, аҳли залолатлар эса ақлларига қойил қолдилар, ундан ажабландилар ва барча нарсани ақл ва фикр тарозусига соладиган бўлдилар. Бу ҳақиқатни маҳлукдан талаб қилишдир. Улар ожиз ва саёз ақл, камол топмаган фикр билан илмга эришмоқчи бўлдилар.

Ваҳоланки, ақл барча нарсани, масалан, кўзден идрок қила олмайди ва кўз кўрган нарсаларни эса ақл билан олиш мумкин бўлмайди. Натижада, ҳақиқатдан тўсилдилар, ҳижобга ўралдилар. Ожиз ва нотовон бўлдилар, ўзлари адашдилар ва бошқаларни ҳам адаштирдилар, йўлдан оздирдилар.

Жаноб пайғамбаримиз Мұхаммад Мустафо саллаллоҳу алайхи васаллам огоҳликка даъват этиб, шундай деганлар:

—Ким ғафлат билан амал қилса, у ғофил инсондир. Оқил ўз ақли билан амал қилған, яъни нимага, кимга қилаётганини, ўзини мавқенини билған ҳамда ўзини ожиз ва доим раббисига муҳтожлигини билған кишидир.

Ушбу муборак ҳадисни бир оз ўйлаб қўрилса, жанобимиз ақлни фақат яхшилик, яъни Аллоҳни таниш, шариат аҳкомларини билишга қаратилиши кераклигига ишора қилғанлари топилади. Яна бир ҳадиси шарифда:

—Ким нафсини билса, ўзлигини таниса, у Парвардигорини танибди, — деб марҳамат қилғанлар. ҳар ким ўзига «Нима эдим? Энди нима бўлдим? Кейин нима бўламан?»— деб савол бериб борса, руҳини камол топишига йўл кўрсатган бўлади. Шундан, устоз ва бошқа аҳли илмлар ҳамда ўз жойини топиши зарур экан.

Ривоят қилишларича, ҳазрати Али (каррамаллоҳу важҳаҳул карим) халифалик даврларида катта жамоат ичида бир масалани ечиб берган эканлар. Шунда бир араб ўз одатларига кўра, ҳазрати Алини мақтаб, наслу насабларини ифтихор билан тилга олди. Ҳазрати Али бу муҳтарам зотни мақтовдан тўхтатиб:

—Азизим! Сиз мени аввалимни ва охиримни биласизми? Нимани бунчалик мақтаётганингизни биласизми?— деб сўрадилар. Ҳалиги киши жавобга қийналиб қолди. Шунда ҳазрати Али ўзлари жавоб бердилар:

—Менинг аввалим, бадан ёки бирон жойга тегса бенамоз қиладиган, нутфа, оби манийдир. Охирим эса, сассиқ, чирик, қурт-қумурсқалар еб битказадиган жийфа, ўлимтиқдир. Бунинг орасида эса, бу жасад аҳлат ташувчи ҳаммолдир. Мана менинг бор ҳақиқатим, сен эса нималар деяпсан?!

Улуғларнинг камтарлигига тан берайлик, ўрнак олайлик! Токи, Аллоҳим бизга ҳам охиратда булар билан бирга бўлишни насиб этсин. Имом Газзолий (а.р.) «Юсуф (а.с.)» сурасининг тафсирида ҳазрати Юсуф ва Зулайҳо ўртасида кечган ушбу воқеани ёд этганлар:

Зулайҳо муҳаббатини, ҳазрати Юсуфни жуда-жуда ёқтиришини изҳор қиласди. Юсуф ҳазратлари уни ҳар қанча қайтарсалар ҳам, Зулайҳо:

—Менга сенинг сўзларинг, гўзаллигинг, умуман борлигинг, сенинг муаттар ҳидларинг ёқади,— деб ҳоли жонига қўймайди.

Мана шунда ҳазрати Юсуф унинг ҳар бир яхши кўраман, деган сўзларига жавоб қилиб:

—Агар менинг ҳақиқий ҳидимни билмоқчи бўлсанг, уч кундан кейин қабримга кир. Мана шу менинг ҳақиқий ҳидим бўлади, деб айтган эканлар.

Албатта, бу тўғрида фикр юритиб, кибру ҳавога юзланувчи нафсимизни ўлдиришга ҳаракат қилайлик. Еб-ичиб, Худони ҳаёт деган неъматидан баҳра олиб, уни шукрини қила олаяпмизми, таҳсили илм ва ибодатларимиз бунга кифоями? Муносиб жавоб топиш, иншаааллоҳ, ўз ихтиёrimизда.

Агар ақл расо бўлса, инсон ўз нафсини билса, Аллоҳ таолонинг қудратини, улуғлигини билади. Аллоҳни танийди. Шундай экан, у асло ожиз ва нотавон нафсига, айниқса, ақлига суюнмайди. Балки, ишларини Аллоҳнинг ўзига таваккул қиласи, ўзини ҳам Яратгани даргоҳига топширади. Аллоҳ таоло ўз қаломи мажидида:

Ким Аллоҳга таваккул, топширса, яъни унга ишларини тафвиз қиласа, Аллоҳнинг ўзи унга кифоядир. Мақсадларини зиёдаси билан беради, – деб ваъда қилган.

Эй, инсон! Аллоҳ мол-дунё билан сийлаган бўлса, ўз ҳурматингни поймол қилиб, баҳиллик қилма! Молингни яхши жойларга ишлатишдан қизганиб ўтирма! Талаба баҳилликдан, қизганчиқликдан сақланмоғи ва паноҳ тиламоғи керак бўлади.

Жаноб пайғамбаримиз саллаллоҳу алайҳи васаллам: «Бахилликдан кўра оғирроқ қайси дард бор экан», – деб баҳилликдан қатъий сақланиш кераклигини огоҳлантирадилар.

Шайхул ислом, буюк имом, шамсул аимма ҳазрати Ҳалвоний (а.р.)нинг падари бузрукворлари фақир, камбағал киши бўлган эканлар. Ҳар доим ҳолва сотиб олиб, аҳли илмларга улашар эканлар ва: «Боламнинг ҳаққига дуо қилинглар», – дер эканлар. Мехрибон отанинг шу арзимас эҳсони баракотидан ҳамда эътиқод, ихлосининг мустаҳкамлиги, мушфиқлик ва шикасталик билан қилган илтижоларининг шарофати билан, фарзандлари мана шундай улуғ мақомларга эришдилар.

Мол-мулк ва пулларга китоб сотиб олиш ва илм учун зарур бўлган анжомларга сарфлаш керак. Агар китобларини кўриб ёзиб борса, ўз илмига мислсиз ёрдам қилган бўлади. ҳазрати Мухаммад ибн Ҳасаннинг кўп моли бор эди, бу молларининг ҳисобига ва бошқа ишларга уч юз кишини вакил қилиб олган эди. Ҳамма молларини илм ва фиқҳ йўлида инфоқ қилди, ҳатто ўзи учун бир дона бўлса ҳам чиройли, нафис ва қийматбаҳо кийим қолмади. ҳазрати Абу Юсуф (а.р.) у кишини бу ҳолда кўриб, яхши кийим ҳадя қилдилар. Лекин ҳазрати ибн Ҳасан қабул қилмадилар.

–Нақди сизга, насияси бизга, – дедилар. Яъни, билганига амал қилиб, ҳазрат ибн Ҳасан, бу иш билан охират, Аллоҳнинг розилигини хоҳлаганларини изҳор қилдилар. Зоро, қабул қилмаганинг сабаби, ҳадя олиш суннат бўлса ҳам, бу иш билан

ўзларини хорлашдан қочиш эди. Жаноб пайғамбаримиз саллаллоҳу алайҳи васаллам:

–Мўъмин киши зинҳор ўзини хор ва залил қилмас,— дедилар.

Ҳикоя қилишларича, шайхул ислом, фахрул ислом Арсобандий а.р. ҳазратлари ташлаб юборилган қовун ва тарвуз пўчоқларини тўплаб, холий жойда ювиб, тозалаб ер эдилар. Кунларнинг бирида бир чўри бу зотнинг ишларини кўриб қолди ва хожаларига гапириб берди. Шунда ҳалиги хожа уйида атайлаб хайру эҳсон уюштирди ва у кишини келишини илтимос қилди. Лекин чақириқни қабул қилмадилар. Толиб ҳам мана шундай иродалик, олийҳимматли бўлмоғи ва бироннинг молу дунёсига тамаъ назари билан қарашдан сақланиши шарт бўлади. Пайғамбаримиз Муҳаммад саллаллоҳу алайҳи васаллам:

–Эй умматларим! Тамаъ қилишдан сақланинглар! Чунки у фақирлик келтиради ва муҳтоҷликларни одам боласининг бошига ҳозирлаб қўяди,— деб тамаъдан қайтарадилар. Бир байтларида Сўфий Аллоҳёр (а.р.) буни шундай ифодалаганлар:

Бу меҳнат бирла тобсанг парчаи нон,
Кишини миннатидан улдир осон.
Тамаъ нонига лаб очгунча ўл оч!
Тамаъ бўйи кўринмай бўйидан қоч!

Сўфий Аллоҳёр ҳазратларини Аллоҳ ўз раҳмату мағфиратига, жаннатининг энг олий мартабаларига муносиб кўрсинг, қандай ҳам лўнда, содда тил билан шариат аҳкомлари, динимиз мақсадларини комил ифодаладилар.

Тамагирликнинг азобини қиёмат куни тортгунча, шу дунёда қийналишни афзаллигини ишора қилсалар, яна бошқа жиҳатдан маҳлуққа тамаъ қилиш оқибати, ҳар икки оламда хорлик ва хўрлик эканини ҳам билдирияптилар. Кейинги байтда чиройли сўз ўйинини ишлатиб, байт маъноларини янада кучайтирдилар. Байтда зикр қилинган биринчи «бўй»дан мурод бўйи, узунлиги, кўриниши ва иккинчи «бўй»дан эса ҳид, шабодаси маънолари тушунилади. Бу маънолар эса, тамаъдан мутлақо қочиш кераклигини муболага йўли билан ифодалайди.

Юқорида әслатиб ўтганимиздек, толиб моли ва бойлигини баҳиллик қилиб қизғанмасдан, ўзи ва бошқаларга керакли миқдорда инфоқ қилиб туриши зарурдир. Жаноб Рисолатпаноҳ саллаллоҳу алайҳи васаллам чуқур ҳикмат билан:

–Барча инсонлар фақирликдан қўрқсалар ҳам, фақирлиқдадирлар,— деб айтганлар. Чунки, муҳтоҷликдан қўрқиш

ожизликдир, бу маънода ожиз бўлиш эса, инсонни фақирикка етаклайди.

Аввалги вақтларда илм ўрганишга келган толибни олдин касб-ҳунар ўрганишга, пишиқ эгаллашга буюриларди. Касб-ҳунарни яхшилаб ўрганиб, кейин илм ўрганишга қўйилар эди. Шунда толиб тамагирликдан холий бўлар, одамларнинг қўлидаги молу бойликларига умидвор бўлишдан тийилар эди. Одамларни қўлидаги молларига қараб қолган киши, тана қилган, албатта, ўзини фақир қиласди,— деб ҳикматларда баён қилинганди.

Аммо олим киши тамагир бўлиб қолса, унда на илмнинг ва на шариатнинг ҳурмати қолади. Тамаъ орқасидан ҳамма нарсани поймол қиласди ва мол-мулк ундириш учун ҳақиқатни гапирмайди, балки шариат ҳукмларини нотўғри талқин қилиб, уни дунё топиш учун касб қилиб олади. Мана шунинг учун, соҳиби шариат жанобимиз саллаллоҳу алайҳи вассаллам тамадан паноҳ тилаганлар:

—Парвардигоро! Инсонни пасткашлик ва разиллик, қабоҳатларга яқинлаштирувчи ва унга гирифтор қилувчи тамаъдан паноҳ сўрайман!— деб дуо қилиб, умматларга ҳам бу ҳақда таълим берганлар.

Демак, имонли киши ёлҳиз Аллоҳдан умид қилмоғи, фақат Ўзига умид қилмоғи керак экан. Яна Аллоҳдан қўрқув, хавфда бўлиши зарур. Бу, шариат чегарасида мустаҳкам туриши билан билинади, агар чегарадан ўтса, унда Худодан қўрқмаган бўлади. Яъни, бирорнинг фикри билан гуноҳга қадам қўйса, хавфини йўқлиги исбот бўлади. Шунинг учун ҳам, агар Худодан қўрқиб унга осий бўлмаса, махлуқига итоат қилмаса, Худонинг ҳудудидан чиқмаса, у Аллоҳдан қўрқсан бўлади. Умид қилишда ҳам, мана шундай йўл тутиш керакдир.

Талаба сабоқнинг маълум миқдорини белгилаб олиб, уни такрор қилишга одатланиши керак. Шундай қилса, қалби бу одатга қарор топиб, ўйлаган мақсадига етишади. Такрорни ушбу тартибда амалга ошириш маъқул бўлади:

- кечаги сабоқни беш марта;
- ўтган кунги сабоқни тўрт марта;
- ўтган кундан аввалги кун сабоқини уч марта;
- уч кун олдин олган сабоқини икки марта;
- тўрт кун олдин олган сабогини эса бир марта такрор қилиши мақсад сари олиб боради. Мана шу одати такрорлашга ҳам, ёдда сақлашга ҳам мос ва енгилроқдир.

Толиб такрор ва ёдлашларини бўшашиб, паст овоз билан ва мажолсиз қилмаслиги керак, бунга одатланмаслиги жуда лозим. Дарсни ва такрорни ғайрату-қувват, тетиклик билан, зийрак бўлиб

қилиши шартдир. Лекин ўзини қийнаб, зўрлаб баланд овоз билан ҳам қилмасин! Чунки, ўзини қийнаб қўйса, тетиклиги ҳам бўшашиб, кейинчалик такрордан безиб кетади. Кейин такрорни тўхтатиб қўяди. Зеро, жаноб Расууллоҳ саллаллоҳу алайҳи вассаллам:

—Амалларнинг хайрлиси ўртачасидир,— деб айтганлар. Ҳикоя қилишларича, ҳазрати Абу Юсуф (а.р.) доимо шундай қувват ва зийраклик билан музокара ўтказардилар. Бу зотнинг куёвлари куч-қувват, тетик ва ҳушёргилигидан ҳайратланар эдилар.

— Мен бу зотни беш кундан бери туз тотмаганини яхши биламан, у киши оч, аммо бундай қувватларига мен зўр таажжубдаман,— дер эдилар.

Толиб бўш қолиш, дангасалик ва заифликдан сақланиши керак. Чунки, буларнинг барчаси илм оғатидандир. Шайхул ислом, устоз Бурҳониддин Маргиноний (а.р.) ҳазратлари:

—Мен илм таҳсил қилиш давримда шерикларимдан кўра пешқадам эдим. Чунки, ўзимга ҳеч бўш вақт ажратмадим, сусткашлиқ ва дангасалиқдан узоқ бўлдим,— деганлар.

Шунингдек, шайхул ислом, ҳазрат Имбижобий (а.р.) ҳикоя қиласидилар:

— Илм таҳсил қилиш ва ўрганиш давримда ўн икки йил бирон бир муддат фориғлик ва ҳам дангасалик менга рўй бермади. Мол-мулк кифоялиги учун ҳам, шеригим билан чиқиб, мунозара ва музокара қиласидилар эдик. Узлуксиз ҳар куни мунозарага ўтирад эдик ва бу тинмай ўн икки йил давом этди. Натижада шеригим шайхул ислом мартабасига муносиб бўлди ва у зот имом Шофиъий эдилар.

Шайхул ислом, устоз Фахриддин Қозихон (а.р.) ҳазратлари талабаларига шундай кўрсатма берар эканлар:

—Агар фиқҳ китобларидан биттасини яхшилаб ёдлаб олсанг, бошқа фиқҳий масалаларни ҳифз, зеҳнингда сақлаб қолишинг осонроқ кечади.

7- ФАСЛ ТАВАККУЛ ҚИЛИШ ТЎҒРИСИДА

Таваккул қилиш барча иш, фикридан ўтган нарсаларни Аллоҳга топшириш, тафвиз қилишдир. Дунё ишлари, ризқ-насибасига ғам-ташвиш чекмаслик ва бу ҳақда хафа бўлиб юрмаслиқдир. Балки, қалбини булардан ҳолий қилиб, илм билан ва шу каби заруратлар билан шуғулланишини талаб қила боради. Шубҳасиз, таваккал қилиш талабанинг асосий вазифаси бўлиши керак.

Ҳазрати имом Аъзам Абу Ҳанифа розияллоҳу анху жаноб Расууллоҳ саллаллоҳу алайҳи вассалламнинг соҳибларидан ривоят қиласидилар:

– Ким Аллоҳ динининг илмини ўрганса, Аллоҳ уни ризқи ва дунё ҳожатларига кифоя бўлади. Насибасини ўйламаган жойлардан етказиб қўяди.

Таваккул қила олиш инсонга улуғ баҳт-саодатdir. Агар талаба кўнглини ризқи ва кийим, дунё матоларига машғул қилса илмга кам вақт қолади. Натижада илм ва гўзал хулқу одоблардан бебаҳра бўлиб қолади. Энг асосий мақсади илм талаб қилишдан узоклашади. Донишмандлардан бири шундай деганлар:

– Гўзалликни ўзингга чақир ва гўзал ҳулқлар даъватини қабул қил! Зинҳор боғийлик³ карвонига минма! Беадаблик ва барча ҳунук ишларни тарк қил! Ҳар вақт ва жойда ўзингни ҳамма маънода тўқ кўрсатгин! Қорни тўқ, кийими бутун ҳолда юр! Бош кийимга аҳамият бер!

Салла бош кийимлар тожи ва улуғидир. У жаноб саллаллоҳу алайҳи васалламнинг муборак суннати саниялариdir. Аллоҳ динининг шиоридандир.

Аммо таом тановул қилишда, ибодатда, сабоқ ўқиётганда, уйқуга ётганда ва ҳожатхонага кирганда, албатта, бош кийимда бўлгин!

Бир киши ҳазрати Ҳусайн ибн Мансур ал-Ҳаллож (а.р.)га:

– Ҳазрат менга насиҳат қилсангиз! – деб мурожаат қилди. Шунда ҳазрат:

– Ўз нафсингга ишлов бер, уни яхшилаб тайёрла! Уни машғул қилиб қўй! Агар нафсингни машғул қилмасанг, у сени ўзи билан машғул қилиб қўяди, – деб насиҳат қилдилар.

Демак, ҳар бир инсон ўз нафси билан шуғулланиши керак экан, хайрли амалларни қилишга жалб этиши зарурдир. Токи нафсу ҳавосини розилигига қараб қолмасин! Шайтони лаъиннинг инсонни чалғитадиган, осий қиладиган энг биринчи қуроли нафсdir. Оқил инсон дунёга ва дунё ташвишларига аҳамият ва эҳтимом бермайди. Чунки, дунё матолари учун ғамга тушиш, хафа бўлиш ва надомат чекиш ақлли кишига лойик эмас. Балки, буларнинг ҳаммаси мусибатни қайтармаган, фойда ҳам бермаган. Инсон қалби, асабларига заар ва зиён келтирган. Шунингдек, солиҳ амалларга, яхшиликларга халал беради. Ақли расо киши охират ишларига аҳамият беради.

Пайғамбаримиз Мұхаммад саллаллоҳу алайҳи васаллам:

– Инсоннинг баъзи гуноҳлари борки, уларга фақат дунё тирикчилигини ўtkазиш учун чекилган қайғу ва ҳалол меҳнат каффорат бўлади, – деганлар.

Бу, дунё ишларига ҳам керак миқдорда аҳамият қаратиш зарурлиги ҳамда бу ишларга чуқур кетиб қолишдан эҳтиёт бўлишни билдиради. Ҳадиси шарифдаги дунёвий ғам ва безовталиқдан

мурод, амали солиҳларга, хайрли ишларга халал бермайдиган, қалбни машғул қилмайдиган миқдорда бўлишидир. Намоз ва бошқа ибодатлардан чалғитадиган, кўнгилни ўраб оладиган даражада бўлмаслиги лозимдир. Толиб қудрати етганча дунё матоларига бўладиган алоқасини камайтириши шартdir.

Шундай қилиб, улуғ зотлар бу йўл орқали Аллоҳга яқинликни ўзларига ихтиёр қилганлар. Узоқ юртларда таҳсили илм қилганлар. Илм талабида сафарга чиққанларида, барча мاشаққат, беморлик, муҳтоҷликларни таҳаммул қилганлар, сабр–матонат кўрсатганлар.

Аллоҳ таоло Қуръони каримда ҳазрати Мусо (а.с.) тилидан ҳазрат Хизр (а.с.) билан қилган илм сафарлари ҳақида шундай хабар қилади:

Бу сафаримизда кўп мاشаққатлар ва қаттиқликларга учрадик.

Ҳазрат Мусо кўп сафарларга чиққанлар, аммо фақат илм сафаридагина мешаққатлар тортдим,— дейишлари, илм учун сафар ҳар вақт қийинчиликлар билан эканига ишорадир. Чунки, илм талаб қилиш энг улуғ амрdir. Олимлар наздида энг афзал икки олам озуқасидир. Ажру мукофот эса чекилган мешаққат, оғирликларга қаноатнинг миқдорига қараб бўлади. Ким сабр қилса, барча лаззатлар устидан баланд келадиган мумтоз ва мислсиз баҳрамандликка эга бўлади. Шундан бўлса керак, ҳазрат Муҳаммад ибн Ҳасан (а.р.) ҳар вақт кечани бедорликда ўтказсалар, мушкулликлари ҳал бўларди. Шунда:

—Мол–давлат лаззати қаёқда–ю, бу лаззат қаёқда,— дер эдилар.

Талаба бўлгандан кейин, илмдан бошқа нарса билан шуғулланмаслиги керак. Зинҳор фикҳдан ҳамда бирор масала ечимидан юз ўғирмаслиги зарурдир. Имом Муҳаммад (а.р.) ҳазратлари:

Бизнинг бу ишимиз бешикдан лаҳадгачадир. Ким уни, бир соат тарқ этишни хоҳласа, уни қиёмат тарқ айласин!— деб, қатъиян илмга машғул бўлишга даъват этганлар.

Имом Абу Юсуфнинг охирги дамларида шогирдларидан бири, зиёрат қилгани кирди. Имом Абу Юсуф ўзи билан ўзи бўлган ҳолда эдилар. Шунда шогирдидан:

—Ҳожилар тошни уловга минган ҳолда отганлари афзалми ёки пиёда отганларими?— деб сўрадилар. Шогирд жавобни билмагач, ўзлари жавоб бериб:

—Пиёда отгани менга маҳбуброқдир,— деб айтганлар.

Улуғ зотларнинг ҳаёти қандай чуқур ўгит ва ҳаётга иршод экан. Шу зотлардек ҳаётда ўрин топишни бизларга ҳам Тангри таало насиб этсин!

Фақиҳман, олимман деганлар мана шундай умр ўтказсалар, илм ва меҳнатлари лаззатини топадилар. Ривоят қилишларича, ҳазрати Муҳаммад ибн Ҳасаннинг вафотидан кейин бир солиҳ инсон тушида кўрган экан:

–Ул зот бир қанча улуғлар даврасида сұхбат қуриб ўтирад әди.
Шунда ундан:

–Жон топширап вақтда қандай ҳолда эдингиз? – деб сўрадилар.
–Мен мукотиб ҳақидаги масаланинг ечимини ўйлаб турган эдим, жоним чиқиб кетганини билмай қолибман! – деб жавоб бердилар.

Баъзилар ул зот:

–Бу улуғ кунга ҳозирлик кўришдан мукотибнинг масаласи чалғитиб қўйибди, – деган жавобни айтганлар, деб келтирадилар. Асли бу жавоблар ҳазрат Муҳаммаднинг камоли одоб ва камтарликлари экани ақли расогагина маълумдир.

8- ФАСЛ ТАҲСИЛ ВАҚТИ ҲАҚИДА

Ҳадиси шарифлар мазмунини фикр қилиб, улуғларимиз илм ва касбни таҳсилини вақти бешикдан лаҳадгачадир, деб белгилаганлар. Демак, инсон умри борича ўрганиш, ҳаракат қилишдан тўхтамаслиги керак. Ҳазрат Ҳасан ибн Зиёд (а.р.) ёшлари саксонларга борганда илм олишга, фиқҳни ўрганишга киришган эканлар. Шундан сўнг қирқ йил ёнбошлари кўрпача кўрмади. Қирқ йилдан кейин фатво бера бошлаган эканлар. Сўфий Аллоҳёрнинг ушбу байтларининг мазмуни эътиборга моликдир:

Агар нафсинг сани етмиш бошингдин,
На бўлгай фойда етмиш ёшингдан.
Агар нафсинг муродин изламасанг,
Агар саксанга умринг етса саксан.

Касб ва илм олишнинг энг фазилатли вақти аввало ёшлик даври ҳисобланади. Саҳар вақти, ҳуфтон ва шом намозларини орасидаги вақт ҳам яхши вақтлардан ҳисобланади.

Толиб таҳсил меҳнатига ўзини ғарқ қилмоғи керак, бирор илмни ўқиш малол келса ёки зерикса, бошқа илм билан шуғуллансин. Бошқа фойдали нарсага ўзини жалб қилсин.

Ҳазрати Муҳаммад ибн Ҳасан кечалари ухламасдилар. Атрофларига китоб ва дафтарларини қўйиб олардилар. Биридан зериксалар бошқасини олардилар ва ёнларида доим сув турар әди. Юзларини ювиб, уйқуни кетказар әдилар.

– Уйқу иссиқлиқдан келади, – дер әдилар.

Ҳазрат ибн Аббос розияллоҳу анҳу ҳам гапиришдан зериксалар ёки чарчасалар:

– «Шеърлар девони»ни келтиринглар, – деб буюрардилар.

9- ФАСЛ *НАСИХАТ ВА МЕХРУШАФҚАТ ТҮГРИСИДА*

Соҳиби илм шафқатли, меҳрибон ва насиҳатгўй бўлиши керакдир. Зинҳор ҳасадгўй ва bemexр, бағритош бўлмаслиги керак. Чунки, бағритошлиқ, ҳasad каби хислатлар соҳибига ҳеч қачон фойда бермаган, кичикми, каттами заرار, заҳмат бериши бировга сир эмас. Шайхул ислом, устоз, ҳазрат Бурҳониддин Марғиноний (а.р.):

– Муаллимнинг фарзанди албатта олим бўлади, – дер эканлар. Чунки, ҳар бир устоз, муаллим шогирдларини осмон остининг ҳамма жиҳатларида олим бўлиб етилишларини орзу қиласди. Шу эзгу ниятнинг баракаси билан, ишончининг мустаҳкамлиги ва шафқату марҳаматининг юксаклиги билан Аллоҳ ўз фазли билан фарзандини олим қилиб етиширади.

Ҳазрати Абу Бакр (а.р.) ҳикоя қиласди, ҳазрати Садрул Ажалл бурҳонул аимма (а.р.) ўғиллари Садри Шаҳид Ҳисомиддин ҳамда Садри Саъид Тожиддинлар учун сабоқ олиш вақтини катта чоштгоҳ вақтида ажратган эканлар. Кун исиб, чоштгоҳ бўлганда, фарзандларига сабоқ беришга киришар эканлар. Ўғиллари эса:

– Бу вақтда биз чарчаб қолардик. Падаримизга бу вақтда чарчаб қолаётганимизни ва кун исиганда дарс ўқиш малол келаётганини айтганимизда, падари бузрукворимиз:

– Мана бу ғариб ва мусофиirlар улуғ–улуғ инсонларнинг фарзандлариidir. Мендан илм ўрганиш учун қанча машаққат чекиб, узоқ юртлардан келганлар, шунинг учун сабоқларини олдин беришим зарур, – дер эдилар, – деб ёд этадилар.

Мана шу шафқатларининг баракоти билан, ҳар иккала ўғиллари ўз замонасининг етуқ илм аҳлларидан бўлдилар.

Толибга бирор киши билан аразлашиш ва душманлик, ғаразгўйлик қилиши мумкин эмас. Чунки, бу ишлар инсон умрини зое кетказадиган ишлардан саналади. Аҳли донишлар:

– Мұҳсин – яхшилик қилувчи, эзгу ниятли инсон ўз яхшилиги билан тезда мукофот топади. Аммо ёмонлик, гуноҳ қилувчи эса, унга ўзининг ёмонлиги тезда кифоя бўлади, – деганлар.

Ёмонлик гуноҳларининг касофати ўзига уриб, қаттиқ зарар кўради. Имом, Хоҳарзода номи билан машҳур, шайхул ислом, буюк имом, зоҳид, ориф, Рукнул ислом, ҳазрати Мұҳаммад ибн Абу Бакр (а.р.) тариқат сultonи, буюк шайхул ислом Юсуф Ҳамадоний ҳазратларидан шеърни ёд олган эканлар:

Улки, заар шевасини тавр этар,

Элга демаким, ўзига жавр этар.

Улки, ушатур босибон шишани,

Қилмас оёқ заҳмидин андешани.

Кимки, фалак сори отар тошини,

Тош ила озурда қилур бошини.

Ёмонлик ва гуноҳ қилган кишини ўз ҳолига қўй, унга жазо берма!

Чунки, ёмонлиги ўзига ҳам, ёмонлигидан пайдо бўладиган нарсаларга ҳам кифоя бўлур. Яъни балою–касофатига ўзи қолар.

Яна дебдиларки: «Ким душманининг бурни ерга ишқаланишини, мазкур шеърни такрор қиласин! Маъносини чақсин!»

Яна дебдиларки, агар душманингни шарманда бўлишини, уни ғам–ғусса билан ўлдиришни, ёндиришни хоҳласанг, ҳамда олий мартабаларни орзу қилсанг илмингни зиёда қил! Чунки, кимнинг илми зиёда бўлса, билганига амал қиласа душманлари кўпаяди, ғам–ташвишлари ҳам ортади. Айтибдиларки, ўз нафсингни тарбияси билан шуғуллангинг, унинг фойдалик жиҳатларини ривожлантиргин! Зинҳор душманингга қаҳр қилиш билан амалга оширма! Зеро, ўз тарбиянг билан шуғулланишинг, чиройли қирраларингни намойиш қила боришинг, душману ҳасадгўйларинг устидан қаҳр қилишингга, уларга ғолиб келишингга замин бўлади. Хотиржам юрасан, улар эса ўз ёғларига қовурилиб юраверадилар.

Душманликдан сақлан! Чунки, асабларингни бўшашиши ва вақтингни зое кетишига сабаб бўлади. Сабру қаноатни ва матонатни лозим тут! Бу улуғ сифатларни ҳавою сувдек хулқингга сингдир!

Айниқса, аҳмоқларнинг ишларига сабр қилишни одат қил! Ҳазрати Исо ибн Марям (а.с.):

–Ўнта яхшиликка эришиш учун, битта аҳмоқнинг зиён ва заҳматларига сабр қилинглар,— деганлар.

Доно халқимиз: «Жиннини «жинни» десанг, арпа бўйи қўшилади»,— деб, аҳмоқ ва нодон кишилар билан қандай муносабатда бўлишни билдирганлар. Шеър:

Кимки ўзи айлади ёлғон сўзин,

Кизб дер эл, чин деса, қолған сўзин.

Ким эгри эса тузлук эмас пояси ҳам,

Бори ўзидек эгри суду сармояси ҳам.

Ҳар кимгаки эгриликка овозадур,

Туз жода ичра йўлидин озадур.

Норостқа кўп ўёт эрур тузлукдин,

Лек эр кишиига нажот эрур тузлукдин.

Асрлар ортидан асрлар ўтар, инсонлар эса ҳар вақтларда турли оғат ва балолар билан имтиҳон қилинадилар. Аммо ёлғончидан кўра оғатлироғини кўрмадим. Ёлғон ишлатиб баҳт ва омадини, тинчлигини кўпроқ йўқотган кишини кўрмадим. Бир-бирини ёмон кўриш, душманликдан кўра оғирроқ бошқа нарса, зинҳор кўрмадим. Барча нарсанинг аччиқлигини тотдим, лекин тиланчилиқдан ҳам кўра аччиўроғини кўрмадим.

Мўъмин киши ҳақида ёмон гумон қилишдан қатъий сақлан! Чунки, гумон душманликнинг манбаидир. Душманлик эса мўъминга ҳалол эмас. Жаноб пайғамбаримиз саллаллоҳу алайҳи васаллам:

–Мўъминлар ҳақида фақат хайрли ўйланглар, яхшиликка йўйиб Фикр билдиринглар,— деб амр қилганлар.

Ёмон ўйлаш киши нияти бузуқлиги ва феъл-авторини ёмонлиги, хулқу одоб кўрмаганлигини билдиради. Буни шоир Абу Тойиб (а.р.) чиройли ифодалаган:

Дамингдин йироқ тутмагил ҳушни
Ки, юзланмагай ҳар дам оғат сенга.
Ишиңг поёники зиштдурун бўлгай,
Улдурки, ёмон иш била маўрун бўлгай.
Ким хўйи ёмон бўлса, машақатдур анга,
Ким хўйи аниңг яхши, ғаниматдур анга.

Агар кишининг феъли айниқса, ёмонликка юзланса, у ҳақдаги фикрлар ҳам ёмонлашади. Ваҳоланки, унинг гумонлари тасдиқланади. Шунда яхши кўрган дўсти душман бўлиб қолади. Ҳатто душманлари ҳам, «Бу гумонининг кўплигидан кундузи ҳам қоронғу зимистонда юради»,— дейдилар.

Сўралдиким, не нимадурким фойдаси барча ҳалойиқقا етар, дедиларким: «Ёмонларнинг йўқлиги».

Шеър:
Не феълики келди бирордин ёмон,
Ёмонлик кўрардин анга йўқ амон.
Голиб душмандин ҳар дам ғофил қолма,
Ўчиролмас исён ўтин ўз ҳарамингга солма.

Қабоҳатдан юз ўғир! Уни кўпайтирма! Яхши дўст ва эзгу ишларингни кўпайтир! Душманингни ҳийла-макрларига яхшилигинг кифоя бўлади. Аммо душманинг макр қилганини билсанг, сен унга макр қилма!

Шайхул ислом Умайд Абул Фатҳ ал-Босний (а.р.) ҳазратлари шундай деганлар:

–Ҳар замон, ҳар маконда ақлли инсон жоҳил ва илм, касб аҳлининг қадрига етмайдиганлардан саломат бўлмайди. Булар аҳли илм, аҳли касбларни зулм билан, мушкилотлар билан хорлайди,

бехурмат қиласи. Ким ақл ва илм ахли бўлса, жанг қилишни ўрнига тинчлик ҳамда муросани иҳтиёр қиласин! Саломатлик ва эҳтиром йўлини танласин! Ўзига сукут, жим туришни афзал қўрсин! Қуръон карим оятларида Аллоҳ таоло мўъминларни мадҳ этиб:

«*Улар ер устида камтарона юурулар ва агар жоҳиллар уларга гапирсалар: «Саломат бўлинглар! Омон бўлинглар!» – дейдилар*», – деб, бу ҳолда инсон ўзини қандай тутиши кераклигига иршод берди.

10– ФАСЛ ФОЙДА ТАЛАБ ҚИЛИШ ТЎГРИСИДА

Жаноб пайғамбаримиз:

–Ҳикмат мўъминнинг йўқотган керакли нарсасидир. Уни қаерда топса дарҳол олади, қабул қиласи, – деганлар. Шу муборак ҳадис ҳукми талаба учун ҳаётий шиордир. Уни ҳаётига татбиқ этмоғи зарурлиги ва фойда талабида давомли бўлиши ҳамда фазилати, усувлари ҳақида сўз юритамиз.

Шубҳасиз, улуғ ниятлик талаба фойда талабини ҳамма вақт ва жойда қилиши шарт, яъни ўз манфаатини доим кўзлаши зарурдир. Уларни ёдда сақлаб ўз ўрнида истеъмол эта олиши билан файзи ошади. Жамиятда ҳам ҳурмат-эътибори пайдо бўлади.

Аммо истифода, фойда талаб қилишнинг усули ҳар вақт ёнида ёзув асбоблари бўлишидир. Ручка, қалам ва қофоз, дафтар каби ашёлар толибнинг ҳамроҳи бўлмоғи керак.

Замона такомиллаши билан ўқув-қуроллари ҳам камолга қараб юз бурмоқда. Китобнинг нусхасида сиёҳдон деб зикр қилинган бўлса, биз замонамиз кенг ишлатаётган ёзув ашёларини келтирдик. Агар ёнида бу асбобларни олиб юрса, эшитган фойдали, ҳикматли гапни ўзига қайд қилиб қўйиши мумкин бўлади. Ахли донишлар:

Ким зеҳнига ишониб ёд олибди,

Ёд олгани тезда ундан қочибди,

Ким ёзиб, қайд айлади,

Кетмас қилиб уни боғлади.

Доим ўз ёнида қарор топади, – деганлар. Яна дебдилар:

–Илм – кишилар тилларидан олинган улуғ маҳсул. Чунки, улар энг яхши ва пурфойда эшитганларини ёдлаганлар, қалбларига муҳрлаганлар ва кўнгилларидағи тажрибадан ўтган, фойдалисими гапирганлар. Мана шулари илмдир.

Шайхул ислом, буюк устоз, Адибул Муҳтор номи билан машҳур зот а.р. айтар эдилар:

Ҳазрат Ҳилол ибн Ясир розияллоҳу анҳу жаноб Расулуллоҳнинг саҳобаи киромларга бир нарса деб турғанларини кўрган экан. Шунда:

—Ё, Расулаллоҳ! Жоним сизга фидо бўлсин! Ҳозирги саҳобаи киромларга айтган ҳикматли сўзларингизни менга ҳам айтиб беринг!— деди. Жанобимиз:

—Эй, Ҳилол! Ёнингда сиёҳдонинг борми? Ёзув ашёларинг борми?— дедилар.

—Сиёҳдоним йўқ,— деди. Жаноби Сарвари Коинот:

—Эй, Ҳилол! Зинҳор сиёҳдондан ажралма! Хайрнинг кўпи қаламда ва қалам аҳллари дадир. Улар қиёматгача фазилат соҳиби бўлишда бардавомдирлар,— деб айтдилар. Жаноб с.а.в илмни қайд этиш, уни ёзиб қўйишнинг улуғ ишлардан эканига ишора қилдилар.

Шайхул ислом, Садри Шаҳид Ҳисомиддин (а.р.) ҳазратлари ўғиллари Шамсиддинга ҳар куни илму ҳикматдан бирон енгил нарсани ёд олиб боришни буюрган эканлар. Чунки, бу иш енгил ва осондир. Тез кунларда улар тўпланади. Умр ҳам зое кетмайди.

Ҳазрати Асом ибн Юсуф (а.р.) бир динорга қалам сотиб олган эканлар. Бир динор жуда катта пул. Мақсадлари эшитган фойдаларини дарҳол ёзиб олиш эди. Зеро, умр қисқа, илм эса кўпdir. Умр тугайди, илм асло тугамайди. Умрининг ўтиб бораётган сонияларини ғанимат билмоғи керак.

Айниқса, кечани ва бўш вақтларни ғанимат билиб, қадрлаш зарур. Машойихларимиз:

Кечалари узун ва у сенинг буюк ўлжангдир. Ундан ўринли фойдаланиб қол! Зинҳор уйқу билан кечани қисқартирма! Кундуз эса ёруғлик, зиёдир. Уни гуноҳ ва бекорчилик билан чангитиб, ифлослантирма!

Талаба улуғ ёшлик мўйсафид, илмли кишиларни ғанимат билмоғи керак. Бу зотлардан, илмидан фойдалансин. Илмлари бўлмаса, камоли одоби билан ҳушнуд қилиб, дуоларини олсин! Шундай фойдалана олмаса, ҳеч қайтариб бўлмас хатога йўл қўйиши мумкин. Зеро, қўлдан бой берилган нарсани ўрнини босадиганини топиш мумкин эмасдир. Бу ҳақда шайхул ислом, устоз Бурҳониддин Марғиноний ҳазратлари ўз устози, шайхи ҳақида шундай деганлар:

—Қанча шайхлар, устозларга етишдим, қанчаларининг суҳбатларида бўлдим. Кўнгилдагидек хизматларини қилиб, улардан фойдаланиб, дуоларини ола билмабман! Файзу футухли иршодларидан баҳраманд бўлолмабман!

Ҳазрати Али каррамаллоҳу важҳаҳул карим:

—Агар бир ишни бажаришга бел боғласанг, ишни охирига етказ! Охирига етказишдан бош тортма! Аммо Аллоҳнинг илмидан юз

ўгеришинг, хорланишинг ва хасратга тушмоғингга кифоядир. Илм ўрганишдан бош тортишлик мусибатлар сўнгидан келадиган надоматларга етарлидир. Шунинг учун, ҳар дамда бундан Аллоҳнинг даргоҳидан паноҳ сўра! – деганлар.

Бир донишманд:

–Мен сенда ўзини азиз ва муҳтарам бўлишни хоҳлаётган нафсни кўрдим. Аммо, иззату икромга мана шу нафсни хор қилмагунча зинҳор эришмайсан! – айтган экан.

11 – ФАСЛ
**ИЛМ ОЛИШДА ПАРҲЕЗ ВА
ТАҚВО ҲАҚИДА**

Жаноб сарвари Коинот саллаллоҳу алайҳи васаллам:

–Ҳикматнинг боши тақводир, –деганлар.

Ҳикматнинг аввалию охири, барчаси фойда, каттаю кичигининг қиймати йўқ бойлиқдир. Бу ҳадиси шариф ҳукми билан фойда ва бойликнинг калитини қўлга киритиш йўлини билдирилар.

Ҳазрати Али каррамаллоҳу важҳаҳул каримдан қуидаги ҳадис шариф келтирилган:

–Қайси бир инсон қирқ кун ҳалол таомлар тановул қилиб, қирқ кун намозларини жамоат билан ўқиса, парҳез ва ҳар қадамини тақво билан босса, Аллоҳ қалбига хотиржамликни нозил қилиб, тилига ҳикматларни жорий қилиб қўяди.

Жаноб Расулуллоҳ саллаллоҳу алайҳи васаллам яхшиликлар асоси тақво ва парҳез эканини билдирганлар. Парҳез ва тақво деганда:

–шубҳа, макруҳ;

–қилса гуноҳ, беадаб бўладиган;

–оқибати ёмонликка келадиган;

–кўнгилда нафрат каби туйғуларни уйғотадиган;

ҳамда Аллоҳ ўз Каломи мажидида, пайғамбаримиз муборак ҳадисларида

–қилмоқликка буюрганларни бажаришга зўр бериш;

–қилма, деб қайтарганларидан;

–гуноҳлиги баён этилган ишлардан тийилиш тушунилади.

Демак, тақво, парҳез қилган киши Аллоҳга бўйсунган, жаноб пайғамбаримизга тўлиқ әргашган бўлади. Бу барча фойдаларнинг туганмас булоғидир.

Шунинг учун ҳам талаба, тақво ва парҳезни ўзининг йўлдоши қилмоғи керак. Бир муборак ҳадисда:

—Ким илм талаб қилаётган вақтида парҳез ва тақвога риоя қилмаса, Аллоҳ унга учта оғир бало юборади. Ўзи билмаган ҳолда қаттиқ имтиҳон қилади:

Биринчиси, дунёни тоату ибодатсиз, солиҳ амалларсиз ва гуноҳлари мағфират бўлмаган ҳолда тарк этади.

Иккинчи, бой ва беҳожат қилиб қўяди. Дунёдан камчилик ва парвардигорини эслатадиган қийинчилик кўрмасдан, дунё лаззатига ғарқ бўлиб ўтади.

Учинчи, султону амалдорларнинг хизматига мубтало қилиб қўяди. Шариатнинг ўзига эмас, балки Аллоҳнинг баъзи қулларига шариат номидан хизмат қилади,— дейилган.

Ҳар қандай ҳолатда ҳам толиб тақволик ва парҳезкор бўлса, илму амали манфаатли бўлаверади. Таълими енгилроқ ва пухтароқ бўлаверади.

Толиби илм парҳез ва тақво қилиши учун баъзан қуйидаги икии омилга риоя қилмоғи керак:

Аввало, ҳаддан зиёда тўйиб овқатланишдан;

Иккинчидан, кўп ухлашдан ҳам сақланиши керак. Чунки, ортиқча таом ва кўп ухлаш кишида ишёқмасликни, дангасалик келтиради ва тетикликни кеткизади. Шунингдек, кўп гапириш ва бошқа барча ахлоқи замималардан сақланмоғи зарур.

Бекорчи ва фойдасиз ҳар қандай гап-сўзлар қиёмат куни қаттиқ азобланишга, бу дунёда одамлар атрофидан аста узоқлашишлари ва нафратланишларига сабаб бўлади.

Бозор учун таёrlанган таомлардан ҳам сақланмоғи зарур. Чунки улуғ зотлар бозор таомларини нажосатга яқин деганлар. Бир сабаби, бу овқатлар Аллоҳ зикридан йироқ ва тановул қилган кишини ғафлат ботқоғига туширади. Унга фақир-камбағаллар, етим, беваларнинг кўзлари тушиб, ея олмаганлари учун кўнгиллари азият чекиб, кўп қийналадилар. Бу таомнинг баракотини кеткизади. Натижада шубҳали овқатлардан бўлиб қолади.

Ҳикоя қилишларича, шайхул ислом, буюк имом ҳазрати Мұҳаммад ибн Фазл (а.р.) талабалик йилларида бозорда ва бозор учун тайёрланган таомларни тановул қилмас эдилар. Оталари бадавлат кишилардан эдилар. ҳар жума куни ўғилларининг таомларини ғамлаб кетар эдилар. Бир куни ўғилнинг хонасида бозор нонини кўриб қолдилар ва бундан қаттиқ ранжидилар. Газаблари келиб бир неча кун гаплашмадилар. Ўғиллари кўп узрлар айтиб:

—Уни мен сотиб олмадим, бунга рози ҳам эмасман! Уни шеригим келтирибди. Мени авф этинг!— дейди. Оталари эса:

—Агар сен эҳтиёткор бўлганингда эди, парҳезлик ва тақводор бўлганингда, шеригинг уни сотиб олишга журъат қилмас эди.

Бемаза тақвоингни белгиси бўлиб, уни емасанг ҳам хонангда турибди,— деб маломат қилдилар.

Аввалгилар шундай тақво ва парҳезкор бўлганлар ва бунинг шарофати билан илму фиқҳга ва амалга муваффақ бўлганлар. Илмни ўз ўрниларига етказишга эришганлар. Шу сабабдан муборак исмлари рўзи қиёматгача боқий қолди.

Тақводор, фақих бир зот васият қилган эканлар:

—Энг аввало сен гийбатдан сақлан;

—Кўп гапирадиган кишининг мажлисидан зўр бериб узоқ бўл; Кўп гапирадиган киши умрингни, вақтингни зое қиласди. Кўп гапирудчининг барча гаплари ёлғон ва тўқима бўлади. Бу оғир гуноҳ бўлиб, ёнида бўлганинг унинг жиноятига шерик бўласан ва жазосини ҳам бирга оласан.

Барча бузғунчи, аҳли фожир, фосиқлардан ҳам эҳтиёт бўлиш парҳез ва тақво ҳисобланади.

Гуноҳ ишларга чақиравчи, бекорчи ва дангасалардан нари бўлиш ҳам тақво ва парҳездир. Чунки, «сұхбат таъсирини ўтказувчидир», сұхбатдош ўз асарини қолдиради. Бу тоифа кишилар билан муомала қилиш тез фурсаларда уларнинг доирасига кириб бориши билан якунланади. Кейин бундан қутилишнинг иложи бўлмайди.

Шунингдек, дарсни қиблага юзланиб тайёрлаш ҳам парҳез ва тақводандир.

Жаноб Расулуллоҳ саллаллоҳу алайҳи васалламнинг муборак суннати, одобу ахлоқлари билан ахлоқланган бўлиши тақво ва парҳезнинг асосидир.

Толиби илм солиҳ инсонлар, дуогўй, ёши улуғ отахону онахонларнинг дуоларини олиш, назарларини топишни ғанимат билиши керак. Албатта мазлум ва бошқаларнинг қарғиш ва ёмон дуоларидан сақланмоғи шарт бўлади.

Ҳикоя қилишларича, икки киши ёшлиқ чоғларида илм талабида узоқ юртларга кетган эканлар. Узоқ юртларда ғариблик ва қанча мashaққатлар чекиб бир неча йиллардан сўнг ўз ватанларига қайтиб келган эканлар. Бу вакт давомида бир бирларидан ажралмабдилар. Аммо бирлари етук олим даражасига етибди, шериги эса илм эгаллай олмабди. Шунда диёрларининг олимлари бу ҳолдан ҳайрон бўлибдилар. Кейин ўзларидан қандай ўқиганлари, такрорлари қай ҳолда бўлгани ва қандай ўтириб таълим олганлари ҳақида сўрабдилар.

Илмга ноил бўлган йигит доим қиблага юзланиб ўтиргани, таҳорат билан ўқиганини, такрорлари ҳам мана шундай бўлганини айтибди.

Шериги эса, қиблага орқа қилиб ўтириб дарс ва такрор қилар экан. Шунда шаҳар олим ва улувлари шундай ҳолосага келибдилар:

Каъбага юзланмоқлик ва ҳурматини эътироф этганинг баракоти билан унга илмдан насибаси мустаҳкам етган. Шундан олим ва фақиҳлик даражасига эришган. Хулқу одоби билан кишиларнинг самимий меҳр ва эҳтиромларини қозонган. Дуолари фазилати мана шу мақомга соҳиб қилган,— дебдилар. Каъбага юзланиш, уни улуғлаш суннат амаллардан ҳисобланади. Фақат зарурат вақтдагина бошқа томонга юзланиш жоиздир.

Айтишларича, бир дуоси мустажоб инсон ҳалиги йигитни ҳаққига дуо қилган экан.

Толиби илм суннат ва одоб ҳисобланган амалларни бажаришга қаттиқ туриши керак.

Ҳаётий тажрибалардан маълумки, ким суннат ва одоб амалларини писанд қилмаса, уларни ихлос билан бажармаса суннат ва унинг баракотларидан маҳрум бўлади. Суннатни менсимаган ва фазилатларидан маҳрум киши, фарзлардан ҳам, яъни савобу ажрларидан бенасиб бўлади. Ким фарз амалларига аҳамият бермаса, ихлос ва эътиқод билан адо этмаса ўз охиратидан маҳрум бўлади. Мўъминларга берилажак имтиёзлардан насибаси узилади. Баъзилар ушбу сўзларни барчасини жаноб Расууллоҳнинг ҳадиси шарифларида деганлар.

Фарз ва суннат намозлар қаторида, нафлларини ҳам кўпайтириш толибнинг парҳез ва тақвосига омиллардир. Намозни хушуъ, ховф билан ва шикаста бўлиб ўқимоги керак бўлади. Бу ҳол илмига беназир туртки бўлишига шубҳа йўқдир.

Шайхул ислом, буюк имом, зоҳид, обид, кўп марта ҳаж амаллари бажарган Нажмиддин Умар ибн Муҳамаад ан-Насафий (а.р.) ҳазратларидан шеър айтганлар:

Камол эт касбким, олам уйидин
Сенга фарз ўлмағай ғамнок чиқмоқ.
Жаҳондин нотамом ўтмак–биайниҳ
Эрур ҳаммомдин нопок чиқмоқ.
Олим агар қатъий амал айласа,
Илмиға шойиста амал айласа,
Ани шараф гавҳарини кони бил,
Гавҳару кон, ҳар не десанг они бил!..
Кимки, бу иқбол анга бўлғай насиб,
Солмаса дунё сари кўз, не ажиб,
Эгнида гар хирқаси юз чок эрур,
Гулга тўни йиртуғи не бок эрур,

Кунгаки, урёнлик эрур зийнати,
Тийра бўлур, бўлса булат хилъати.

Шариати кўрсатмалари, буйруқ ва қайтариқларига қатъий амал қилувчи, шариат чегарасини муҳофаза этувчи бўл! Беш вақт намоз ва бошқа ибодатларингга мустаҳкам ва бардавом бўл! Шу ҳолингда шариат илмларини талаб қил! Яхшилар ва яхшиликларга суюн! Покликдан қувват, мадад ол! Мана шунда камол топасан, илму ирфон денгизида балиқ каби сузасан, олиму фақиҳ бўлиб етишасан! Ёлғиз Аллоҳнинг фазлу иноятига умидвор бўл! Зеҳнингни ўзи муҳофаза қилишини шикасталик билан сўрагин! Аллоҳу хойрун ҳофизан!

Яна дебдилар:

–Эй, фарзандларим! Аллоҳ ва унинг пайғамбарига ҳамда устозларингизга итоат қилинглар! Уларга сўзсиз бўйсунинглар! Ўз мақсадингиз йўлида жидди-жаҳд қилиб тиришинглар! Зинҳор дангасалик ва бепарволик қилманглар! Бизларни йўқдан бор қилган парвардигорингиз ҳузурига қайтишингизни ёдингиздан чиқарманг! Кечалари бамайлихотир ёнбошингизни кўрпага қўйиб уйқуга ётманг! Зеро, яхши инсонлар кечалари кам ухлаб, уни раббиларига тазарру, ибодат ва дуою истиффор билан ўтказадилар.

Талаба доим кичик дафтарча (блокнот) ва ёзув қуроллари олиб юришни одат қилсин! Зарур маълумотларни дарҳол ёзиб олиш имконияти ҳосил бўлади. Баъзи донишмандлар:

–Кимнинг чўнтағида дафтар юрмас,
Қалбига ҳикмат ҳам кирмас, – деб огоҳлантирганлар.

12- ФАСЛ

ЗЕҲНИИ МУСТАҲКАМЛАЙДИГАН ВА ЁДДАН КЎТАРИЛИШНИ ҚОЛДИРАДИГАН ИЛЛАТЛАР ТЎҒРИСИДА

Талаба ўз устида доим ишлаши, илмини тараққий эттириши керак. Бунинг учун фаҳм-фаросат ҳамда зеҳнининг ўсишига ва мустаҳкамланишига киришмоғи зарур бўлади. Қувваи ҳофизани кучайтирадиган омиллардан бири ўз вазифасига жиддийлик ҳамда бардавомлик билан ёндашиши ҳисобланади.

Толиб ўз зеҳнини ўстириш учун таомини ҳам бир оз камайтириши керак. Кечаларидаги намозлар, Қуръони каримга қараб ўқиш ҳифзни оширадиган амаллардан саналади.

Улуғлар жаноб пайғамбаримиз ҳадис шарифларига биноан, инсон зеҳнини ва фаҳму фаросатини зиёда қиласиган асосий манба – китобга қараб Қуръони каримни тиловат қилиш, деб башорат берганлар. Чунки, Жаноб саллаллоҳу алайҳи васаллам:

–Умматимнинг энг афзал амали китобдан Қуръон каримни тиловат қилишларидир,— деганлар.

Улуғ валийлардан бўлган Шаддод ибн Ҳаким (а.р.) ҳазратлари тушларида замондош ўтган бир улуғ зотни вафотидан кейин кўрган эканлар. Шунда ундан:

—Қайси қилган амалингиз фойдалироқ экан, кўпроқ баҳра олдингиз?— деб сўраганлар. Ул зот:

—Китобдан Қуръони каримга қараб ўқиш бизга кўп баҳра етказди,— деб жавоб берган.

Чунки, қараб ўқилганда киши шошилмайди, ояти карима маъноларини яхшироқ тафаккур қилишига имкон бўлади. Бу, шубҳасиз, зеҳнни ривожлантирадиган омиллардан биридир.

Толиб дарслигини, китоб-дафтарини қўлига олаётганда ушбу калималарни айтмоғи керак:

Бисмиллаҳи ва субҳаналлоҳи вал-ҳамду лиллаҳи ва ла илаҳа иллаллоҳу валлоҳу акбар, вала ҳавла вала қуввата илла биллаҳил алиййил азиймил азизил алим. Адада кулли ҳарфин кутиба ва юктабу абадал абадина ва даҳрад-даҳирин.

(Аллоҳ исми билан бошлайман. Аллоҳ барча нуқсондан пок зот. ҳамд, чексиз мақтов Аллоҳга хосдир. Аллоҳдан бошқа ибодат қилишга лойик маъбуд йўқ. Куч-қудрат, қувват Аллоҳники, ҳар ишга қодир бўлиш фақат Аллоҳ билан бўлади. У жуда улуғ, бекаму-кўст қодир, ҳамма нарсани билувчи зот. Ёзилган ва ёзилажак ҳарфлар сонича абадий, доимий (шу зикрларни) айтаман.)

Дарсни тугатганда мана буларни айтмоғи керак:

Аманту биллаҳил вахидил аҳадил ҳаққи вахдаҳу ла шариқа лаҳу ва кафарту бима сиваҳу.

(Ҳақ бўлган, яккаю ягона, мулку тасарруфотида ёлғиз, шериги йўқ Аллоҳга имон келтирдим, унинг бору бирлигига, қудратига ишондим. Аллоҳдан бошқа барчасига, ишончимни бермадим, куфр келтирдим.)

Талаба жаноб Пайғамбаримиз саллаллоҳу алайҳи васалламга салавот айтишни зиёда қилмоғи ҳам зеҳнига ижобий таъсир кўрсатади. Чунки, улар Сарвари Коинот, ўн саккиз минг оламга раҳмат қилиб юборилганлар. Ҳақ таало ул зотни

Раҳматан лил аъламин,

Яъни, бутун оламларга раҳмат пайғамбари қилиб юбордик, деб мадҳ этган. Салавотнинг фазилатига бу ояи карима ҳам далолат қиляпти.

Шунингдек, мисвок тутиш, яъни тиш тозалаш, оғзини бадбўй бўлишдан сақлаши ҳам зеҳнни чархлайдиган омилдир. Ҳазрат

Расулуллоҳ саллаллоҳу алайҳи васаллам мисвок фазилатларини баён қилиб, зеҳн учун фойдасини алоҳида таъкидлаганлар.

Асал еб туриш, ёнғоқни шакар билан аралаштириб ейиш ҳамда ҳар куни йигирма бир дона қизил майиз тановул қилиб туриш зеҳнни мустаҳкамлайди. Майизни ўз сўлаги билан емоғи тавсия қилинади. Бу баъзи касалликларга даводир.

Билгилки, нима оғиздаги нам, балғамни камайтириб йўқотса, у зеҳнни ўткирлади. Балғам, оғиздаги намликни зиёда қилса, у зеҳнни ўтмаслаштиради. Нисён – унутиш касалини кучайтиради.

Аммо зеҳн паст бўлишига гуноҳ ишларга мойил бўлиш, ибодатга аҳамиятсизлик ва дунё ғам–ташвишларига берилиш ҳам сабаб бўлади. Бу қалбни банд қилади, дунёвий ҳожатларини кўпайтиради. Байт:

Вакийъ ҳазратларига қилдим шикоят,
Зеҳну иқтидорим менга ғам–хасрат.

Деди: чекма ташвиш зеҳну иқтидорингга,
Лекин авлороқдир ғамноклик гуноҳингга.

Маъсияту гуноҳни тарқ этиб ўт,
Тариқи мустақимга ихлос ила ўт.
Ҳифзу қувватингга раббинг иноят айлар,
Яна кўп яхшиликларга ҳидоят айлар.

Гуноҳни тарқ этгину халқ аро мумтоз бўл,
Ҳақнинг ҳузурида соҳиби имтиёз бўл.
Гуноҳингга тавбаю надомат йўқ
Раббингни ҳузурида бахту саодат йўқ.
Бўлиб қолур абад шиоринг маҳрумлик,
Бўлиб қолур шамоилинг мазмумлик.

Ақли расо инсон ҳеч қачон дунё ишларига ғам–ташвиш чекмайди, ғам–ғусса, алам тортишнинг зинҳор фойдаси йўқ, аммо зарари бор.

Дунё учун ғам ема, Ҳақдин ўзгани дема,
Бирор молини ема, Сирот узра тутаро!

(Хожа Аҳмад Яссавий)

Ваҳоланки, дунё ғами, орзу–ҳаваслар қалбни зулмат билан қоплайди. Бундай қалб эгасини ичи доим қиши, ҳеч ёришмас. Охират ғами эса, қалбга ёруғлик беради ва бу нур киши юзида, ибодатларида кўринади. Бу улуғ нур намоз ўқиш, барча хайрли амалларга чорлайди. Дунё учун ғамдан ман этади, ҳаёлни турли ўй–фикрлар банд бўлишдан қайтаради. Чунки, дунё ташвиши ибодатдан тўсади, охират ташвиши эса ибодатга чақиради.

Барча яхшиликлар ибодатдир. Намозни шикасталик билан ўқиш ва илм таҳсил қилиш ғам-қайгуни самарали кетказувчи омилдир.

Ҳазрати шайхул ислом, буюк имом Наср ибн Ҳасан ал-Маргиноний (а.р.) ўз қасидаларида айтганлар:

Эй, Наср ибн Ҳасан! Сенга айтай насиҳат!
Яна билки, имонли қулоққа киргай насиҳат!
Илмнинг бари ҳазинадир, баҳоси йўқ,
Соҳибининг дилида дунё ғавғоси йўқ.
Илмдек вафодор борму дунёда,
Илмдек шифокор борму дунёда.
Ғаму ташвишларга малҳамдур илм,
Дарду аламингга дармондур билим.
Илм Ҳақни танитар, шундан ул зоҳир,
Бошқалари Ҳақдин бурав, шундан ул ботил.

Шайхул ислом, буюк имом Нажмиддин Умар ибн Муҳаммад Ҳасан ан-Насафий (а.р.) ҳазратлари умму валадлари ҳақида шундай байт ёзганлар:

Чу сайъ этди бир нозанин
Меҳру қалбим риштасин тутмоқ учун.
Лек айтдим анга: мани қўйгин холий,
Қалбимда йўқдур макон санга,
Илм риштасин тутмоқ учун.
Илм тақво ва фазилатга йўлбошчи,
Англаким, барча бойликлар сардори.

Зийраклиги, донолиги билан мени ўзига боғлаб олган ва яноқларининг яшнаши ва кўзларининг малоҳати билан мени ром қилган зотга саломлар бўлсин! Мени шундай койиди-ки, бир гўзал, малоҳатлик жонон ёқтириб қолди. Унинг васфини аниқ тасвирлашга, хулқу кўринишини маромига етказиб сифатлашга ақл ҳайрон қолди. Шунда унга: «Мени холи қўй! Узрларимни қабул эт! Хоҳишлиарингга юролмайман. Чунки, мен вужудимни илм олишга бағишилаганман! Қалбимни фақат шу кучли ўраб олган. Билсанг, мен улуғ фазилат, парҳез ва тақво талабидаман. Бу барча бойликлардан ҳам бебаҳодир. У дунё муҳаббатини танимоқдан ҳам беҳожат қилур!»— дедим.

Аммо ёдда сақламасликни ушбу ишлар ҳам содир этади:

—хом пиёз, нордон олмалар ейиш;
—осиб қўйилган нарсаларга қараш, масалан: ювилган кирлар ва шу кабилар; шунингдек,
—қабристондаги ёзувларни ўқиш;

- туяларни орасидан ўтиш;
- бит–бургани ўлдирмай ташлаш ҳамда
- кумуш асбоблар билан елкадан қон олдириш – буларнинг ҳаммаси зеҳнни заифлашуви니 келтиради.

13- ФАСЛ

РИЗҚ ҲАМДА УМРНИ ЗИЁДА ВА КАМ ҚИЛАДИГАНЛАР ТҮГРИСИДА

Шубҳасиз, толиби илм нима овқат еяётганига эътибор бермоғи шартдир. Ҳалол, пок ҳамда шубҳа, макруҳлардан ва албатта, ҳаромдан холий бўлмоғига қаттиқ ҳаракат қилмоғи керак. Барча озуқалар бу жасаднинг қувватини таъминласа, инсон шу қувват билан дунё ва охират ишларини бажаради, ибодат қиласи, илм ўрганади ва касб–ҳунар қиласи.

Шунинг учун, толиб озуқасига тегишли барча илмлардан боҳабар бўлмоғи, уларни оғишмай татбиқ этмоғи зарурдир. Нима таомларига барака келтиради ва маҳрум этади, буни яхши билмоғи керак бўлади. Шунингдек, умр ва саломатликни зиёда ва мустаҳкам қиласиганларни ҳам яхши билиши зарур. Шунда илм учун қилган ҳаракатлари зое кетмайди, балки илм ва тажрибаларини оширишга имкониятлари кенгроқ бўлади. Улуғлар буларнинг ҳар бири ҳақида кўплаб китоблар ёзганлар. Ушбу ўринда шу китобларда баён қилинган баъзи зарурий масалаларни келтирамиз.

Жаноб пайғамбаримиз Муҳаммад саллаллоҳу алайҳи васаллам:

–Аллоҳ таолонинг белгилаб қўйган тақдирини ҳеч нарса ўзгартира олмайди, фақат дуогина, у ҳам тақдири илоҳий или ўзгартириши мумкиндири.

Аллоҳ белгилаган тақдирдаги инсон умри ҳам бирон сабаб билан узайиши ёки камайиши мумкин эмас, аммо яхшилик умрни зиёда қиласи, – деганлар. Ушбу ҳадиси шарифни давомида:

–Ҳақиқатда киши йўл қўйган камчилиги ва гуноҳи билан ризқ–насибасини кесиб қўяди, боридан ҳам маҳрум бўлиб қолади, – дейдилар.

Ушбу муборак ҳадис гуноҳу камчиликлар инсон ризқини камайишига сабаб эканини билдираяпти. Ризқни камайишини келтирадиган омиллардан бири ёлғончилик бўлиб, жаноб Расулуллоҳ саллаллоҳу алайҳи васаллам:

–Ёлғончилик фақирлик келтиради, – деб огоҳ этганлар. Оят ва ҳадислар ҳукмига қараганда, ёлғончилар Худога бандада, пайғамбаримизга уммат бўлиш ва мўъмин–мусулмонлик даъвосини қилишларига ҳақлари йўқ экан.

Яна насибани нуқсонга юзланишига бир сабаб тонгдаги уйқудир. Зеро, күп ухлаш фақирлик келтиради, зеҳнга салбий таъсир қиласы. Шунинг учун илм әгаллашида ҳам асарини қолдиради. Шеър:

Кийим киймоқ келтирур қалбга суур,
Соҳиби илм бўлмоқ ифтихор ҳам ғуур,
Тарк эта билсанг эди мудроқ ва уйқуни.

Инсоннинг шодлиги кийим-кечак кийишда бўлса, илмга эга бўлиши эса мудроқ ва кўп уйқуни тарк этишдадир.

Яна айтган эканлар:

Ганимат билганга кечалар қандай улуғ ганимат
Кеча ҳам умринг бир қисми, бекор кетмасин,
Ема пушмон, қилма душмон, чекма узоқ надомат!

Кечаларни фойдасиз ўтиб бораётгани ва бу кечалар эса умримиздан ҳисобланиши энг катта надомат эмасми?!

Шеър:

Азизим! Кечангни бедор тут!

Намозу дуо, кўзда дур тут!

Мушаррафи рушду ҳидоят,

Омилга гувоҳ ҳадису оят.

Ажаб! Қўрқув кўринмас фаолингда,

Кечалардин не ҳисоб бор маолингда?

Эй сен! Кечалари ибодатга тур! Намозу дуога қоим бўл! Шоядки, тўғри йўлга мушарраф бўлсанг! Рушду ҳидоятга ноил бўлсанг! Қанча кечаларни уйқу билан ўтказдинг!? Умринг эса ўтиб тугаб бораяпти! Огоҳ бўлсангчи!?

Қуидиа зикр қилинган ҳар бир амални толиб ёдлаб, ундан доим сақланиш тадоригини кўрсин!

1. Кийимсиз, ялонғоч ҳолда уйқуга ётиш. Албатта кенг шарвар каби кийимда ётиши керак бўлади.

2. Ялонғоч ҳолда табиий ҳожатларини чиқариш (бавл, гоит қилиш).

3. Гусл вожиб бўлган – жунуб ҳолида ейиш, ичиш.

4. Ёнбошлаб тановул қилиш.

5. Дастурхон устига тушган нон ушоқлари ва бошқаларни исроф қилиш, умуман увоқ-ушоқларни назарга олмаслик.

6. Пиёз ва саримсоқнинг пўчоқларини ёндириш.

7. Кеч тушганда уй супуриш. (Шунинг учун уй, ҳужрани тозалашни, супуриб-сидиришни кундузи қилиб қўйиши керак.)

8. Уй, ҳужра ва ҳовлида, бошқа жойларда ахлат ва шу каби кераксиз нарсаларни қолдириш, тўплаб қўйиш.

9. Ўзидан ёши катта, устоз ва қарияларнинг олдига тушиб юриш, ҳатто баробар юришдан сақланмоғи керак.

10. Ота-онасини исмини айтиб чақириш, мурожаат этиш. Бирон жойда сўралганда ҳам исмларини айтишдан сақланмоғи маҳбуброқдир. (Зарур ўринлар бундан мустасно.) Ушбу одоб ота-онага риоя қилиниши талаб этилган. Чунки, улар вужудга келишингга сабаб бўлган улуғ зотлардир. Аммо жамиятдаги ўрнингга, илму ҳунар эга бўлишингга асосий сабабчи устоз ва мураббийларга ҳам бу одобни қўллаш айни муддаодир.

11. Ҳар қандай чўп ва нарсалар билан тиш кавлаш. Оғизнинг бадбўй бўлишидан сақланмоғи керак. Албатта бунинг учун тишларини вақтида тозалаб бориши ва ҳидларни кетказадиган ашёлардан фойдаланмоғи зарур бўлади.

12. Қўлларини лойқа сув билан ювишдан ва тупроқ билан тозалашдан узоқ бўлиши керак.

13. Остона ва зиналарга ўтириш.

14. Эшикка суюниш, унга осилишдан сақланмоғи керак.

15. Ҳожатхонада узоқ ўтириш, бадбўй ҳидларни ҳидлаш. Масалан: бундай жойларда газета-журнал, китоб ўқиш зеҳнга салбий таъсир кўрсатади.

16. Тик туриб енгил ҳожатинираво қилиш, бавл қилиш одобсизлик ҳамда тарки суннатдир.

17. Кийимни кийган ҳолда тикиш, тугмасини ўтказиш, таъмирлаш.

18. Енг, этаги ва кийимлари билан юзи ва баданларини артиб қуритиш.

19. Ўргимчак инларини қолдириш, тегмаслик. Ривоятларга кўра, ўргимчак уй эгаларини ҳалокатга учрашларини тилаб:

–Улар йўқ бўлса эди, бу жойларни ўзим эгаллардим,— деб ният қилар экан.

Ҳозирги тадқиқотчи олимлар ўргимчак инлари инсон асаб ва соғлигига таъсири борлигини аниқлаганлар. Ўргимчак уясини бузиб ташлаш суннатдир.

20. Энг асосийларидан бири – намозга бепарво бўлиш, вақтида ўқимаслик, таҳорат ва рукнларни номигагина бажариш. Намозда шикасталик, хушу-хузуъни тарқ қилиб, кибр-ҳаво билан туриш ва ҳакозоларни ҳаммаси қалб нурини заифлаширади, имон ва тақвони йўқотади.

21. Масjidга – жамоат намозига ҳаммадан энг охирида кириб, энг биринчи бўлиб чиқиш.

Айниқса, аср ва бомдод намозларидан кейин оз вақт ҳам ўтирмай дарҳол чиқиб кетиш тақво, илм ва бошқа фазилатлардан жуда катта маҳрум қиласди.

Ҳадиси шарифларда, мўъмин масжидда гўё балиқ сувда ҳаётдан баҳра олгани каби, мўъмин ҳам масжидда яйрайди, кўнглида

хотиржамлик пайдо бўлади. Мунофиқ ўзини масжидда қафасга тушган қушдек ҳис қиласди. Беҳаловатлик билан қўнимга жой тополмагани каби, имкон топиши биланоқ дарҳол масжиддан чиқиб кетади. Толиб эса ҳақиқий имон соҳибининг хислатлари эгаси бўлмоғи керакдир.

22. Бозорларга тез-тез бориш, борганда ҳам эрта бориб кеч қайтишни одат қилиш, албатта ёмон кўрилган ишдир. Чунки, бозорда турли одамлар ва воқеаларга кўзи тушади, хаёли бўлинади, илми ва йўлидан чалғиыйди. Қимматли вақти зое кетади.

23. Тиламчилик учун қўл узатиш ҳамда ўзи қила оладиган ишларни бошқа бирор қилиб беришини сўраш нафратлик ва жуда нолойиқ ишдир.

24. Ота-онаси, устозлари ҳақида ёмон фикр юритиш, сўкиш, ношоиста тилаклар билдириш, шунингдек, бошқаларга ҳам шундай муносабатда бўлиш, ҳақоратлаш фақат ўзи учун энг оғир оқибатларни келтиради.

25. Идиш-товоқларда хамир юқини, косада овқат юқини қолдириш, югиндини ноўрин ерларга ташлаш яхши эмас. Идишни дарҳол ювиб қўймасдан ташлаб кетиш кабилардан сақланмоғи керак.

26. Чироқни нафаси билан пуфлаб ўчиришдан узоқ бўлсин. Чунки, буларнинг барчаси фақирлик, муҳтожлик ва бирорга қарам бўлишни юзага чиқаради.

Шубҳасиз, булар оят ва ҳадис билан ҳамда улуғ зотларнинг ҳаётий тажрибалари билан аниқ ва қуёшдек равshan исбот этилган.

27. Синган, қуриб қолган, сиёхи йўқ қалам билан ёзиш.

28. Синган тароқда соч тараш.

29. Ота-она ҳаққига дуо қилмоқни тарк қилиш. Устоз ва мураббийларни ҳам дуо қилмаслик.

30. Саллани ўтирган ҳолда ўраш, чунки, бу беадабликдир.

31. Шим, шалвар каби либосларини туриб кийиш.

32. Бахил ва хасис бўлишдан ўзини узоқ тутмаслик.

33. Ўта иқтисод қилиш, жуда ҳам тежамкор бўлиш.

34. Исрофгарлик.

35. Боқимандалик, дангасалик, ялқовлик кабилардан узоқ бўлмаслик.

36. Бепарво, ҳар бир ишга лоқайдлик билан қараш, катта-кичик амал бўлмасин, уни менсимаслик, назарга олмаслик.

37. Ҳикмат, ибрат олмаслик ҳам ҳаммаси фақирликни чақирувчи амаллардан ҳисобланади.

Жаноб Расулуллоҳ саллаллоҳу алайҳи васаллам:

—Яхшилик ва садақалар билан ризқу насибангизни Аллоҳ таолонинг даргоҳидан тилаб олинглар!— деганлар.

Эрта тонгда, бомдод намози вақтида кўп яхшилик ва баракотлар бор. Бу вақт муборак вақтдир. Унда неъматлар зиёда ва мўл-кўл қилиб берилади. Хусусан, инсон дуоларини шу соатларда талаб қилса, шубҳасиз дуоси ижобат бўлади. Ўзи фазилатга эришади. Халқимиизда: «Эрта турганнинг ризқини Худо етказади»,— деган мақол бор. Мазкур ишоралар ўз ифодасини топган.

Хусни хат ризқ-насибани жалб этиш калитларидан биридир.

Шунингдек, очик чеҳралик, инсонларга ним табассум билан боқиш ҳам гўзал ахлоқлардандир. Табассум кибру ҳаво ва мазахдан йироқ, самимий бўлиши керак.

Ширин сўз бўлиш ҳам ризқни кўпайтиради.

Ҳазрати Ҳасан ибн Али розияллоҳу анхудан ривоят:

—Ҳовли ва ён атрофларни супуриб тозалаб қўйиш ҳамда идиштовоқларни ювига озода тутиш бойликни жалб қилувчи асосий сабаблардан биридир.

Яна ризқ насибани энг кўп жалб қиласиган омил намоз ўқиш ҳисобланади. Намозлар камоли одоб, шикасталик, хушу-хузу билан адo этилмоғи айни муддао бўлиб, ризқни тез фурсатларда мўл-кўл бўлишига боисдир. Барча аркон, вожиб, суннат, мустаҳаб ва одобларига қатъиян риоя қилган ҳолда намозга киришиш мазкур улуғ фазилатларнинг негизидир.

Жаноб саллаллоҳу алайҳи васаллам чоштгоҳ (зуҳ) намозининг фазилатлари ичida ризққа манфаат берадиган жиҳатларини башорат қилганлар. Зуҳ намози шу фазилати билан машҳурдир.

Қуръони карим ўқиш ҳам насибани зиёда қилувчи бир омил ҳисобланади. Кечалари «Сураи воқеа»ни тиловат қилиш кўп фойдали эканига ҳужжатлар бор. Шунингдек, «Мулк», «Муззаммил», «Лайл», «Шарҳ» ва бошқа сураи карималарни ўқишда ҳам шундай яхшиликлар борлигига ҳадис шарифларда баёнлар бор.

Ризқ жалб қиласиган омиллардан бири аzon айтишидан илгари намозга масжидда ҳозир бўлишни олимлар айтганлар. Ҳар доим намоз азонини масжидда эшитса, бу иш зеҳнига самарали таъсир қилишига шубҳа йўқ. Муборак ҳадислар мазмунидага масjidга биринчи келадиган инсон фазилатлари баён қилиниб, унга фаришталар масжиддан чиқиб кетгунича хайрли дуолар ва истиғфор айтиб туриши келтирилган. Аллоҳ фаришталарининг дуосини тўсиқсиз қабул қиласи.

Доимо таҳорат билан юрмоқ, бутун бадани ва либосларини ҳам пок, озода тутмоғи, бунга бардавом бўлмоғи ризқу насибасига ижобий шаббодаларини уради.

Таҳорат билан юрувчи кишини шайтон алайҳиллаъна васвасага солмаслиги ривоятларда келтирилади. Хато ва нуқсондан сақланмоғи мумкин бўлади. Таҳорат билан юрувчи инсонни муҳофаза қилиш учун фаришталар муваккил қилиб қўйилади. Ҳар бир босган қадамлари тоат-ибодатга ҳисоб, агар шу ҳолда боқий дунёга борса, имон билан шаҳидлар мақомида боради.

Шунингдек, бомдоднинг суннатини ҳамда витр намозини уйда ёки ўз ҳужрасида адо этиш ҳам фойдали амаллардан бири ҳисобланади. Агар намозни жамоатда ўқиётган бўлса, витрни жамоатда ўқимоги зарур бўлади. Жаноб Расулуллоҳ саллаллоҳу алайҳи васаллам:

–Бомдод намозининг суннати бу дунё ва дунёдаги барча нарсалардан афзалдир,— деганлар. Бу муборак ҳадис суннат намозининг улуғ даражада эканига далилдир.

Дунё гап-сўзларини иложи борича тарк этади, айниқса намозлар орасида, витр намозидан кейин, суннат ва фарзлар орасида дунё гап, барча феълларни тұхтади.

Хотин-қизлар билан зарурат бўлгандагина гаплашади. Аммо гапини чўзиб юбормайди. Аёлларни орзу-ҳаваслари бисёр бўлгани уларнинг суҳбати дунё муҳаббатини очиб қўйиши мумкин. Бу энг улуғ балолардандир.

Лағв, яъни дунё охиратга фойдаси бўлмаган, балки заарли барча сўз ва ҳаракатларни ташламоғи керак бўлади. Чунки, бу ўзига билдирилган гуноҳларга етаклаши мумкин. Безоридан Худо безор. Донишмандлар:

–Ким бу дунёсига ҳам, охиратига ҳам кераги йўқ, бефойда иш, гап-сўзлар билан шуғулланса, жамлаган ҳамма яхшилигидан айрилади,— деганлар. Донишманд Бузругмехр:

–Агар кўп гапирадиган кишини кўрсанг, унинг мажнун эканига, ақли заифлашиб қолганига аниқ ишонавергин!— деб ҳикмат сочган эканлар.

Ҳазрат Али каррамаллоҳу важҳаҳ бу ҳақда шундай деганлар:

–Билгилки, ақл камол топса, оғиз сўзга очилавермайди.

Зоро, гапирса ҳикмат ва фойдали гапларни гапиради. Ахлоққа оид китобларда бу тўғрида шеър бор:

Ақлнинг камолига белги тафаккурлик сукут эрур,

Тилнинг отганин бил дурру-ҳикмат, бебаҳо ёқут эрур.

Ҳар неки, тил ўзидан отди, соҳибиға ахмоқ ном отди.

–Агар кишининг ақли камол топса, гаплари камаяди. Кўп тафаккур қилиб, ўлчаб, кесиб гапирадиган бўлади. Кишининг ахмоқлигига ишонч ҳосил қиласавергин, гар у эзма бўлса, бўлар бўлмасга оҳиз жуфтловчи бўлса.

Нутқ –инсон зийнати, күрки. Жим туриш, сукут сақламоқ әса саломат ва тинчлиқдир.

Гар сўзласанг оз сўзла ва лекин соз сўзла! Шаҳар бекор қолмасинга яратилган, вайсақи зинҳор бўлма! Жим туриш, сукутимга бир марта надомат чекдим, жоним роҳатда бўлди. Аммо гапириб, кўп надомат чекдим, жоним роҳат топмади.

Ушбу дуоларни кўрсатилган вақтларда ўқишни одат қилиш киши ризқига зиёдалик ва баракотларни келтиради.

1. Ҳар куни тонг киргандан кейин намоз вақтигача юз маротаба:

Субҳаналлоҳи ва биҳамдиҳи ва астაғғируллоҳал азим ва атубу илайҳи.

Аллоҳни барча камчилик, нуўсонлардан поклайман ва уни мақтовлари билан мақтайман. Улуғ Аллоҳга истигфор айтаман, ўзига тавба қиласман.

2. Эртаю кеч киргандан юз марта:

Ла илаҳа иллаллоҳул маликул ҳаққул мубин.

Ҳамма нарсаларни очиқ баён қилувчи, ҳақ ва ҳақиқат соҳиби, безавол мулк эгаси Аллоҳдан ўзга ибодат ва сифинишга лойиқ зот йўқдир.

3. Бомдод ва шом намозларидан кейин ўттиз уч марта:

Алҳамду лиллаҳи ва субҳаналлоҳи ва ла илаҳа иллоллоҳу.

Ҳамду сано, мақтовлар ёлғиз Аллоҳга хосдир. Аллоҳни барча камчилик, нуқсонлардан поклайман. Ёлғиз Аллоҳдан бошқа ҳақ маъбуд йўқдир.

4. Кейин етмиш марта истигфор айтади:

Астажғируллоҳал азим ва атубу илайҳ.

5. Бу калималарни ҳар доим кўп айтишга ҳаракат қиласади:

Ла ҳавла вала қуввата илла биллаҳил алиййил азим.

6. Жаноб Расулуллоҳ саллаллоҳу алайҳи васалламга салавотлар ўқиш хайрлидир:

Аллоҳумма солли ва саллим ва барик ала Мұхаммадин ва ала алиҳи ва асҳабиҳи ажмаъин.

Бошқа салавотларни ўқиш ҳам мумкин.

7. Жума кунлари етмиш марта:

Аллоҳумма ағниний би жалолика ан ҳаромика ва акфиний би фазлика амман сивака.

Парвардигоро, ўз улуғлигинг ва жалолатинг билан мени ҳаромлардан беҳожат қил! Парвардигоро, ўз фазлинг билан ўзинг менга кифоя бўлгин! Ўзгага муҳтож қилмагин!

8. Ушбу санони кечасио кундузи айтмоқ:

Анталлоҳул азизу ҳоким. анталлоҳул маликул қуддус, анталлоҳул ҳалимул карим, анталлоҳул холиқул хойри вашшарр, анталлоҳул

холиқул жаннати ван–нор, олимул гойби вашшаҳадати олимуссирри ва ахфо, анталлоҳул кабирук мутаъюл, анталлоҳу холиқу кулли шайъ ва илайка куллу шайъ ва илайка яуду куллу шайъ, анталлоҳуд–дайяну явмиддин лам тазал вала тазалу, анталлоҳу ла илаҳа илла анталлоҳул аҳаду лам ялид ва лам йулад ва лам йакуллаҳу куфуван аҳад, анталлоҳу ла илаҳа илла анталлоҳу роҳманур роҳим.

Анталлоҳу ла илаҳа илла антал маликул құддусус саламул муъминул муҳайминул азизул жаббарул мутакаббир, анталлоҳу ла илаҳа илла антал холиқул бариул мусоввиру лаҳул асмаул ҳусна юсаббиҳу лаҳу ма фиссамавати вал арзи ва ҳувал азизул ҳаким.

Инсон үз фойдаси бўлган ушбу дуо ва тасбехларни айтиб юриши фазилатдир. Аввало, яхшилик қилиши, жамиятда яхшилиқда ном қолдиришга ҳаракат қилиши ҳамда биронга азият беришни ташлаши жуда керакдир. Ундан кейин катталарни ҳурмат, кичикларни иззат қилиш, раҳм–шафқат кўрсатиш ҳисобланади.

Силаи раҳм, яъни қариндош–уруғлари, ака–ука, опа–сингиллари билан яхши муносабатда бўлиш, меҳр, оқибат билан алоқа боғлаш, қўлидан келганича ёрдам бермоғи умрига умр қўшади.

Мана бу калимани ҳар куни тонг отганда ва кеч кирганда уч мартадан айтсин:

Субҳаналлоҳи малаал мийзон ва муницаҳал илми ва маблағар ризо ва зинатал арши вала илаҳа иллаллоҳу малаал мизон ва муницаҳал илми ва маблағар ризо ва ва зинатал арши Валлоҳу акбару малаал мийзони ва муницаҳал илми ва маблағар ризо ва зинатал арш.

Ўсиб, кўкариб турган ўсимлик, дарахтларни синдириш ва кесиб ташлашдан сақланмоғи керак. Агар зарурат туғилса, бу ҳолда жоиз бўлади.

Таҳоратни доим мукаммал олиш, намозни тўқис ўқиш ҳамда ҳаж ва умра ойларида Қуръони каримни тиловат қилиш ва саломатлигини сақлаш киши умрини зиёда этишда ижобий аҳамияти бор. Шунинг учун тиб илмидан ҳам бирон нарсани яхшилаб ўрганиб олмоғи мақсаддага мувоғиқ бўлади. Бу борада ҳазрати Абу Аббос Мустағфирийнинг тибга оид китобларини тавсия қилган бўлар эдим. Китоб «Тиб Росулиллоҳ саллаллоҳу алайхи васаллам» деб номланади. Ким изласа ва астайдил бўлса, албатта топади.

Ёлғиз Аллоҳга ҳамду сано ва лутфу инояти билан жаноб саллаллоҳу алайхи васалламнинг муборак ҳижратларини 1420 йили Рамазони шарифда бошлаб, 1421 йили Шавволнинг 25 куни охирига етказилди.

Эй, Раббим! Кўп ожиз бандангни ўтказиб юборган камчилик, гуноҳ тўла лойқаларини мағфират ва авфу иноят дарёларингда ювгин!

Устоз имоми Аъзам Абу Ҳанифа ҳазратларининг шогирдлари имом Абу Юсуф Шайбонийга (Аллоҳ икковларини раҳмат дарёларига гарқ этсин!)

Иршод ва васиятлари

Ҳазрати имом Аъзам Абу Ҳанифа шогирдлари Имом Абу Юсуф (а.р.) илму ирфон, рушду ҳидоятда ҳамда ҳусни сийратда камолатни билгандарида, бул зотга оқ фотиҳаларини бериб, мана бу насиҳатни айтганлар.

Эй, Яқуб! Ўғлим! Бу сўзларим ҳаётинг дастурига айлансин!

Аввало, подшоҳ ва амирларни улуғ сана! Ҳурмат-иззатларини чиройли адо эт! Уларни Аллоҳнинг улуғ бандалари деб бил! Ҳузурларида барча одоб-ахлоқ кўрсатмаларига риоя қил!

Ул зотларнинг олдига кирганингда зинҳор ёлғон гапирма! Ёлғончилик ва шу каби ёмон хулқлардан сақлан! Султон ва бошқа амалдорлар чақирмасалар, ҳузурларига тез-тез кириб чиқишдан ўзингни тий! Ундоқ улуғ даргоҳларга боришга оёқларингга ихтиёр берма! Илм, илмий ҳожатлари учун чақирсалар, албатта бор! Фойданг етиши мумкин бўлган жойларга ҳозир бўл!

Агар ҳузурларига киришни кўпайтиранг, турли ҳожатлар билан кўзларини қабартирадиган бўлсанг, ҳурмат-иззатинг қолмайди. Натижада, сени хорлайдилар, илмингни ҳам, ўзингни ҳам менсимай қўядилар. Ҳурматинг қолмагани илму шариатнинг бехурмат бўлганидир.

Шунинг учун бу даргоҳларга зарурат бўлмаса, зинҳор яқин келма! Уларни алангаси баланд, қизиган олов деб бил! Оловни иссиқлиги ва ёруғлигидан ўртача масофадан фойдалан! Оловга яқин келма-ки, куйиб қоласан! Оғир дард орттирасан! Чунки, уларнинг баъзилари ўзига яхши кўрганини бошқаларга раво кўрмайди ва фикридан кўра тўғри ва ҳақ бўлган фикр билан ҳисоблашмайди, қабул ҳам қилмайди.

Улуғ ва подшоҳлар ҳузурида кўп гапиришдан сақлан! Кўп гапирсанг, гапинг орасидан сени мулзам қиласидиган ва бир-бирига зид ўринларни қидириб, ўз гапинг билан ўзингни мулзам қилиши мумкин.

Шунинг учун уларни ҳузурига кирсанг, обрў ва қадр-қийматингни бил!

Бошқаларнинг ҳам қадрларини назарингдан қочирма! Агар унинг олдида сен танимайдиган аҳли илм, донишмандлар бўлса, у ерга зинҳор кирма! Журъат ҳам этма!

Чунки, агар илминг улардан саёз бўлса, ечиладиган масалаларда аҳли илмлардан устун келиб, ўзингга зарар қилишинг мумкин. Агар улардан кўра олимроқ бўлсанг, ечиладиган масалалар устида бехабар ёки тажрибасизлигинг учун жавоб беролмайсан ёки ноўрин ҳаракатларга йўл қўясан. Шунда обрўйинг тўкилади, қадринг қолмайди. Султон ва бошқа амалдорларнинг назаридан қоласан.

Агар султон ҳазратлари бирон амални, мансабни таклиф қилсалар, фақат дин ва мазҳабингизга фойда, устоз ва мазҳабингиз рози бўлишини билсангиз қабул қилинг. Бундай бўлмаса, албатта қабул қилманг.

Илм ва ҳукмларингиз мазҳабингизга риоя қилмоғига жидди-жаҳд кўрсатинг ва шунгагина рози бўлинг! Токи, ҳукм деб, бошқа мазҳаб ва илмларга мурожаат қилишига мажбур ҳамда эҳтиёж туғдирмасликка ҳаракат қилинг.

Саройдаги ва бошқа мансабдорлар билан боғланиб туришдан эҳтиёт бўлинг! Балки, зарурат бўлса, Султон ҳазратларининг ўзи билан яқин муносабатда бўлинг! У билан алоқангиз мустаҳкам бўлса, атрофидаги барча зотлардан узоқ бўлинг! Шунда эътиборингиз, тинчлик, фаровонлигингиз боқий бўлади.

Кўпчиликни ичидаги фақат сўралган масалага жавоб бер! Оммани ҳузурида турганингда кўп гапиришдан сақлан! Савдогар аҳли ҳамда ҳалқ оммаси ҳар қандай сўз, масалани бирдан узоқларга етказадилар.

Сени олим ва омил деб, эътиқод қиласилар ва ҳар бир айтган иршодингни дикқат билан қулоқ тутиб амал қиласилар. Керак бўлса, билганларича текширадилар. Кўп гап ихтилофлар манбаидир. Шунинг учун кўп гапириш ва ихтилофлик масала ҳал қилишдан сақлан!

Кўпчиликни ичидаги фақат илму маърифат билан оммабоп илмий сўзлагин!

Муомаланг ва ҳаракатларингда мол-дунё муҳаббати борлигига ишора қилма! Агар бунга йўл қўйсанг, сен ҳақингда турли ёмон фикрлар пайдо бўлишига сабаб чиқади. Пора олишга майли бор,- деб ўйлашлари ёки сени ҳам порахўр деб ўйлашлари мумкин.

Бирон жамоатга ҳозир бўлсанг, овоз чиқариб кулиш, ҳатто табассум қилишдан ҳам сақлангин! Чунки, сени мутакаббир, мансаби, илми билан гердайган, ўзини катта оладиган киши экан, деб ўйлашлари мумкин.

Бозорларга боришликни кўпайтирма! Фақат зарурат бўлганда, шунда ҳам иложи бўлса, бошқа кишининг чиқиб келишини илтимос қил.

Ўсмир, ёш йигитчалар билан кўп гаплашма! Зоро, уларда фитна бордир. Аммо ёш болалар билан гаплашмоқ, ҳатто бошларини силаб эркалашни заари йўқдир. Чунки, уларнинг беғубор қалблари, самимий қилиқлари инсонни яхшиликка, меҳр-шафқатга ундейди. Лекин бу амалнинг асли суннат экани маълумдир.

Эй, шогирд! Катта кўча, гавжум жойларда ҳамда шаҳар ёки қишлоқнинг катталари билан бирга юришдан сақлан!

Агар ҳурмат қилиб, олдингга ўтказиб юрсанг, Худо берган илмни хор қилган бўласан. Илму ирфоннингни айбга жалб қиласан! Агар уларнинг олдига тушиб юрсанг, унда ўзингни айбу нуқсонга жалб қиласан. Улуғ ёшлари, мўътабар мансабларини, иззатларини назарга олмаган бўласан. Бу билан ўзингни хор қиласан.

Жаноб Расулуллоҳ саллаллоҳу алайҳи васаллам:

–Кичикларимизга раҳм-шафқат қилмайдиган ва катталаримизни ҳурмат қилмайдиган киши биздан эмасдир,— деб огоҳлантирганлар.

Кўчада ўтирма! Зарурат бўлса, масжидда ўтири!

Эй, ўғлим! Бозор ва масжидларда таом тановул қилмагин! Шунингдек, кўчаларда ҳам овқатланма! Жойларда сотилаётган ичимликни, ичимлик сотувчилар қўлидан ҳам ичмагин! Бундан сақланиш ўзингга фойдадир.

Эй, фарзанд! Яна бир нозик муҳим ишни билиб олгин! Раста ва таом тановул қилишга мўлжалланган хонтахта (стол) устига ўтирма!

Ипак матоли турли ҳарир ҳамда ялтир-юлтир кийимларни кийишдан сақлан! Чунки, бу кийимлар эркакларга ярашмайди. Ҳулқ-атворларини бачкана бўлишини ва аёллар табиатига мойилликни келтиради.

(Шубҳасиз, турли тақинчоқлар –узук, занжирлар, ҳатто соатни ҳам зийнат учун тақса, мазкур хислатлар эгаси бўлиб қолганини ўзи ҳам билмай қолади.)

Эй, фарзанд! Аҳли аёлинг билан уйда ва бир ўринда бўлганингда кўп гаплашма! Фақат зарурат вақтида, шунда ҳам зарурат миқдорича бўлгани маъқулдир.

Кўп яқинлик қилишдан, уни ҳадеб бағрингга босишдан сақлан. Унга яхши ният билан, Аллоҳни ёд этиб «бисмиллаҳ» деб яқинлаш.

Аҳли аёлинг билан бўлганда бошқа аёллар тўғрисида ҳеч гапирма! Ҳатто ўз чўриси ва бошқаларнинг чўрилари ҳақида ҳам гап очма.

Қайтар дунё, дейдилар. Бегона аёлларни гапирганингда, аёлинг ҳам begona эркаклар тўғрисида гапириши мумкин.

Агар қодир бўлсанг, зинҳор бева, эрдан ажраган ёки ёлғиз отаси ва ёки онаси билан қолган ёки фарзандлари бўлган аёлга уйланма. Агар уни хотинликка олсанг, шу яқинларидан биронтаси уйга келмаслиги шарти билан уйлан. Чунки, агар хотин бой–бадавлат бўлса, ота–онаси бу моллар бизники, деб даъво қиласилар.

Мол–дунё қўлнинг кири, вақтинчалик бериладиган, тезда сарф бўлиб кетишга маҳкум нарсадир. Уни деб қанча асабинг ва обруйинг кетади.

Имкон қадар қайнотангни уйига бормагин ва албатта, ичкуёв бўлишга рози бўлмагин! Агар ичкуёв бўлсанг, улар молингни олиб, яна топганингга тама қиласилар.

Олдинги турмушидан фарзанд орттирган аёл билан турмуш қуришдан сақлан! Чунки, ҳеч сир эмас, бу аёл мол–дунёни болаларига ажратиб тўплайди, ҳатто сени молларингни ҳам ўғирлашга боради. Шу билан топганларини ҳаммасини болаларига инфоқ қиласиди ва сенга кўпинча аҳамият ҳам, вақт ҳам ажратмайди. Молингга унда вафо топишинг жуда мушкул бўлади. Негаки, унинг боласи сендан ҳам, молингдан ҳам кўра азиз, қадрлироқдир.

Эй, ўғлим! Дунё ғам–ташвишларидан ҳалос бўлишинг учун, зинҳор бир ҳовлида икки хотин (икки рўзгор) билан турма! Уларнинг ҳовлиси ҳам, кириб–чиқадиган эшиклари ҳам бошқа–бошқа бўлсин! Агар ҳожатларини адо этишга қодир бўлишингга ишонсанг, бунинг учун касб–ҳунар, сармоянг бўлса, кейингиларини хотинликка олгин. Йўқса, биттаси билан кифоялан!

Ҳаётда аввал илм таҳсил қил, кейин касб–ҳунар қилиб ҳалолдан мол–дунё тўпла! Шундай кейин уйлан! Чунки, агар илм таҳсил қилаётган вақtingда мол–давлат талабига ўтсанг, шубҳасиз илм олишга ожиз бўласан. Мол–давлатинг кўпайиб, майшатга қизиқасан, чўри ва ёш хизматчиларга сотиб олишга рағбатинг ошади. Шу билан давлат кўпайтириш ва хотинлар билан машғул бўлиб қолиб, илмдан бенасиб бўласан. Умринг ва қимматли вақтларинг бекор кетади. Кейин болаларинг кўпаяди, аҳли аёл ғам–ташвишлари ҳам ортиб, ўз–ўзинг билан бўлиб қоласан. Шубҳасиз, ҳожатларини чиқариш ва манфаатларини зиёда жалб қилишга бериласан. Натижада илмни ва унинг фойдаларини тарқ қиласан!

Эй фарзанд! Ёшлик вақtingда илм билан шуғуллан! Ёшликни ғанимат билиб илм, касб–ҳунар эгалла! Чунки, унда қалбинг турли ғам–ташвиш, муаммолардан ҳолий бўлади. Нимани қизиқиб ўрганса, қалбга ўрнашади. Илм ва касб эгаллагандан кейин мол–давлат йиғишига ҳаракат қилсанг, тўғри йўл тутган бўласан. Аҳли аёл, фарзандларни кўплиги, шубҳасиз, қалб ва ҳаёлингни эгаллайди, ташвиш ва муаммолар кўнглингни банд қиласади.

Қачон мол-давлат тўпласанг уйлан. Маслаҳат билан муносиб ва салоҳиятли кишиларнинг солиҳа фарзандини турмушинг мазмунига айлантириш.

Эй, шогирд! Тақвони, Худодан қўрқувни ўзингга касб қил! Шиоринг ҳам, қадаминг ҳам муттақинлар шиори ва қадами бўлсин!

Омонатдор бўлмоқ, омонатни соҳибиға белгиланган вақтда адо этишга қаттиқ тиришгин! Омонатда ҳам, халқ оммасига қилган панду насиҳатларингга аввало ўзинг амал қилувчи бўл! Ҳақнинг ҳам, халқнинг ҳам олдида юзинг ёруғ бўлишига сабаб йўлни раво кўр!

Эй, фарзанд! Зинҳор тақво ва илминг ёки бошқа хислатларинг туфайли одамларга паст назар билан қарамагин.

Хурматингни ҳам унутма! Ўзингни қанча эъзоз ва улуғласанг, бошқаларни ҳам шунчалик эъзозу икромга муносиб кўргин! Инсонларга қиласидиган муомалаларингда жуда ҳам эҳтиёт бўлгин!

Уларнинг ҳаётларига ўзингча аралашма! Ишларига ҳам киришиб кетмагин! Фақат, агар алоқа боғласалар, сен билан салом-алик қиласалар, ўз ҳурматингни билган ҳолда муомала ва муошара ўрнат!

Илм билан, фақат илм билан алоқада бўл! Турли хайрли масалалар ечими билан уларга иқбол қил! Не саодатки, агар улар илм аҳларидан бўлсалар, илм билан машғул бўладилар. Агар ундей бўлмаса, улар сени яхши кўрадилар, илм ва илм аҳлига қалбларида муҳаббат уйғонади.

Эй, шогирд! Дин иши, аҳкомларини омма ичида кенг равишда тарғиб ва ташвиқ қилишдан сақлан! Дунё ишлари билан боғлаб баробар гап юритишга ҳаракат қилгин! Чунки, одамлар сенга иҳлос қиласидилар, гапларингга эргашадилар ва батамом дин билан шуғулланиб қоладилар. Буни оқибатини тафаккур қил!

Эй, фарзанд! Бирон масала юзасидан фатво сўрасалар, сўралган масалагагина жавоб бергин! Ҳеч бир масалага яна бошқа масаланинг жавобини қўшиб жавоб бермагин! Чунки, бунда сўровчиларни чалкаштириб қўйиш мумкин бўлади. Ҳатто мубҳам ва мушаввиш қиласиди, аниқ жавоб тополмай сарсон бўлади. Шунинг учун, сўралган саволга, ўзи фахмлайдиган қилиб, лўнда ва ихчам жавоб ахтаргин!

Эй, фарзанд! Огоҳ бўл! Ўн йил касбу ҳунарсиз, овқатсиз қолсанг ҳам илмдан воз кечма! Зеро, илмдан юз ўгириш барча яхшиликдан юз ўгиришдир. Илмдан қорним, мансабим ёки бошқа дунё ҳожатлар деб кетишинг оғир мусибатдир. Балки ҳаётинг яна ҳам тангроқ, бало ва оғатлар билан мاشаққат гирдобига тортилишига сабаб бўлади. Зинҳор илм таҳсилини тарқ этмагин.

Эй, шогирд! Аҳл илм ва аҳли фазлларга жуда эҳтиромли ва эътиборли бўл! Ёши улуғларини устозингдек, ёшларини эса

садоқатли шогирдларингдек бил! Агар ёрдамларидан фойдаланган бўлсанг, ўз отанг ва фарзандингдек кўр! Шундай гўзал ва бетакрор муомала, доим очиқ чеҳра билан қарши олгин! Бу гўзал ҳулқинг уларда илмга рағбатларини кучайтириши керак.

Эй, шогирд! Илмим бор деб бозор, кўпчилик йигиладиган жойларда, шунингдек, бозор аҳли бўлганлар ва кўпчилик ичидаги юрадиган кишилар билан музокара қилиб, талашиб–тортишиб юрмоқдан эҳтиёт бўл! Чунки, бу юзингни нурини кетказади. Виқор ва салобатингни инсонлар кўзидан яширади.

Азизим! Ҳақни айтишдан, ҳақиқатни юзага чиқаришдан ҳеч кимдан, ҳатто подшоҳдан ҳам тортинма! Бу тўғрида уят, андишага йўл қўйма! Зеро, Аллоҳ Ҳақдир, ҳақни яхши кўради. Ростгўй ва ҳақиқатгўйларни дўст тутади!

Эй, фарзандим! Ибодатларинг кўп бўлса, бўлсин. Аммо, бошқа кишиларнинг ибодатидан кам бўлишига рози бўлмагин! Тоатга муҳаббатинг ва рағбатинг кучлилиги билан мумтоз бўл!

Чунки, ибодатларинг кам ёки баробар бўлса, одамлар сен ҳақингда турли салбий эътиқод қилишларига сабаб булади.

–Ўзининг тақво, ибодати шу бўлса, гапини қабул қилиш, ишониш қандай бўлар экан? – деб ўзларича фикр юритадилар.

–Илми ўзига фойда бермабди, билганига амал қилмабди ва яна шу каби турли гап тарқатадилар. Бу илм ва шариатга улкан оғатдир! Бундан сақланиш учун мутолаа ва ибодатингга зиёдалик баҳш эт ҳам уларга мустаҳкам бўлгин!

Эй, азизим! Бирон шаҳарга борсанг, бу жойни ўзингники қилиб олмагин. Чунки, ҳар бир ўрмоннинг ўз шери ва бошқа аёнлари бўлгани каби, бу жойнинг ҳам ўз аҳли илмлари бор. Илм ва тақвою риёзатинг сабабли аҳоли қалбини эгаллашга ошиқмагин!

Балки, икки дунё тинчлик ва хотиржамлигини хоҳласанг, шу ерлик инсонларнинг бири бўл! Ҳалқ орасида бундай сифат билан мумтоз бўлиш ундаги аҳли илм обрў–мартабаларига путур етишига боис бўлади. Улар буни сезиб қолсалар нима натижалар бўлишини идрок эта олсанг керак!

Ҳаммалари сенга қарши чиқиб, сени обрў–эътиборингга таъна ва зиён етказадилар. Мазҳабингга айбу нуқсон тошини отадилар ва шу билан бирга шаҳар аҳолисини ҳам сенга қарши қўядилар. Натижада сенга ишонмайдилар, «айбу нуқсон»лар билан ажаблик ва қолаверса, қарғиши олган кимсага айланасан. Шунинг учун ҳам бу диёрда ўзингга ҳам, бошқага ҳам фойда бера олмайсан. Энг яхшиси шу диёрнинг оддий бир фуқароси бўлиб юргин ва асталик билан жамиятда ўз ўрнингга интил, то илм қуролинг ва одоб либосинг бўлсин.

Эй, шогирд! Бирон масала юзасидан фатво сўраб келсалар, ҳеч қачон мунозара қилиб, талашиб тортишиб баҳслашмагин! Ҳар бир айтган сўзинг, ҳатто ишораларинг ҳам далил билан исботли бўлсин! Имкон қадар уларни очиқ ва ҳаммага маълум қилиб келтир! Устозларига таъна ва маломат губорини зинҳор тўкма, бунга ишора ҳам қилмагин. Агар уларни устозларига таъна, айбу нуқсон ёпиширадиган бўлсанг, шубҳасиз, улар ҳам сенинг устозларингга шуларни қиладилар.

Эй, фарзанд! Муомалаларингни барчасида огоҳ бўл! Қодир бўла олгунингча огоҳ ва эҳтиёткорликни энг зарурий бурчинг деб бил! Зеро, мўъмин банда доим огоҳ ва итоаткор бўлмоғига амр Аллоҳнинг Каломи мажидида бордир.

Эй, кўзларимнинг нури! Қалбингда Аллоҳ билан қандай бўлсанг, ошкорингда ҳам худди шундай бўл! Ичингда ҳам, сиртингда ҳам, ёлғиз қолганингда, жамоат орасида ҳам Яратган парвардигоринг билан орада иккиюзлиликка йўл қўйма! Бундай ҳулқнинг аввалию охири вой ва мудҳишдир.

Илм муаммоларини ҳам ичи-ташини бир маромда ислоҳ қилиб олганингдан кейин ҳал қил! Мақсад –Аллоҳнинг ризолигини топиш ва албатта, унинг қаттиқ азоби ва газабидан сақланиш бўлмоғи керак! Шунинг учун, илм маслаҳати баҳонаси билан дунё муоммоларини ҳал қилма!

Сени илминг, тақво ва охиратингга дуруст келмайдиган бирон амални тавсия этсалар, зинҳор унга юзланма, уни қабул қилма! Аммо бу билан динга, илмга ва охиратга фойда етказишингга кўзинг етса, уни уддалашингга имконинг борлигини фаҳмласанг, уни қабул қил! Унда илм учун, дин учун мустаҳкам тур!

Турли мажлисда ва айниқса, илмий мунозараларда қўрқув ва иккиланиш билан сўзлашдан сақлан! Далил-исботлар излашдан чарчамоқни ўзингдан узоқ тут! Гапирганингда дадил, ўзинг ҳам ишониб, пишиқ-пухта гапир! Маъно ва ҳикмат билан тингловчиларни ўзингга жалб эт!

Эй, шогирд! Кўп кулмоқдан сақлан! Зеро, кўп кулгу қалбни ўлдиради, юзингни нурини кетказади. «Тирик қалб» соҳиби эса абадий зеҳн, одобу ахлоқ ва бошқа фазилатларда намуна бўлиш қувватига эга бўладилар.

Хотиржам, виқору салобат билан юргин! Аммо енгил ва тез, ҳушҳаракат бўлгин! Оғир ва шошқалоқ бўлмоқдан сақлан! Ҳар бир ишингни шошиб чала амалга оширишдан узоқ бўл!

Орқангдан чақирган кишига жавоб қилма! Чунки, ҳайвон орқасидан чақирилади. Гапирганингда овозингни кўп баланд қилма! Қичқириб, шовқин солиб гапирма! Сукунатни (жим туришни) одат

қил! Яна кам, аммо аниқ ҳаракатли бўлишни ҳам одат қил! Шунда кишилар наздида ўз илмингга амал қилувчи бўласан ва турли фитналар барҳам топади.

Ёлғизлигингда ва айниқса, инсонлар орасида бўлганингда Аллоҳ таолони кўп ёд эт! То инсонлар зикр қилишни сендан ўргансинлар. Намоздан кейин ўқийдиган вирдларни вазифа қилиб олгин. Вирдинг Қуръон карим, зикр ва шукрдан иборат бўлсин! Бу вирд неъматларга шукр қилмоғингга ҳамда синовларга сабрли, матонату бардошлиқ бўлмоғингга даъват этсин!

Ҳар бир ойнинг муайян кунлари рўза тутишни вазифа қилгин! Бу хайрли амалларда ҳам одамлар сенга эргашсинлар! Ўзингни доимо текшири, қаттиқ назорат қил! Назоратинг дунё ва охиратингга манфаатли бўлсин.

Шунингдек, илмингдан дунё мақсадларига етишлари, уни амалга оширишларига йўл қўйма!

Эй, шогирд! Рўзгор ва олди-сотди ишларини бозорга бориб ўзинг қилмагин. Бунинг учун бир солих ғулом, хизматчи олгин. Мол-дунёга сенда ҳам унда ҳам қизиқиш бўлмасин. Молларингга ва бу тўғридаги амалларингга ҳам Аллоҳнинг ҳузурида тик жавоб беришингни унутма! Хизматчинг битта солих ва содиқ бўлсин! Хизматчиларни кўпайтирма! Имкон қадар улар ўспириналар ҳам бўлмасин!

Эй, шогирд! Подшоҳ ва амалдорларга яқинлигингни ўзинг изҳор қилма. Ҳарчанд, улар изҳор қилсалар ҳам сен бу ишдан сақлангин! Чунки, бунинг натижасида уларга эҳтиёжинг кўпаяди. Улар ҳурматингдан фойдаланиб, сени восила қилиб ўз ҳожатларини арз қиласидилар. Энди, ҳожатларини талабида бўлсанг, амалдорлар сени хор қиласидилар, ҳурмат ва мартабангга сув қуядилар.

Агар улар учун ҳаракат қилмасанг, сени айблайдилар ва маломат қиласидилар.

Кишиларнинг хатоларига, шариатга хилоф одатларига эргашма! Балки, уларнинг ҳақ, шаръий шарифга мувофиқ келадиган урф-одатларига эргашгин!

Агар бирон инсонни ёмонлигини, ғаразини билсанг, уни ёмон феълини гапирма! Уни ошкор этма! Балки, ундан яхшилик чиқишига умид қил! Агар яхшиликлари бўлса, унда яхшиликлари билан зикр қил!

Аммо ёмонлиги имон-эътиқод, динда бўлса, уни албатта гапир! Бошқаларга панд-насиҳат бўлсин ва уни бу хатодан халос қилсин! Инсонлар унинг хатоларига эргашмасинлар.

Зеро, муҳтарам пайғамбаримиз саллаллоҳу алайҳи вассаллам:

—Фожир, бузғунчи инсоннинг барча камчиликларини одамларга айтинг. Токи, инсонлар уларни билиб олиб, улардан сақлансынлар ва эҳтиёт бўлсинлар. Бойлик, обрў ва бошқа фазилатлари фожирлик, фисқу фасодларини гапиришга тўсиқ бўлмасин!

Шунинг учун, бирон кишини диний, эътиқодий ишларида камчилик кўрсанг, уни мартабаю обрусидан қўрқмай гапир! Зеро, бу улуғ ишда ёлғиз ва қудратли Аллоҳнинг ўзи сенга ҳам, динга ёрдам берувчи ва қўлловчидир!

Шундай қилиб, бир марта қаттиқ «қуллик» қилсанг, сөндан қўрқиб қоладилар. Кейин бундай номаъқул ҳаракатларга журъат этмайдилар. Қатъийятлигинг олдида бирон кимса дин ишларида бидъатга жазм этолмайди. Жасурлик ва шижоат билан ҳам бундай ишга кириша олмайди.

Эй, шогирд! Бошлиғинг ёки бирон амалдорнинг ҳаракатида илмга ва шариатга тўғри келмайдиган нарсаларни кўрсанг ёки сезсанг, итоатингни сақлаган ҳолда, одобу ахлоқ билан унга буни айтгин. Зеро, унинг мартабаси, куч-қудрати ҳам баланд эканини доим ёдингда тутгин! Масалан, шундай деб фикрингни изҳор қилсанг тўғри бўлади:

—Мен итоатлик фуқароингизман, сиз менинг подшоҳим, бошлиғимсиз! Ушбу сўзларни самимий қалбимдан айтиб турибман. Шу билан бирга, илм, Аллоҳ ва унинг расулиниң кўрсатмаларига номувофиқ баъзи ҳулқ ва ҳаракатларингизни айтиб қўймоқчиман,— деб, ҳужжат ва далилларни камоли эҳтиром билан келтир. Бу далилларнинг моҳиятини ҳам англатсанг дуруст бўлади.

Бу ишни фақат бир марта қил, зинҳор такрорлама! Бир марта қилиш билан насиҳат қилиб қўйиш гарданингдан соқит бўлади. Аммо, бу ишни такрор қилсанг ёки доимий ишингга айлантириб қўйсанг, у ҳам ва бошқа амалдорлар ҳам сени ёмон кўриб қоладилар. Натижада улардан кўп кўнгилсиз воқеа ва фитналар амалга ошиб динингга ва ўзингга зарар, заҳматлар етади.

Шубҳасиз, бу ишлар диний имтиёзларга бўлган кенгликни торайтиради, шариат аҳкомларини адо этишни катта таҳлика остида қолдиради. Хатто қатағон, бадарға ва бошқа мисли кўрилмаган оғатларга сабаб бўлади. Улуғларнинг камчилигини айтиш жуда нозик иш бўлиб ўта эҳтиёткор бўлиш талаб қилинади. Дин соғлиги, шариат аҳкомларининг боқий қолишига бўлган муҳаббатингни билдириб қўйиш учун бир марта ва кўпи билан икки мартагина насиҳат қил! Амри маъруф ва наҳий мункар деган фарзни бажариб гарданингдан соқит қилгин!

Албатта, бу масала юзасидан бошлиқ ва бошқа амалдор ҳузурига ёлғиз ўзинг кир ва имкон қадар унинг ҳам ёлғиз бўлишига ҳаракат

қил! Шунда имону эътиқоддан келиб чиқиб, шариат кўрсатмаларига мувофиқ равишда унга насиҳат қил! Агар ўзи бадъатчи бўлса, у билан илмий мунозара қил! Бу ишни ёлғиз Худонинг ризолиги учун амалга ошири. Даилиу ҳужжатларингни Қуръони каримдан ва жаноб Расулуллоҳ саллаллоҳу алайҳи васалламнинг муборак ҳадисларидан қоим қилгин!

Бу даргоҳда сўзларинг қабул бўлса, нур устига аъло нурдир! Агар сўзларинг қабул қилинмаса, инсоф ва тавфиқ сўраб, Аллоҳ таолодан сени ўз ҳифзу ҳимоятида сақлашини илтижо қилгин! Уларга Аллоҳнинг ўзи кифоя бўлишини сўраб дуо қилгин!

Эй, ўғлим! Бу оламдаги энг ҳақ нарса –фонийликни, яъни ўлимни унутмагин, доим Ҳақ зикрини ёдингда тут! Илму ҳунар ўргатган барча устоз ва мураббийлар ҳақларига истиғфор айт! Дуода бўлмоқни ўзингга вазифа қилгин!

Аллоҳ таолони нури –Қуръони карим тиловатига бардавом бўл! Қабристонларни тез–тез зиёрат қилиб тур, улар охират манзилларининг энг аввалидир. Қабристон, индамаслар олами ҳикмат ва ибратларидан фойда ол!

Шайху машойих, мўйсафид, замонанинг зиёли кишиларини ҳамда Аллоҳнинг файзи ила баракотли бўлган жойларни доимо зиёрат қилгин!

Омма ичидан бирон киши тушида жаноб Расулуллоҳ саллаллоҳу алайҳи васалламни кўрдим деса, ёки бошқа бирон улуғ зот, солиҳ инсонни тушимда кўрдим деса, шунингдек, Аллоҳ улуғ ва муборак қилган манзил–маконларни кўрдим деб сенга юзлансалар, зўр мамнуният билан ҳақ деб қабул эт! Масжид, қабристон ва муборак, файзли жойларда солиҳларни рўёсида кўрганларни ҳам хурсандлик билан қабул қилгин!

Эй, шогирд! Нафсу ҳавосига эргашган, мол–дунёга қул бўлганлар билан ўтирма! Фақат дин, имон–эътиқодга даъват этиш мақсадида бўлса улар билан мажлис қур!

Жамоатда, шогирдларинг орасида ва бошқа ўринларда ҳам ўйинқароқлик ва сўкиниб гапиришни тарк эт! Бундай иллатни одат ҳам қилма! Чунки, аҳли илмнинг ўйинқароқлиги ва сўкинувчанлиги нафақат ўзининг, балки диннинг эъзоз ва эҳтиромига губор туширади.

Эй, азизим! Муаззин аzon айтгандан кейин масjidга энг аввал кир! Сендан илгари бирон киши масjidга кирмаслигига ҳаракат қил ва доим таҳоратда тайёр бўлгин!

Яна фойдалик жиҳатлардан бири, ҳовлингни подшоҳ ва амалдор ҳовли ва тураг жойларига қўшни бўлишдан узоқроқ тутишингдир.

Қўни-қўшниларингдан биронтасини камчилигини ёки бир ношоиста ишини билиб қолсанг, уни ошкор қилма. Бу сирни унинг учун яшир! Чунки, бу ҳам омонатлардан биридир. Одамларнинг сир-асрорларини ошкор қилишдан сақлан!

Агар маслаҳат қилиш учун бирон киши келса, албатта, Аллоҳ, унинг даргоҳига яқинлашадиган, шариат талабига мувофиқ қилиб маслаҳат билан унга юзлангин!

Эй, ўғлим! Менинг бу васиятларимни, насиҳатларимни қабул этгин! Зеро, у сенга ҳар икки дунёда манфаат етказади, инша Аллоҳ! Бу фоний оламда ҳам, боқийда ҳам Ҳақнинг иззат ва ҳурматига соҳиб бўлмоғингга етарлидир.

Эй, фарзанд! Бахиллик ва унинг кўринишларидан сақлан! Чунки, баҳиллик ғазабни қайнатади, хусумат ва адоватга сабаб бўлади.

Зинҳор таъмагир бўлмагин, ёлғончи ва ҳийла-найранг қилувчи ҳам бўлма!

Соҳиби тахлит, яъни ҳақ билан ботилни, жиддий ва ҳазилни аралаштирадиган киши бўлмагин!

Балки, муруватингни ҳар соҳада муҳофаза қил! Ҳамма ҳолатда оқ, очиқроқ рангдаги либослар кийишни одат қил!

Дунёга рағбатинг, ҳирсинг йўқлигини ўз ҳаракатларинг билан кўрсат! Қалбан бой ва беҳожат эканингни изҳор қил! Фақирлик аломатларини умуман кўрсатма! Буни билдирма!

Бу жаноб Расулуллоҳ саллаллоҳу алайҳи васалламнинг «Фақрий фахрий» яъни, «Фақирлигим, ёлғиз Аллоҳга муҳтожлигим ифтихоримдир, – деган муборак ҳадисларининг ифодаси бўлади.

Аммо фақирликни зоҳир қилсанг, унда куфр ва бошқа гуноҳларнинг шабадаси эсиб қолиши мумкин! Олийҳиммат, муруватли фазилатлар соҳиби бўл! Зеро, кимнинг муруввати ва ҳиммати заифлашса, шубҳасиз, унинг инсонлар ўртасидаги обру ҳурмати ҳам тушади. Аммо сенинг манзилинг тушишида шариат ва илмнинг ҳам манзилига путур етади.

Йўлда юрсанг доим назарингни ерга қарат! Ўнгу сўл, ён-атрофга анграйиб юрма! Чунки, бунда викор ва салобатни йўқотасан.

Ҳаммом ва сартарошга хизматинг тушса, уларнинг хизмат ҳаққини ҳалқ қатори эмас, балки ортиқ қилиб бер! Бу сенинг бошқалардан муруватинг ва ҳимматингни кўрсатади. Шунда, инشاалоҳ, кишилар сени улуғ кўра бошлайдилар.

Тикувчи ва бошқа ҳунармандларга молу матоларингни топшириб қўймагин. Бу ишларинг учун ҳам бир ишончли киши таъйинлаб олгин ва у бажарсин. Майда ўлчов ва оғирликлар устида савдолашиб, тортишиб қизишиб юрмагин, дирҳам ва бошқа чақа

пулларни ўлчатиб юрма, балки бу ишларни ўша ишонган кишингга топшир!

Аҳли илмлар ҳузурида дунёни шундай бир хор ва ҳақир қилиб кўрсат, арзимас мато эканини гўзал ифодалагин. Зеро, Аллоҳ ҳузуридаги ҳамма нарса хайрли ва афзалроқдир.

Илм билан шуғулланишингга кўпроқ имконият бўлмоғи учун бу дунё ишларига ишонган кишингни таъйинлаб қўй! Шунда дунё ҳожатларинг қалбингни ўраб олмайди ва қалбингни яхшироқ муҳофаза қиласди.

Эй, шогирд! Мажнунлар билан ҳамда мунозара ва илмий баҳс юрита олмайдиганлар билан сўзлашма! Улардан сақлан.

Яна музокара қилиш билан обрў ва ҳурмат қозонишни ният қилгандардан ҳам узоқ бўл! Одамларга ҳар хил масалалар айтиб, унга ғарқ қиласдилар ёки одамлар ичида ғаройиб савол топиб берид, уларни ўзларига қаратадилар. Бу билан сени манзилинг ва ҳурматингга чанг соладилар. Шубҳасиз, бу ишлар билан сени ҳижолат бўлишинг ва азият чекмоғингни хоҳлайдилар. Сенинг ҳақ эканингни билсалар ҳам назарга олмайдилар, парво ҳам қилмайдилар. Шунинг учун ҳам бу тоифалардан йироқ бўлишга ҳаракат қил!

Эй, шогирд! Бирон жой улуғларининг ҳузурига кирсанг, улар билан талашиб-тортишма, уларга баланд келаман дема! Зиён-заҳмати тегмаслиги учун улар баланд келган нарсаларда, овозингни ҳам, ҳужжатларингни ҳам баланд қилма!

Намозда дарҳол имоматликка ўтиб кетмагин, имкон бўлса умуман имоматликка ўтма! Ҳурмат билан, эъзоз-икром билан ўзлари имоматликка ўтиб беришингни сўрасалар, унда жоиздир.

Эрта тонгда ва кун қизиб турган вақтларда ҳаммомга кирма! Назорат ва вазирликларга чиқма!

Подшоҳ ва амалдорлар мазлумларга ҳукм чиқарадиган жойларида ҳозир бўлма! Магар, бирон ҳолда сўзингни қабул қилишларини билсанг, ҳақни қарор топтира олсанг бормоғинг дурустдир.

Чунки, агар сен ҳозир бўлганингда, улар ношоиста иш қилсалар, уларни қайтаришга қодир бўлмайсан. Одамлар сукут сақлаганинг учун бу ишни ҳақ деб биладилар.

Одамлар орасида, айниқса, илмий мажлисда ғазабингга эрк беришдан сақлан! Одамларга ҳар хил қисса ва латифалар ҳикоя қилишдан узоқ бўл! Чунки, ҳар қандай ҳикоя қилувчи ёлғон гапни аралаштиришга мажбур бўлади. Ёлғончилик эса ҳамма жиҳатдан зарардир.

Аҳли илмлардан бирон киши илмий мажлис ўтказишни ирова қиласа ва бу мажлис фиқҳий мажлис бўлса, унга ўзинг ҳозир бўлгин!

Фақат аниқ билган ҳужжатлар билан далиллик мунозара этгин! Билмаганингни билмадим, дейишдан хижил бўлмагин! Шунда мағурурланмайсан, кибр-ҳавога кетмайсан! Агар ғуур ва мутакаббирлик қилсанг, одамлар сени илмли, лекин усти ялтироқ, ичи қалтироқ дейдилар.

Агар ҳужжат ва илмлар фатво беришга яроқлик бўлса, уни ҳам гапириб ўтгин! Агар фатво ва эътиборли томонларга мос келмаса, зинҳор ёд этма! Илм учун, билиб олсинлар, деб ҳам айтма!

Бирон киши илм олишни хоҳлаб келса, унга дарс беришга ўзинг киришма. Ҳузурингда бошқа киши дарс беришига ҳам йўл қўйма! Агар шундай бўлса, шогирдлардан бирини у билан дарс қилишга тайинлаб қўй. Дарс берувчига ҳам шогирдлардан бирини назоратга қўйгин, токи унинг мажлисида нима гаплар бўлаётганини хабар бериб турсин. Илми қай даражада эканини ҳам аниқласин.

Ҳурматингдан фойдаланиб ўтказилаётган мажлис ва маъruzаларга қатнашма, бу жойларга келишдан сақлан!

Агар сени бу жойларга чақирсалар, шогирдлардан бирини уларга бош қилиб юбор! Тинчликни ва ортиқча ташвишлардан халос бўлишни ирова қилсанг, никоҳ-талоқ масалаларини мавзу хатибига топшир. Албатта, жаноза ва ҳайит намозларини ҳам ўзи масъул кишига топшир!

Дуо ва илтижоларингда мени ҳам унутма! Ушбу васият ва насиҳатларимни қабул қилгин! Фақат сенинг ва барча мусулмонларни манфаатлари учун бу васиятни топширяпман.

Мундарижа

МУҚАДДИМА

- 1– ФАСЛ. ИЛМ ВА ФИҚҲНИНГ МОҲИЯТИ ВА ФАЗИЛАТИ ҲАҚИДА
 - 2–ФАСЛ. ИЛМ ОЛИШДА НИЯТ ҚИЛИШ ТҮГРИСИДА
 - 3–ФАСЛ. ИЛМ, УСТОЗ ВА ШЕРИК ТАНЛАШ ВА БУ ИШДА
МУСТАҲКАМ БЎЛИШ ҲАҚИДА
 - 4–Ф А С Л. ИЛМНИ ВА ИЛМ АҲЛИНИ УЛУГЛАШ ҲАҚИДА
 - 5–Ф А С Л. ЖИДДУ-ЖАҲД ЭТИШ, ТАЪЛИМУ-РИЁЗАТГА БАРДАВОМ
БЎЛМОҚ ВА ҲИММАТУ ГАЙРАТ ҲАҚИДА
 - 6– Ф А С Л. ДАРСНИ БОШЛАШ, МИҚДОРИ ВА
ТАРТИБЛАРИ ҲАҚИДА
 - 7– Ф А С Л. ТАВАККУЛ ҚИЛИШ ТҮГРИСИДА
 - 8– Ф А С Л. ТАҲСИЛ ВАҚТИ ҲАҚИДА
 - 9– Ф А С Л. НАСИҲАТ ВА МЕҲРУ ШАФҚАТ ТҮГРИСИДА
 - 10– Ф А С Л. ФОЙДА ТАЛАБ ҚИЛИШ ТҮГРИСИДА
 - 11– Ф А С Л. ИЛМ ОЛИШДА ПАРХЕЗ ВА ТАҚВО ҲАҚИДА
 - 12– Ф А С Л. ЗЕҲННИ МУСТАҲКАМЛАЙДИГАН ВА ЁДДАН
ҚЎТАРИЛИШНИ ҚОЛДИРАДИГАН ИЛЛАТЛАР ТҮГРИСИДА
 - 13– Ф А С Л. РИЗҚ ҲАМДА УМРНИ ЗИЁДА ВА КАМ ҚИЛАДИГАНЛАР
ТҮГРИСИДА
- УСТОЗ ИМОМИ АЪЗАМ АБУ ҲАНИФА ҲАЗРАТЛАРИНИНГ
ШОГИРДЛАРИ ИМОМ АБУ ЮСУФ ШАЙБОНИЙГА (АЛЛОҲ
ИККОВЛАРИНИ РАҲМАТ ДАРЁЛАРИГА ФАРҚ ЭТСИН!) ИРШОД ВА
ВАСИЯТЛАРИ.